



ციბეხანი

№ 72 / 18 – 24 აპრილი / 2011

- ბელარუსი: აფეთქებული რეალობა **გვ. 10**
- ანგარიში 2011: ინტერვიუ ჯონ ბასთან **გვ. 20**
- საქართველოს ლოგოსტური პოლიტიკა **გვ. 22**
- ბათუმის ვიაცა: როგორ დავკარგეთ 7 მილიონი **გვ. 30**
- გუდიაშვილის მოედნის გაურკვეველი მომავალი **გვ. 32**
- უსილავნი ჩვენს შორის **გვ. 36**
- ქალაქობა ქალიშვილებზე, მართლმადიდებლობა და სექსი **გვ. 44**
- კულტურა: ზიარება სიტყვიერებაში **გვ. 46**
- რომ იცოდეთ, როგორ მიყვარხართ ყველანი! **გვ. 52**

ფასი 2 ლარი

ISSN 1987-7528



სოსიანუხი ჰანუხისმბებლობა ქახიუნანე

გვ. 24

UCNOBI FM 98.0

UCNOBI FM 98.0

UCNOBI FM 98.0

UCNOBI FM 98.0

UCNOBI FM 98.0

UCNOBI FM 98.0

UCNOBI FM 98.0



IB VB TBII TBI UTB





ფოტო: ირაკლი კვიციანი

ბათუმის პიცა, 2011

ნომერში:

- 02 ლიბერალის ვებგვერდიდან
- 04 მოკლედ
- 06 **ორი აზრი**
აუცილებელია თუ არა ქალისთვის ქორწინება? ნანა ალაპიშვილი VS თეო ხატიაშვილი
მსოფლიო
- 08 გზაგზოს დასასრული
- 10 **ბელარუსი**
აფეთქებული რეალობა
- 12 **რუსეთი**
სოჭის ოლიმპიადა – ტესტი რუსული სპეცსამსახურებისთვის
- 20 **ინტერვიუ**
ანგარიში 2011

- ჯონ ბასი
- 22 **ინტერვიუ**
საქართველოს ლობისტური პოლიტიკა
მატიას ჭუტერი
მთავარი თემა
- 24 სოციალური პასუხისმგებლობა ქართულად
საზოგადოება
- 30 როგორ დაეკარგოთ 7 მილიონი
ურბანისტიკა
- 32 ისტორიული მოედნის გაურკვეველი მომავალი
ჯანდაცვა
- 36 უხილავნი ჩვენს შორის
თვალსაზრისი
- 40 სუბსიდირება იაფად!

- ანდრო ხეთერელი
- 42 ანტი – მულტი - კულტი
გიორგი ცხადაია
- 44 ძალადობა ქალიშვილებზე, მართლმადიდებლობა და ბრუტალური სექსი
ლაშა ბუღაძე
კულტურა
- 46 ზიარება სიცარიელეში
- 47 დაბადებულები საქართველოში, კურთხეულები „ამირანში“
რევიუ
- 48 Gracias A La Vida
- 50 **ტექნოლოგიები**
ქალაქში მოხეტიალე კაცის ჩანაწერები
- 52 რომ იცოდეთ, როგორ მიყვარხართ ყველანი!

გარეკანზე:

სოციალური პასუხისმგებლობა ქართულად



ჟურნალი „ლიბერალი“ გამოიცემა ფონდ „ლია საზოგადოება – საქართველოს“ მხარდაჭერით.

ავტორის / ავტორების მიერ საინფორმაციო მასალაში გამოთქმული მოსაზრება არ გამოხატავს ფონდის „ლია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.

The views, opinions and statements expressed by the authors and those providing comments are theirs only and do not necessarily reflect the position of Open Society Georgia Foundation. Therefore, the Open Society Georgia Foundation is not responsible for the content of the information material.

ნეხილი პასხიახჷს

ნინია კაკაბაძის ბლოგი



მასხოვს, პატარა რომ ვიყავი, სა-
აღდგომოდ ადამიანები ეკლესიაში რომ
არ წასულიყვნენ, ტელევიზიით გვიან
ლამე ყველაზე პოპულარულ ფილმებს
უშვებდნენ. „ლედი კარატე“ სწორედ
აღდგომის ღამეს ვნახე. მერე, ოდნავ
რომ წამოვიზარდე, იმის ნახვა მომი-
და, რის გამოც „ლედი კარატე“ მაჩვენა
საბჭოთა საქართველოს ხელისუფლე-
ბამ და მისდამი დაქვემდებარებულმა
სახელმწიფო არხმა.

ლიტანიობა უფრო საინტერესო მო-
მეჩვენა, ვიდრე სააღდგომო ფილმები
და მაშინ გამიჩნდა ეკლესიის უფრო
ახლოს გაცნობის სურვილიც. 11-12

წლის ასაკში მარხვის შენახვაც და-
ვინყე. მაშინ ბევრი არ ვიცოდი ვინც
მარხულობდა, არც სამარხვო კატლე-
ლეტები და ნამცხვრები მზადდებოდა
და იმ ასაკისათვის ჩვეული, გამორჩეუ-
ლობა მსიამოვნებდა.

ჩემი სკოლა მაშინ ოპერის უკან,
ბროსეს ქუჩაზე იყო და სახლისკენ მი-
მავალ გზაზე ხშირად შევდიოდი ქაშუე-
თის ეკლესიაში. მჯეროდა, რომ ახლად
გარდაცვლილი მამისთვის დანთებული
სანთელი, მას იმქვეყნად დაეხმარებო-
და. ყველაზე მეტად კი ეკლესიის სიჩუ-
მეში ჯდომა და ფიქრი მსიამოვნებდა,
ვიდრე ბრაზიანი ქალები და მამაკაცები

მომადგებოდნენ და მეტყოდნენ: „თავ-
საბურავი რატომ არ გახურავს?!“ „არ
იცი, რომ შარვლით ტაძარში შემოსვლა
არ შეიძლება?!“ „ფეხი ფეხზე ნუ გაქვს
გადადებული!“ და ა.შ. თანაც, ისინი
არა კეთილისმსურველი ინტონაციით,
არამედ სკოლის ბრაზიანი და ბოროტი
ღირექტორებით მელაპარაკებოდნენ
(ჩემი სკოლის ღირექტორი არასდროს
ყოფილა არც ბრაზიანი და არც ბორო-
ტი, ეს მაგალითი სტერეოტიპულია).

მაშინ დავკარგე სიმშვიდე ეკლესიაში
და ერთგვარი პროტესტიც გამიჩნდა.
არ მესმოდა, რა მნიშვნელობა შეიძ-
ლება ჰქონდეს თავსაბურავს, შარვალს
თუ ფეხს, რომელიც მეორე ფეხზეა
გადადებული?! ქაშუეთის მაშინდელი
მოდღვარიც, რომელთან გასაუბრებაც
არაერთხელ ვცადე, სულ ჭკუას მარი-
გებდა და სხვადასხვა დოგმების მიმართ
დამორჩილებას მთხოვდა. ამ დოგმებს
კი არაფერი ჰქონდა საერთო სახარე-
ბასთან, რომელსაც ბავშვობაში ხშირად
ვკითხულობდი. ერთი სიტყვით, რაც
დრო გადიოდა, ეკლესია მით უფრო
იესებოდა ბრაზიანი ქალებით, რომე-
ლიც შიგნით წესრიგს ამყარებდნენ და
დოგმატიკოსი მღვდლებით, რომელნიც
მათდამი დამორჩილებას ცდილობდნენ
და არა სიყვარულის და სიკეთის მორ-
ჩილებას. ბუნებრივია, ახალგაზრდა
ადამიანი რწმენაშიც და სიყვარულშიც
თავისუფლებას ეძებს და არა იმ აკრ-

რედაქტორები: მთავარი რედაქტორი შორენა შვერდაშვილი / აღმასრულებელი რედაქტორი სოფო ქვაჯა / კავკასია და კონფლიქტები სოფო ბუკია / საზოგადოება თამარ ბაბუაძე /
ახალი ამბები ნანა საგაია / ვებგვერდის რედაქტორი ნინო ჯაფარიანი
შპრნაღოსტაში: მია ნიკოლაური, მარიკა ქოჩიაშვილი, ეკა ჭითანავა, რუსუდან ფანიზოშვილი, თამარ ფარადაშვილი, ნინო ჩიმაკაძე, ნინო რობაქიძე, ნათია გულიაშვილი
კონტრაქტორები: მარკ მალენი, გიორგი ცხადაია, მანანა ვარდიამიანი, ნინია კაკაბაძე, დავით ბუხრიკიძე, გიო ახვლედიანი, კახა თოლორაძე, ლექსო ჩქარული, დიანა ჩაჩუა, ნათია
ახალაშვილი, ნინო ბექაშვილი, დანიელ ნინი, ნიკო ნერგაძე
რედაქტორი: ფოტო-რედაქტორი ლევან ხერხეულიძე / გრაფიკული დიზაინი თორნიკე ლორთქიფანიძე / რედაქტორ-სტილისტი პაატა შამუგია / კორექტორი თამარ ლონღაძე
ბაშმონტაჟი: პროექტის მენეჯერი ქეთი ბაბუნაშვილი / პროექტის მენეჯერის ასისტენტი ლელა შუბითიძე / კლიენტთა მომსახურების მენეჯერი ნათია რუსაძე /
დისტრიბუტორი ზვიად შენგელია
ბაშმონტაჟი: შპს „ლიბერალი“. მისამართი: თბილისი 0162, ფალიაშვილის ქ. 108. ტელ.: (995 32) 232235, 233731, 912326. ელ-ფოსტა: info@liberali.ge
სსპა ბაშმონტაჟი: „ცხელი შოკოლადი“, „ცხელი შოკოლადი – ლიტერატურა“, „პიზნესი: ადამიანები, მეთოდები, სტრატეგიები“.
„ლიბერალის“ საავტორო უფლებები დაცულია.
ფურნალში გამოქვეყნებული მასალების ნაწილობრივი და/ან მთლიანი გამოყენება რედაქციის თანხმობის გარეშე აკრძალულია.
ბაშმონტაჟი: სტამბა „სეზანი“. მისამართი: თბილისი, ნერეთლის გამზ. 140. ტელ.: (995 32) 35 70 02.
გამოცემის კვირაში ერთხელ, ყოველ ორშაბათს. პირველი ნომერი გამოცემულია 2009 წლის მაისში. რეკომენდებული საცალო ფასი 2 ლარი.
www.liberali.ge

ძალეებს, რომელსაც არაფერი აქვს საერთო ღმერთის რწმენასთან.

ბავშვობაში ამ იმედგაცრუების შემდეგ, ღვთის ე.წ. მსახურები ჩემში მხოლოდ აპათიას იწვევენ. ადამიანები, რომელნიც, ძირითადად, ფორმებს აკრიტიკებენ და საკუთარი უცოდინრობის გამო სიძულვილსა და შუღლს ქადაგებენ (საბედნიეროდ, რამდენიმე გამონაკლისიც არის). სამწუხაროდ, დღეს ეკლესიაში შესვლის გარეშე შეიძლება მათი მოსმენა. ტექნიკურმა პროგრესმა კომპიუტერი და ინტერნეტი შექმნა, რომელიც, მათი თქმით, უშედეგოა, მაგრამ ამ უშედეგო მანქანას ძალიან წარმატებულად იყენებენ საკუთარი „ქრისტიანული“ მოსაზრების გასავრცელებლად.

მამინ, როდესაც დავით ისაკაძე საკუთარ სიბნელესა და, რაც ყველაზე სამწუხაროა, აგრესიას ასე ხშირად და ღიად აფიშირებს (მისწირები მრავლად არიან ეკლესიაში), ეკლესიის უფლებადამცველთა მხრიდან მთავარი არგუმენტი ის გახლავთ, რომ არ შეიძლება პატრიარქი პასუხს აგებდეს თითოეულ მღვდელთმსახურზე. ეს არგუმენტი ყოველთვის ტიპურ ასოციაციებს იწვევს. „არ იცის ედუარდ შევარდნაძემ/სააკაშვილმა/მჭავანაძემ... ყველა იმ ბოროტების შესახებ, რაც მის მთავრობაში ხდება“. სამწუხაროდ, თქვენ იცით და მას სწორედ ამ სიბნელის ტირაჟირებისათვის აჯილდოებთ. „დავით ისაკაძე, რომელიც მოღვაწეობს ჩვენი ერისა და ეკლესიის საკეთილდღეოდ, დაჯილდოებულია გამშვენებული ჯვრით და მიტრის ტარების უფლებით“ – ეს თქვენი სიტყვებია, საქართველოს პატრიარქო. სწორედ ამიტომაც, ვფიქრობ, რომ ყველა ჩვენგანმა, ვისაც სურს რომ ეკლესია სიყვარულისა და თავისუფლების მქადაგებელი იყოს, ასეთ დროს თქვენ უნდა მოგმართოთ და არა დეკანოზ ისაკაძეს, რომელიც ხშირად ძალადობრივი ფორმითაც იბრძვის „მართლმადიდებლური იდეების“ დასაცავად. ის რაც ადრე იყო, ამაზე ბევრი თქმულა და აღარ გავიმეორებ.

ვაგრძელებ თხრობას. მას შემდეგ,


რაც ბავშვობაში მართლმადიდებლურმა ეკლესიამ დოგმებისა და მის მიერვე მოგონებული წესების დაცვა მომთხოვა და ეკლესიისგან გამაუფცხოვა, როგორც ჩვეულებრივმა ახალგაზრდამ, სხვაგან დავიწყე სიყვარულისა და თავისუფლების ძიება. ბევრი მასწავლებელი მყავდა, როგორც ოჯახში, ისე სკოლაში თუ უნივერსიტეტში და, უბრალოდ, მეგობრებში. ბუნებრივია, მათგან მხოლოდ რამდენიმემ მოახდინა გავლენა ჩემს განვითარებაზე და მხოლოდ რამდენიმემ გასცა პასუხი იმ კითხვებს, რომელიც მოზარდ ადამიანს აწუხებს. მათგან ერთ-ერთი ჩემი პედაგოგი და ახლა უკვე მეგობარი – გოგი გვახარია. თქვენს მიერ გადაცემული ჯილდოთი ნაქეზებული დავით ისაკაძე ერთ-ერთ საჯარო გამოსვლაში მას პედოფილს უწოდებს და ბრალს დებს ახალგაზრდა თაობის გარყვანაში. გოგი გვახარია მე კინოს ისტორიის გარდა, მასწავლა, რომ ადამიანური სანყისი კეთილია, რომ თავისუფლება სიყვარულშია. სწორხაზოვნება ადამიანის ყველაზე დიდი მტერია. ადამიანი, ვიდრე ცოცხალია, სიყვარულს უნდა ეძებდეს. მან მასწავლა თანაგანცდა ყველაზე დიდი დამნაშავესაც კი. მან მითხრა, რომ ყველაზე დიდი თავისუფლება სიყვარულშია. რომ ყველაზე დიდი მტრის გაგება უნდა სცადო, რადგან უმიზეზო მტრობა არ არსებობს, არც ბოროტება ჩნდება მიზეზის გარეშე. გვახარია მითხრა, რომ მე – მისი სტუდენტი – ყოველთვის მართალი ვარ და დღეს ის ჯერ ისევე სწავლობს ჩვენგან. არასდროს გვახვევდა თავს საკუთარ მოსაზრებებს პედაგოგიური დიდაქტიკით და ამით გვასწავლიდა დამოუკიდებელ აზროვნებას. საქართველოს პატრიარქო, ჩემმა პედაგოგმა და მეგობარმა მასწავლა ერთგულებაც, სიყვარულიც და სამყაროსა და მისი ბინადრების სიღრმისეული და განზოგადებული აღქმაც. გვახარია თავის სიძულვილი, აგრესია და ბოროტება ისეთივე უცხოა, როგორც დავით ისაკაძისთვის სიყვარული და მისი რწმენა.

ამიტომ, უმორჩილესად გთხოვთ,

მოსთხოვოთ თქვენი ეკლესიის მსახურს – დეკანოზ დავით ისაკაძეს – საჯარო ბოდიში მის საჯაროდ გამოთქმულ სიტყვებზე: „ამ ბოლო დროს წარმოჩინდა ერთი პედოფილი პიროვნება, გვარად გვახარია. პედოფილია, დიახ, მე ხაზს ვუსვამ ამას, რადგანაც ადამიანი რომელიც ბავშვებში სექსუალურ აღზრდას ქადაგებს, ის ადამიანი არის პედოფილი და მას სჭირდება განცალკევება საზოგადოებისაგან“. ის, რომ ბატონმა ისაკაძემ არ იცის, რას ნიშნავს სექსუალური აღზრდა ბავშვებში და ეს მისთვის პედოფილიას ნიშნავს, ესეც ეკლესიის პრობლემაა, რადგან ამგვარი გაუნათლებელი და გონებაშეზღუდული ადამიანები ჰყავს შიგნით. განათლების პრობლემას ვერ გავექცევით, რადგან სწორედ ის არის იმ აგრესიის, ბოროტებისა და ძალადობის სანყისი, რომელიც ქართული მართლმადიდებლური ეკლესიის მსახურებისგან მოდის. უცოდინრობა და გაუნათლებლობა არის ჩვენი საზოგადოების მთავარი მტერი. მე გული მწყდება და მტკივა იმის გამო, რომ ისაკაძეს ბევრი უსმენს და, ვფიქრობ, ჩემზე მეტად სწორედ თქვენ უნდა გამოყოთებდეთ ეს საკითხი, საქართველოს პატრიარქო.

კიდევ ერთხელ უმორჩილესად გთხოვთ, მოსთხოვოთ საჯარო ბოდიში დავით ისაკაძეს აი, ამ სიტყვებისთვის, რომელსაც ის მისი მრევლის წინაშე ქადაგებს. ამით თქვენ ნაწილობრივ მაინც აღკვეთავთ უსამართლობას და სიბნელის გამოვლინებებს მართლმადიდებლურ ეკლესიაში, რომელიც ცალსახად ძალადობას და აგრესიას შობს. წინააღმდეგ შემთხვევაში, ამ ბრალდებისთვის, რომლის მიზეზი მხოლოდ უცოდინრობა და გაუნათლებლობაა, ჩვენ, ამ საზოგადოების წევრებს, მოგვინევს კანონის გზით დავუპირისპირდეთ მას და მოვთხოვოთ პასუხი ამ უმძიმეს ბრალდებაზე.

ვიტოვებ იმედს, რომ ჩემი, ამ ქვეყნის ერთ-ერთი რიგითი მოქალაქის ხმა თქვენამდე მოაღწევს და გულგრილს არ დაგტოვებთ. **ღ**



ხოლისია "მედიის ადვოკატებისათვის"

გასულ კვირას ახალი კოალიცია „მედია ადვოკატებისთვის“ დაფუძნდა, რომელიც მიზნად მედიაგარემოს გაუმჯობესებას და ჟურნალისტთა ინტერესების დაცვას ისახავს. კოალიცია 11 მედია და საზოგადოებრივ ორგანიზაციას აერთიანებს, მათ შორისაა „ახალგაზრდა იურისტთა ასოციაცია“, „ევრაზიის თანამშრომლობის ფონდი“, „საერთაშორისო გამჭვირვალობა“, „რეგიონული მაუწყებლების ქსელი“, „ჟურნალისტთა ეთიკის ქარტია“, „მედიაკლუბი“ და ფონდი „ღია საზოგადოება - საქართველო“.

კოალიციის კოორდინატორის, თამარ კორძაიას თქმით, მედია-გარემოს გაუმჯობესებისთვის მნიშვნელოვანია ამ ორგანიზაციების ერთობლივი საქმიანობა:

„კოალიციის მიზანია, ხელი შეუწყოს მედია-გარემოს გაუმჯობესებას, მედია-მფლობელებისა და ჟურნალისტების ინტერესების დაცვა და მედიის როლის გაძლიერება დემოკრატიის განვითარებაში“.

ფონდ „ღია საზოგადოება საქართველოს“ მედია-პროგრამის მენეჯერი სატია ჯინჯიხაძე ამბობს, რომ გაერთიანებით იმ ნაწილის კოორდინირება ხდება, რომელიც მედიის ადვოკატების თემებზე მუშაობს.

პრეზენტაციაზე, კოალიციის წევრები გამოეხმაურნენ კომუნიკაციების ეროვნული

კომისიის მიერ დაკვეთილი კვლევის სანდოობის საკითხს.

ჟურნალისტური ეთიკის ქარტიის თავმჯდომარე ზვიად ქორიძე ამბობს, რომ კოალიციის პირველი აქტივობა დაემთხვა ისეთ მნიშვნელოვან საადვოკატო თემას, როგორც კომუნიკაციების კომისიის კვლევა:

„ძალიან მნიშვნელოვანია გამჭვირვალე გავხადოთ ყველა პროცესი, რომელიც ამ კომისიაში მიდის, როგორცაა ტენდერების გამოცხადება, კონურსების ჩატარება და შედეგების მონიტორინგი. ამას კოალიცია აპირებს“.

პრესკონფერენციის დასასრულს, კოალიციის დამფუძნებლებმა ხელი მოაწერეს თანამშრომლობის მემორანდუმს:

„საჯაროდ ვაცხადებთ, რომ მივმართავთ ყველა ძალისხმევას, რათა გაუმჯობესდეს მედიის მარეგულირებელი კანონმდებლობა, განხორციელდეს მუდმივი კონტროლი კანონის შესრულებაზე და დაცული იყოს ჟურნალისტთა უფლებები და მედიის ფინანსური დამოუკიდებლობა.“

გვჯერა, რომ ჩვენი ერთიანობა გახდება ჩვენივე მიზნების განხორციელების სანინდარი. კოალიცია ღიაა ნებისმიერი ორგანიზაციისთვის, რომელიც იზიარებს კოალიციის მიზნებს და მზადაა ითანამშრომლოს მასთან“, – ნათქვამია კოალიციის მემორანდუმში.

სახალს-ნიტხაღი ლოჯაენსი

საქართველოს მთავრობა სტატუს-ნიტრალურ დოკუმენტზე მუშაობს. რეიტინგის საკითხებში სახელმწიფო მინისტრის, ეკა ტყეშელაშვილის განცხადებით, საქართველოს სეპარატისტული რეგიონების მცხოვრებთათვის დოკუმენტები შესაძლოა წლის ბოლომდე გახდეს ხელმისაწვდომი. ნიტრალური პირადობის მონობა შესაძლებლობას მისცემს სეპარატისტული რეგიონების მოსახლეობას იმოგზაურონ საზღვარგარეთ და ასევე ისარგებლონ საქართველოში არსებული სოციალური მომსახურებით.

ტყეშელაშვილის თქმით, სამოქმედო გეგმის „ყველაზე მომცველობითი“ და „ზრდადი“ მიმართულებაა ჯანდაცვის სფერო, რადგან სულ უფრო ხშირია სეპარატისტული რეგიონებიდან ჩამოსვლისა და მკურნალობის შემთხვევები.

ბაჟი იფოხა

2011-ჟი

„წლევანდელი წელი გადამწყვეტი იქნება მეტი დემოკრატიული რეფორმის განხორციელების მხრივ და ჩვენ ამ კუთხით პროგრესს ველით,“ – განაცხადა „ნატოს“ გენერალურმა მდივანმა ანდერს ფოგ რასმუსენმა ბერლინში, „ნატოს“ ორდღიანი შეხვედრების შემდეგ გამართულ პრესკონფერენციაზე. გენერალური მდივნის თქმით, „ნატო“ მიესალმება საქართველოში თავდაცვის სისტემის რეფორმირებას.

ბამოსაშვები ბამოსდების ბენეჩაიხი ხეჯახისია



საჯარო სკოლებში გამოსაშვები გამოცდების გენერალური რეპეტიცია გაიმართა. განათლების სამინისტროს ცნობით, „რეპეტიციაში“ მონაწილეობა 14 ათასზე მეტმა მეთორმეტეკლასელმა მიიღო. ოთხი დღის განმავლობაში საქართველოს 326 სკოლაში სპეციალურად მოწყობილ პროტაქტულ კომპიუტერებზე მოსწავლეებს

რვავე საგამოცდო საგნის ტესტების გავლა შეეძლოთ. გამოცდების ეროვნული ცენტრის ხელმძღვანელის მაია მიმინოშვილის თქმით, წინასწარი გამოცდები „კარგი საშუალებაა ტესტების ნიმუშების დასახვეწად“. გამოცდებიდან გამოსული მოსწავლეები ამბობდნენ, რომ ტესტებში სხვადასხვა დონის კითხვები შეხვდათ და მარტივ დავალებთან ერთად ისეთებიც იყო, რომლებიც დიდი ხნის წინ ნასწავლი თეორიული მასალის დეტალურად გახსენებას მოითხოვდა. საატესტატო გამოცდები 2011 წლის მაისში გაიმართება.

ხონის საქმე

13 აპრილს საქალაქო სასამართლოში სამი თვის წინ მოკლული საფრანგეთის მოქალაქის, სტეფან კონის საქმის განხილვა დაიწყო. სასტუმრო „ქორთიარდ მარიოტში“ კონის მკვლელობაში ბრალდებულის მიმართ პროკურატურამ საქმე სამი მუხლით: განზრახ მკვლელობის, ქურდობისა და იარაღის ტარებისთვის აღძრა.

სხდომებზე სასტუმროს თანამშრომლები, ბრალდებულის მასწავლებლები და მისი მეგობარი დაკითხეს. ბრალდებული არასრულწლოვანია, ამიტომაც, სასამართლოს პროცესი დახურულია და მას მხოლოდ არასრულწლოვანის მშობლები ესწრებიან. საქმის განხილვა 20 აპრილს გაგრძელდება.

სასამართლო ხოლოხოვსახის და დაბეჯის სახეობაზე ბანაყვახილია შახანა

რუსეთის უზენაესმა სასამართლომ „იუკოს“-ის ყოფილი მფლობელის მიხაილ ხოდორკოვსკის და „მენატეპ“-ის ყოფილი ხელმძღვანელის, პლატონ ლებედევის საქმეებზე მიღებული გადაწყვეტილება, პატიმრობის გაგრძელების შესახებ შეცვალა. ამ გადაწყვეტილებით უზენაესმა სასამართლომ ხადარკოვსკის და ლებედევის გასული წლის 17 აგვისტოდან-17 ნოემბრამდე პატიმრობა უკანონოდ სცნო.

ხადარკოვსკის და ლებედევის ადვოკატის განცხადებით, სასამართლოს მიერ პარასკევს მიღებული გადაწყვეტილება სენსაციური არ არის და ფაქტი მეტყველებს იმაზე, რომ უზენაესი სასამართლო სოლიდარობას არ უცხადებს მოსკოვის სასამართლოში გამეფებულ უნესრიგობას.



ჩისხვები

94

ქართველი სამხედრო გამგზავრა ავღანეთში.

88 061 000

აშშ დოლარი შეადგინა საქართველოში მარტში შემოსული ფულადი გზავნილების მოცულობა.

6 180 000

აშშ დოლარი გადაიგზავნა საქართველოდან საზღვარგარეთ.

სიტყვები



„დიქტატორის წინააღმდეგ ოპოზიციური ძალების გაერთიანება აუცილებელია“.

სოზარ სუბარი
ოპოზიციის გაერთიანების აუცილებლობაზე

„როცა იქნება, მაინც მოხდება, მაგრამ მოხდება ისე საშინლად, როგორც ლიბიაში“.

ნინო ბურჯანაძე
მოსალოდნელ რევოლუციაზე

„ყველამ დაიმახსოვროს, უჩვენოდ მაგ რეჟიმს ვერავინ შეცვლის“.

ირაკლი ოქრუაშვილი
მთავრობის შეცვლაზე

„აშშ იზიარებს საქართველოს პოზიციას რუსეთის ქმედებებთან დაკავშირებით.“

ჰილარი კლინტონი ბერლინში
საქართველოს საგარეო საქმეთა მინისტრთან გრიგოლ ვაშაძესთან შეხვედრისას

კი

ნანა ალაპიშვილი
ფსიქოლოგი

ქორწინებას სარგებელი მოაქვს როგორც პიროვნებისთვის, ასევე საზოგადოებისთვის და ქვეყნისთვისაც. ინდივიდუალური სარგებელი, პირველ რიგში, არის ახალი სიცოცხლის გაჩენა, რაც, ამავდროულად, საზოგადოებრივი სარგებელიცაა.

ჩვენს კულტურაში ოჯახის გარეშე შვილის გაჩენას პრობლემები ახლავს თან, გამრავლება კი ადამიანის უპირობო ინსტინქტია. მან უნდა შექმნას ოჯახი და გამრავლდეს.

გარდა ამისა, ოჯახს მეორე მნიშვნელოვანი პოზიტიური დატვირთვა აქვს – სათავეს ვაძლევს ახალ სიცოცხლეს, ამით ჩემი ცხოვრების გზას განვსაზღვრავ. ჩნდება ახალი კონსტრუქცია, ახალ სისტემას ვქმნი და შემდეგ უკვე ვცხოვრობ და ვმუშაობ ამ სისტემაში. ვდებ ჩემს ძალას, ენერგიას და დროს იმისათვის, რომ ეს ოჯახი კარგად განვითარდეს, იყოს თბილი, ჰარმონიული, მატერიალურად შეძლებული. ვცდილობ, ამ ოჯახში ის ღირებულებები გავატარო, რა ღირებულებების მატარებელიც მე ვარ. ჩვენს იდეოლოგიას და ღირებულებებს ვამყარებთ ამ ოჯახით და გადავცემთ შვილებს.

პიროვნებისთვის ეს არის თვითრეალიზების კიდევ ერთი ფორმა. ოჯახში მე ვრეალიზდები იმიტომ, რომ უამრავი დატვირთვა მაქვს, ბავშვები უნდა გაეზარდო, განვანათლო. ჩემი ოჯახის მიერ გაკეთებული საქმეები საზოგადოებისთვისაც შეიძლება სამაგალითო იყოს.

ქორწინების გარეშე, მარტო ცხოვრება რთულია. შეიძლება, კარგი პროფესიული კარიერა გქონდეს, მუშაობდე, მაგრამ დგება დრო, როცა შენი პროფესიული საქმიანობის გაგრძელება ასაკის გამო აღარ შეგეძლება. ბოლოს მაინც გრჩება ოჯახი ან ახლობელთა წრე, სადაც თვითრეალიზებას ახდენ და ისე არ გაგიჭირდება, როგორც მარტოობის შემთხვევაში.

როცა ქალები იმ შესაძლებლობებს იხსენებენ ხოლმე, რომლებზედაც უარი თქვეს, მათ სინანულის განცდა ეუფლებათ და ამბობენ, ნეტა ეს გადანყვეტილება მიმელო, გავთხოვო-ლიყავი, შვილები მაინც მეყოლებოდაო. ■



აუსიდახან ქანისთვის

■ ქორწინების გარეშე, მარტო ცხოვრება რთულია. შეიძლება, კარგი პროფესიული კარიერა გქონდეს, მუშაობდე, მაგრამ დგება დრო, როცა შენი პროფესიული საქმიანობის გაგრძელება ასაკის გამო აღარ შეგეძლება. ბოლოს მაინც გრჩება ოჯახი ან ახლობელთა წრე, სადაც თვითრეალიზებას ახდენ.



თუ ახა ქორწინება?

■ არცერთ ადამიანს ამ მხრივ არანაირი ვალდებულება არც საზოგადოების და არც სახელმწიფოს მიმართ არ გააჩნია.

ქორწინება არის აბსოლუტურად პრივატული სფერო, ადამიანმა, ყოველგვარი მორალური შეფასებების გარეშე, თვითონ უნდა გადაწყვიტოს, რა და როგორ უნდა.

არა

თეო ხატიაშვილი

ხელოვნებათმცოდნე

კითხვას ასე დავსვამდი: რამდენად აუცილებელია საერთოდ ადამიანისთვის, როგორც ქალისთვის, ასევე მამაკაცისთვის, ქორწინება. ეს არის პიროვნული გადაწყვეტილება და ეს არ უნდა განსაზღვროს არც საზოგადოებამ და არც ოჯახმა; არამედ ადამიანმა დამოუკიდებლად უნდა გადაწყვიტოს, მას სურს ოჯახის შექმნა თუ არა.

ტრადიციულ კულტურებში, რომელშიც ჯერ კიდევ მოიაზრება საქართველო, ოჯახის შექმნის აუცილებლობა, ცხადია, ვრცელდება ქალზეც და კაცზეც, მაგრამ განსაკუთრებული „ზრუნვისა“ და „შფოთვის“ საგანი მაინც ქალია, რაც უპირველეს ყოვლისა, უკავშირდება მის რეპროდუქტიულობას და მემკვიდრეობის „კვლავნარმოების“ გარანტიებს. ტრადიციული კულტურა ნეგატიურად აფასებს ქორწინების გარეშე ქალის მიერ შვილის ყოლას, ამიტომ ოჯახის შექმნის ვალდებულებას ქალს უფრო აკისრებს.

ტრადიციულ საზოგადოებაში მკაცრად კონტროლდება ქალის სექსუალური ცხოვრება და ქორწინების აუცილებლობაც ამით არის განპირობებული. მას მხოლოდ ქორწინების შემდეგ შეუძლია სექსობრივი ურთიერთობა, რაც მამაკაცზე არ ვრცელდება.

საზოგადოებაში ქორწინებაში არმყოფი ქალის მიმართ ფარული ან აშკარა ნეგატიური განწყობებია. ერთი მხრივ, თუ ქალი დამოუკიდებლად ცხოვრობს, მის მიმართ გამძაფრებულია „მორალისტური თვალთვალი“, ეჭვები მის ზნეობაზე და თუ ქალი არც მალავს თავის თავისუფალ სექსუალურ ცხოვრებას, უმეტესად ის ნეგატიურად ფასდება. ამას გარდა, თუ ქალი არ არის გათხოვილი, ის განიხილება როგორც სოციალურად არასრულფასოვანი, იმის მიუხედავად, არის თუ არა რეალიზებული, აქვს თუ არა საქმე, არის თუ არა წარმატებული; მის მთავარ ფუნქციად მაინც ოჯახი მიიჩნევა – ანუ უნდა იყოს ცოლი, დედა.

საქართველოში, ამ თვალსაზრისით, ადამიანი იურიდიულად არ იზღუდება, მაგრამ საზოგადოებრივი მორალის ძალადობრივი, რომელიც ქმნის ნორმებს, კლიშეებს და სოციუმის თითოეულ წევრს ავალდებულებს ამ ნორმების გაზიარებას.

არცერთ ადამიანს ამ მხრივ არანაირი ვალდებულება არც საზოგადოების და არც სახელმწიფოს მიმართ არ გააჩნია. ქორწინება არის აბსოლუტურად პრივატული სფერო, ადამიანმა, ყოველგვარი მორალური შეფასებების გარეშე, თვითონ უნდა გადაწყვიტოს, რა და როგორ უნდა. ■

კოტ დ'ივუარი

გბაგბოს დასასხიდი

აფრიკაში კიდევ ერთი დიქტატორული რეჟიმი დამარცხდა.

ვასო კუჭუხიძე



11 აპრილს საფრანგეთის სამხედრო ძალებმა აბიჯანში საკუთარი რეზიდენციის ბუნკერში დააპატიმრეს კოტ დ'ივუარის უკვე ყოფილი პრეზიდენტი ლორენ გბაგბო.

თავდაპირველად ის Golf Hotel-ში გადაიყვანეს, სადაც, დაახლოებით, ექვსი თვეა, გამარჯვებული ოპოზიციონერი ლიდერის ალასან უატარას შტაბ-ბინაა მოწყობილი. სასტუმროში მიყვანიდან რამდენიმე საათში ყოფილი პრეზიდენტი გაურკვეველი მიმართულებით წაიყვანეს და უკანასკნელ წუთამდე უცნობია მისი ამჟამინდელი ადგილსამყოფელი.

ნიუ-იორკში გამართულ პრესკონფერენციაზე გაეროს წარმომადგენელმა ფარჰან ჰაქმა განაცხადა, რომ გბაგბო მეუღლესთან ერთად გაეროს ძალებმა უსაფრთხო ადგილას გადაიყვანეს და ახლა მის დაცვაზე პასუხისმგებლები ისინი არიან. უატარას განცხადებით, გბაგბოსა და მისი ოჯახის უსაფრთხოება ქვეყნის ღირსების საკითხია, ჩადენილ დანაშაულებებზე ყოფილმა პრეზიდენტმა საერთაშორისო სასამართლოს წინაშე მოგვიანებით უნდა აგოს პასუხი. პროფესიით ისტორიის მასწავლებელი

კოტ დ'ივუარის შესახებ

სამხრეთ აფრიკის ამ რესპუბლიკის დედაქალაქია იაბუსუკო, უდიდესი ქალაქი კი საპორტო აბიჯანია.

ქვეყნის მოსახლეობამ უკანასკნელი დეკადის განმავლობაში თითქმის ხუთი მილიონით იკლო და ამჟამად 15,3 მილიონს შეადგენს.

ოფიციალური ენა ფრანგულია, თუმცა ასევე გავრცელებულია ათამდე ადგილობრივი ენა.

კოტ დ'ივუარი აფრიკის ექვს ქვეყანას – ლიბერიას, გვინეას, მალის, ბურკინა ფასოს და განას ესაზღვრება.

1843-44 წელს გაფორმებული ხელშეკრულებით კოტ დ'ივუარი საფრანგეთის „პროტექტორატის“ ქვეშ აღმოჩნდა, 1893 წელს კი საფრანგეთის კოლონია გახდა.

1960 წლის 7 აგვისტოს კოტ დ'ივუარმა დამოუკიდებლობა მოიპოვა, მას შემდეგ ქვეყანა ინარჩუნებდა ახლო პოლიტიკურ ურთიერთობებს დასავლეთ აფრიკის სხვა ქვეყნებთან ისევე, როგორც დასავლეთთან, განსაკუთრებით კი საფრანგეთთან.

1960-იან წლებიდან ქვეყნის ეკონომიკის მთავარი მამოძრავებელი ყავის და კაკოს წარმოებაა.

ლი ლორან გბაგბო კოტ დ'ივუარს 2000 წლიდან მართავდა. 2010 წლის 28 ნოემბერს საპრეზიდენტო არჩევნების მეორე ტურში გბაგბო ალასან უატარასთან დამარცხდა, თუმცა ქვეყნის იმ 9 რეგიონში, რომელშიც მონინალმდევე ლიდერობდა, სასამართლომ არჩევნების შედეგები გააუქმა და გამარჯვებულად გბაგბო გამოაცხადა.

უცხოელი დამკვირვებლების ანგარიშებზე დაყრდნობით, საერთაშორისო საზოგადოებამ გამარჯვებულად უატარა აღიარა და გბაგბოს უზურპირებული თანამდებობის დატოვებისკენ მოუწოდა. დამარცხებული პრეზიდენტი დასავლეთის მონოდებას არ დათანხმდა. შედეგი ვერც საერთაშორისო თანამეგობრობის მიერ დაწესებულმა ეკონომიკურმა სანქციებმა გამოიღო. გბაგბო ძალისმიერი მეთოდებით ცდილობდა თანამდებობის ლეგიტიმაციას. კოტ დ'ივუარი პოლიტიკურმა კრიზისმა მოიცვა.

ორხელისუფლებიანობა შეიარაღებულ კონფლიქტში მალე გადაიზარდა, რამაც 5 თვის განმავლობაში ორივე მხარის მომხრეთა შორის უამრავი ადამიანის სიცოცხლე შეინირა.

ფართომასშტაბიანი სამოქალაქო ომისგან ქვეყანას გაეროს კორპუსი იცავდა, სწორედ მას აფარებდა თავს საპრეზიდენტო არჩევნებში გამარჯვებულად აღიარებული უატარაც.

გბაგბომ გაეროს მისია ქვეყანაში გაუქმებულად გამოაცხადა და ტერიტორიის დატოვებისკენ მოუწოდა. აფრიკის კავშირის მიერ ინიცირებული დიპლომატიური გზებით მოგვარების ყველა მცდელობა მარცხით დასრულდა. აუცილებელი გახდა სხვა, უფრო ქმედითი ზომების გატარება. ეს მისია საკუთარ თავზე საფრანგეთმა იტვირთა.


აპრილის დასაწყისში ფრანგულმა შეიარაღებულმა ძალებმა გაეროს მანდატის საფუძველზე უატარას თანამებრძოლების დახმარება დაიწყეს. ფრანგული ავიაციის მიერ სამთავრობო ძალების კარგად გამაგრებული პოზიციების რამდენიმედღიანი დაბომბვის შემდეგ ოპოზიციურმა ფორმირებებ-

მა პრეზიდენტის რეზიდენციას ალყა შემოარტყეს. სამთავრობო ძალების მეთაურმა ფილიპ მანგუმ საკუთარ მებრძოლებს ცეცხლის შეწყვეტისკენ მოუწოდა, რის შემდეგაც მათი ნაწილი ოპოზიციის მხარესაც კი გადავიდა. გბაგბოს განუდგა საგარეო საქმეთა მინისტრი ალსიდ ჯეჯეც, რომელიც საფრანგეთის ელჩს ეწვია და უსაფრთხოების გარანტიები ითხოვა.

ამის შემდეგ უკვე ნათელი გახდა, რომ გბაგბოს მმართველობის დღეები დათვლილი იყო. 11 აპრილს რეზიდენციის შტურმის დროს გბაგბო ფრანგმა სამხედროებმა აიყვანეს. გავრცელებული ინფორმაციის თანახმად, მან დაპატიმრებიდან ცოტა ხანში თანამებრძოლებს ცეცხლის შეწყვეტისა და იარაღის დაყრისკენ მოუწოდა, თუმცა მისი მომხრეების რამდენიმე ჯგუფი კვლავ განაგრძობს ბრძოლას.

უკვე გადანყვეტილია, რომ კოტ დ'ივუარის პრეზიდენტის სავარძელს

ალასან უატარა დაიკავეს, რადგან მან ეს თანამდებობა არჩევნებით მოიპოვა. მიუხედავად იმისა, რომ დასავლეთი მას დიდ დახმარებას ჰპირდება და მალე მის ქვეყანას ეკონომიკურ სანქციებსაც მოუხსნის, უატარა დიდი პრობლემების წინაშე დგას. მან უნდა მოახერხოს ქვეყნის შიგნით ორად გაყოფილი საზოგადოების კონსოლიდაცია. ქვეყნის მდიდარ სამხრეთის პროვინციებში გბაგბო ჯერაც დიდი მხარდაჭერით სარგებლობს და ახალმა პრეზიდენტმა მათი შემორიგება დროულად უნდა შეძლოს.

საუბარია იმაზეც, რომ უატარას მხარეს მებრძოლი 2 ძირითადი შენაერთი FRCI (კოტ დ'ივუარის რესპუბლიკური ძალები) და „უჩინარი ძალები“, ახალ პრეზიდენტს ბოლომდე არ ემორჩილება, ამიტომაც სამხედრო გადატრიალების თავიდან აცილების მიზნით, საფრანგეთს კიდევ რამდენიმე თვე მოუწევს კოტ დ'ივუარის სტაბილურობაზე ზრუნვა. 

Radio Commerciant marketing@commerciant.ge
+995 32 505 955



ბიზნესის პერსონალური რადიო Commerciant.ge

ბელარუსი

აფეთქებული ხანობა

ბელარუსები შოკში არიან: გასულ კვირას მინსკში მომხდარმა ტერაქტმა 11 ადამიანის სიცოცხლე იმსხვერპლა, დაახლოებით, 200-მდე ადამიანი დაშავდა. სახელმწიფო, რომელიც საკუთარ თავს სტაბილურობისა და უსაფრთხოების კუნძულად მიიჩნევდა, მნიშვნელოვნად შეირყა.

მარინა რახლეი, მინსკიდან

მიუხედავად იმისა, რომ უკვე 13 აპრილს, გლოვის დღეს, ხელისუფლებამ ტერაქტის შემსრულებლების დაკავების შესახებ განაცხადა, ბელარუსები ტერორისტების შესაძლო მოტივების განხილვას კვლავ განაგრძობენ. „გაერო, ნატო და ღმერთო, უშველე ბელარუსს!“, – წერენ შემფოთებული ბელარუსები ინტერნეტ-ფორუმებზე.

რადიომართული ბომბი პრეზიდენტის ადმინისტრაციასთან ახლოს, ყველაზე ხალხმრავალ მეტროსადგურზე, პიკის საათის დროს, დაახლოებით, 17:55-ზე აფეთქდა. ეს ახალი ამბავი დაუჯერებლად ჟღერდა: ბელარუსში არ არის რელიგიური ან ეთნიკური კონფლიქტები, არ არის არც ექსტრემალური დაჯგუფებები ან ისლამისტები. მაშ, ვინ ჩაიდინა ეს სისასტიკე და რატომ?

ტრაგედიიდან რამდენიმე საათის შემდეგ შემთხვევის ადგილს პრეზიდენტი ალექსანდრ ლუკაშენკო თავისი ნ წლის შვილ ნიკოლოზთან ერთად ეწვია. ორი დღის შემდეგ მან ხალხს აცნობა, რომ სამართალდამცავმა ორგანოებმა ოპერაცია წარმატებით ჩაატარეს და ეჭვმიტანილები დააკავეს. ორივე დაკავებული ბელარუსია, დაახლოებით, 30 წლამდე ასაკის. ლუკაშენკოს თქმით, მათი მოტივები ჯერ უცნობია. მათ ასევე აღიარეს, რომ 2005 წელს ვიტებსკში და 2008 წელს მინსკში, დამოუკიდებლობის დღეს მომხდარი აფეთქებების ავტორებიც იყვნენ.

ეს აფეთქებები დღემდე გაუხსნელი იყო. 2005 წლის 14 და 22 სექტემბერს ვიტებსკში ორი თვითნაკეთი მონყოილობა აფეთქდა – როცა საზოგადოებრივი ტრანსპორტის გაჩერებაზე ლითონის საგნებით გავსებული ლუდის ქილა აფეთქდა, არავინ დაშავებულა; დისკოთეკაზე მომხდარი აფეთქების შედეგად კი, დაახლოებით, 50 ადამიანი დაშავდა.



გად კი, დაახლოებით, 50 ადამიანი დაშავდა.

2008 წლის 3 ივლისს დამოუკიდებლობის დღისადმი მიძღვნილი ზეიმისას მინსკში ხილის წვენის შეფუთვაში დამალული, თვითნაკეთი მონყოილობა აფეთქდა. 55 ადამიანი დაშავდა. აფეთქების შემდეგ ბელარუსის მოსახლეობის მამრობითი სქესის თითქმის ყველა წარმომადგენელს თითის ანაბეჭდები აუღეს, მაგრამ დამნაშავეებს მაინც ვერ მიაკვლიეს.

ტერაქტის შემდეგ ლუკაშენკომ სამართალდამცავ ორგანოებს გაძლიერებულ რეჟიმზე გადასვლა უბრძანა:

„ჩვენ არავითარ შემთხვევაში არ უნდა მოვეშვათ. წმენდა ყველა მიმართულებით უნდა

ჩატარდეს. კიდევ ერთი მთავარი გაკვეთილი – ეს იმ გარემოს შედეგია, რომელშიც ჩვენ ვცხოვრობთ. უყარათობა, უსაქმურობა, არაორგანიზებულობა დაუშვებელია. ამ ყველაფერს „დემოკრატიაზე“ და „დემოკრატიაზე“, რომელსაც ჩვენ გარედან გვახვევენ თავს, არაფერი საერთო არ აქვს იმ ჭეშმარიტ დემოკრატიასთან და ხალხის ძალაუფლებასთან, რომელიც უნდა იყოს და არის ჩვენს ქვეყანაში,“ – განაცხადა ბელარუსის პრეზიდენტმა.

ლუკაშენკომ „ქვეყნის ამოყირავების“ დამკვეთებისა და თანამოაზრეების მოძებნის ბრძანება გასცა. მან ასევე ოპოზიციის წარმომადგენლების დაკითხვა მოითხოვა,

„ყოველგვარი დემოკრატიისა და უცხოელი გულშემმატიკორების ნივილ-კივილის მიუხედავად“. პარალელურად, მან ყოველგვარი პანიკის, მათ შორის, სავალუტო და სასურსათო პანიკის აღკვეთა ბრძანა.

ტერაქტი ქვეყანაში გამეფებული როული ეკონომიკური სიტუაციის ფონზე მოხდა. მინსკი მოსკოვისათვის 3 მილიარდი დოლარის კრედიტის მოთხოვნაზე პასუხს ელოდება. 20-30%-იანი დეველუაციის და შემდგომი ინფლაციის შიშით, ბელარუსები შაქარს, ზეთსა და წინიბურას იმარაგებენ. ბოლო

ბების ტალღამ გადაუარა.

არჩევნების შემდეგ საღამოს 600-ზე მეტი ადამიანი დააკავეს. დღეისათვის 40 ადამიანი მასობრივი არეულობის მოწყობის გამო ეჭვმიტანილის სტატუსით სისხლის სამართლებრივ დევნაში იმყოფება. თუმცა, ბოლო კვირების განმავლობაში, ათის მიმართ ბრალდება მნიშვნელოვნად შერბილდა (ახალი მუხლით, მათ არა 15, არამედ 3 წლით თავისუფლების აღკვეთა ემუქრებათ), რამდენიმე კი ქვეყნიდან გაუსვლელიობის ხელწერილის ქვეშ

სუფლებასაც აწყობს – საერთო-სახალხო გლოვას ეკონომიკური პრობლემებიდან ყურადღება გადააქვს, დასავლეთს სანქციების შემოღების მორალურ უფლებას უკარგავს და ტერორისტებთან ბრძოლის ნებისმიერ მეთოდს ამართლებს.

მაგრამ როგორია იმის დაჯერება, რომ პოლიტიკოსებს, ჩინოვნიკებს და სპეცსამსახურებს მშვიდობიანი მოქალაქეების წინააღმდეგ მსგავსი დანაშაულის ჩადენა შეუძლიათ?

ლუკაშენკოს მოსაზრებაზე დაყრდნობით, რომ აფეთქება „დასავლეთის საჩუქარია“, სახელმწიფო მედია საშუალებები არჩევნების შემდგომ მღელვარებას, მეტროში მომხდარ ტერაქტს და ოპოზიციის მოღვაწეობას – რომლის მიზანი „სტაბილური და მშვიდი ბელარუსის ლიბიად გადაქცევაა“, – ერთმანეთთან აკავშირებენ. თავის მხრივ, ოპოზიციას, რომლის ლიდერები ციხეში ან შინა პატიმრობაში იმყოფებიან, დაკითხვებისა და დაკავებების ახალი ტალღის ეშინია.

13 აპრილს გვიან საღამოს „გაეროს“ უშიშროების საბჭომ ეს „შესაძლო ტერაქტი“ მკაცრად დაგმო და დაღუპულთა და დაჭრილთა ოჯახებს სამძიმარი გამოუცხადა. როგორც AFP იუნყება, ერთი აზრი, თუ ვინ დგას ამ ტერაქტების უკან, არ ყოფილა. დასავლეთის სახელმწიფოები, რომლებსაც მინსკი მონაწილეობაში ადანაშაულებს, ამბობენ, რომ ბელარუსიდან მომდინარე სიგნალების თანახმად, ტერაქტის უკან ხელი-სუფლება დგას.

ამასობაში, ბელარუსის საზოგადოებისთვის ამ საშინელი დანაშაულის მიუკერძოებლად გამოძიების საკითხი დიდი კითხვის ნიშნის ქვეშ დგას. ბელარუსი ევროპის ერთადერთი სახელმწიფოა, სადაც სიკვდილით დასჯა ჯერ კიდევ გამოიყენება. საფუძვლიანი ეჭვის ქვეშა ბელარუსის თემიდის დამოუკიდებლობაც. ჯერ კიდევ არავინ საუბრობს იმაზე, თუ ვინ არის დამნაშავე იმაში, რომ ტერაქტის აღკვეთა ვერ მოხდა. შეინიშნება მხოლოდ სიამაყე მომხდარის სწრაფად გამოძიების გამო.

შეიტყობენ კი ბელარუსები, სინამდვილეში ვინ დგას 11 აპრილის ტერაქტის უკან? ამ დღემ ქვეყანა უკვე შეცვალა, რადგან ნათელი გახდა, რომ ბელარუსის ტრაგედიებს სახელმწიფოს „ამოყირავების“ საფრთხეც დაემატება. **ლ**



ტერაქტი მინსკში, 11 აპრილი 2011

რამდენიმე კვირაა, ვალუტის გადამცვლელ ჯიხურებში რიგები დგას, სიები რამდენიმე დღით ადრე დგება: ევროსა და დოლარის შესყიდვა დღემდე გართულებულია. ამასობაში, ხელისუფლება სავალუტო ბაზარზე პრობლემებს უარყოფს და მიუთითებს იმაზე, რომ საკვები არ გაძვირებულა.

სიტუაციას როული პოლიტიკური ვითარება და დასავლეთთან გაცივებული ურთიერთობებიც ამძიმებს. 2010 წლის საპრეზიდენტო არჩევნების შემდეგ, როცა გაყალბების წინააღმდეგ გამართული მიტინგის მონაწილეები სასტიკად დაარბიეს, ბელარუსს ოპოზიციისა და სამოქალაქო საზოგადოების წარმომადგენლების დაკავე-

გაათავისუფლეს.

მინსკის ტერაქტი ბელარუსის წინააღმდეგ ეკონომიკური სანქციების შესაძლო შემოღების შესახებ ევროკავშირის სახელმწიფოთა საგარეო საქმეთა მინისტრების შეხვედრის დანყების წინა დღეს მოხდა.

ტრაგედიის სერიოზულობიდან გამომდინარე, ბელარუსი ექსპურტები დამნაშავეთა შესაძლო მიზნების შესახებ საუბრისას ფრთხილობენ. შესაძლოა, ტერაქტი დესტაბილიზაციის მიზნით დასავლეთის სახელმწიფოებმა მოამზადეს; ან ხელისუფლებისადმი მოსახლეობის ნდობის შემცირების მიზნით – რუსეთის სპეცსამსახურებმა.

ტერაქტის მოწყობა ბელარუსის ხელი-

რუსეთი

სოჭის ოლიმპიადა - ტახტი ჩუნი სპასსამსახუბისთვის

განახორციელებენ თუ არა ჩრდილო კავკასიელი ბოევიკები ტერორისტულ თავდასხმებს ოლიმპიადის ინფრასტრუქტურაზე, დიდნილად იმაზეა დამოკიდებული, თუ როგორი იქნება მათი დღის წესრიგი და ტექნიკური შესაძლებლობები 2014 წელს.

ემილ სულემანიოვი



სოჭის 2014 წლის ზამთრის ოლიმპიური თამაშების კომპლექსის სქემა

რუსეთის ხელისუფლების განცხადებით, სოჭის 2014 წლის ზამთრის ოლიმპიადის დროს კრასნოდარის მხარეში მდებარე ამ 350 ათასიან საპორტო ქალაქში სხვადასხვა პროფესიის 70 ათასამდე ადამიანი იმუშავებს. მათ შორის იქნებიან რუსეთის სხვადასხვა რეგიონიდან ჩამოსული ახალგაზრდა მოხალისეებიც. ამ დროისთვის კრასნოდარის მხარე რუსეთის ფედერაციის ცენტრი გახდება და

ამავდროულად, ბოლო დროს მნიშვნელოვნად გააქტიურებული თვითღიარებული კავკასიის საამიროს დასავლური ფრთის ინტერესსაც გამოიწვევს.

პუტინ-მედევედევის ტანდემისათვის სოჭის ოლიმპიადის ყოველგვარი ექსცესების გარეშე ჩატარება ქვეყნის იმიჯის გაუმჯობესების მნიშვნელოვანი შესაძლებლობაა. შესაბამისად, ისინი ოლიმპიური ინფრასტრუქტურის მშენებლო-

ბაში მილიარდობით დოლარს აბანდებენ. თუმცა, არის ერთი ჯგუფი, რომელსაც ეს ოლიმპიური თამაშები გულზე დიდად არ ეხატება, ისინი ჩრდილოკავკასიელი შეიარაღებული მეამბოხეები არიან.

რუსეთისთვის ომის გამოცხადების შემდეგ მეამბოხეები ქვეყნის მთელ ტერიტორიაზე განურჩევლად ყველას ესხმიან თავს, რაც სამოქალაქო მოსახლეობაში დიდ მსხვერპლს იწვევს. 2010 წლის მარტ-

ში მოსკოვის მეტროსა და 2011 წლის იანვარში დომოდედოვოს აეროპორტში ტერაქტებმა კიდევ ერთხელ დაადასტურა, რომ ჩრდილოკავკასიელ მეამბოხეებს ერთი შეხედვით საკმაოდ დაცულ ტერიტორიებზეც კი სრულმასშტაბიანი ოპერაციის ჩატარება შეუძლიათ.

ნათელია, რომ რუსეთის ხელისუფლებამ ოლიმპიური თამაშების დროს მოსალოდნელი ტერორისტული თავდასხმების მაღალი ალბათობის შესახებ კარგად უწყის და ამ რისკის მინიმუმამდე დაყვანისათვის ყველაფერს გააკეთებს. სოჭის მიდამოებში სამშენებლო სამუშაოების ჩატარების უფლების მოსაპოვებლად ტენდერებში მონაწილეობა ჩრდილოკავკასიურ კომპანიებს არაოფიციალურად აუკრძალეს. მეტიც, ჩრდილო კავკასიის ეთნიკური ავტონომიების მოსახლეობა ოლიმპიური ობიექტების სამშენებლო სამუშაოებზე არ დაიშვება, რამაც რეგიონში სხვადასხვა ეთნიკურ ჯგუფებს შორის გარკვეული დაპირისპირება უკვე გამოიწვია. მოხალისეების დაქირავების ზუსტი კრიტერიუმები ცნობილი არ არის, რადგან, ოფიციალურად, ეს პროცესი მხოლოდ 2012 წელს დაიწყება. მაგრამ, სავარაუდოდ, დისკრიმინაციას აქაც ექნება ადგილი. ხელისუფლება შეეცდება ჩრდილო კავკასიის ავტონომიების პოტენციურად არასანდო წარმომადგენლები ოლიმპიური ინფრასტრუქტურებთან ახლოსაც არ გააკაროს.

სავარაუდოდ, ოლიმპიადის დროს მთელ კრასნოდარის მხარეში საგანგებო რეჟიმი გამოცხადდება, რომელსაც ამ რეგიონში გადატყორცნილი ფედერალური უსაფრთხოების სამსახური უზრუნველყოფს. ფედერალურ სპეცსამსახურებში ბოლო ხანებში შემდეგმა ტენდენციამ იჩინა თავი: ისინი ადგილობრივი უსაფრთხოების სამსახურებს არ ენდობიან და საკუთარი ნება-სურვილით მოქმედებენ, ისე, რომ ადგილობრივ სამსახურებს მომავალი მნიშვნელოვანი ანტიტერორისტული ოპერაციის შესახებ ინფორმაციასაც კი არ აწვდიან. ასე მოხდა ამა წლის მარტში, ინგუშეთში გამართული მასობრივი ანტიტერორისტული წმენდის დროს.

რუსეთის სპეცსამსახურების პირველი

ნომერი ამოცანა დღეს კავკასიის საამიროს სოჭის ოლიმპიადის დაწყებამდე განდგურებაა. თუმცა, თუ რუსული სპეცსამსახურების მუშაობის ხარისხსა და ჩრდილო კავკასიის ისლამური აჯანყების ორგანიზებულობას გავითვალისწინებთ, ამ ამოცანის შესრულება თითქმის შეუძლებელია.

განახორციელებენ თუ არა ჩრდილო კავკასიელი ბოევიკები ტერორისტულ თავდასხმებს ოლიმპიადის ინფრასტრუქტურაზე, თუნდაც საერთაშორისო საზოგადოების გადამტერების ხარჯზე, დიდწილად იმაზე დამოკიდებული, თუ როგორი იქნება მათი დღის წესრიგი და ტექნიკური შესაძლებლობები 2014 წელს.

უკანასკნელ წლებში ისლამური დაჯგუფებების განსაკუთრებული რადიკალიზაციისა და ჩრდილო კავკასიაში მი-

რუსეთის ხელისუფლებამ მოსალოდნელი ტერორისტული თავდასხმების მაღალი ალბათობის შესახებ კარგად უწყის და ამ რისკის მინიმუმამდე დაყვანისათვის ყველაფერს გააკეთებს.

მდინარე პროცესებისადმი დასავლეთის სრული უყურადღებობის გათვალისწინებით, შეიძლება ვივარაუდოთ, რომ თავდასხმები ფართომასშტაბიანი და გაზრდილი იქნება.

ბოლოს და ბოლოს, ჩრდილოეთ კავკასიის სიახლოვეს მასშტაბური ტერორისტული ღონისძიების ჩატარება უნიკალური შანსია, რომელიც ისლამისტებს აძლევს შესაძლებლობას, მთელ მსოფლიოს გააცნონ საკუთარი თავი და პოლიტიკური მიზნაფხებები — და ეს ყველაფერი იმ მიზანზე, რომელიც მათ თავის საკუთრებად მიაჩნიათ.

2014 წლის ოლიმპიადა ერთგვარი გამოცდა იქნება ფედერალური უსაფრთხოების სამსახურისათვის, თუ რამდენად შეძლებენ ისინი სხვადასხვა უწყებაში

თავმოყრილი ათი ათასობით ადამიანის კოორდინირებას.

ტრადიციულად, კოორდინაცია მათი სუსტი მხარეა, რაც მასშტაბური ანტიტერორისტული რეიდების დროს არაერთხელ დადასტურდა. სამართალდამცავ სტრუქტურებში უკიდევანოდ ფეხმოკიდებული კორუფცია ერთ-ერთ მთავარ პრობლემად რჩება. ნაკლებად სავარაუდოა, რომ კორუფციის აღმოფხვრა რუსეთის ამ ყველაზე კორუმპირებულ რეგიონში ოლიმპიადამდე დარჩენილ დროში მოესწროს. ვინაიდან ისლამისტი ბოევიკები მასობრივი ტერორისტული თავდასხმების განხორციელებისას, ძირითადად, თვითმკვლელებს იყენებენ, მათი „მიმალვის გზებზე“ ფიქრი არ უწევთ. ეს კი მეტად ართულებს ხელისუფლების დავალებას, აკონტროლოს ასი ათასობით სტუმარი დიდ ტერიტორიაზე ისე, რომ არცერთი ბომბი არ აფეთქდეს.

რუსეთის ხელისუფლების სურვილი, შეამციროს ტერორიზმის საფრთხე ჩრდილო კავკასიელების ოლიმპიადის ინფრასტრუქტურის მშენებლობაზე არდაშვების გზით, ასევე საეჭვოა. ჩრდილოკავკასიელთა წინააღმდეგ დისკრიმინაციული ღონისძიებების გატარება ეროვნული თვითმყოფადობისათვის მებრძოლ ადგილობრივ ჩრდილოკავკასიელებსა და ადგილობრივ რუსებს შორის ისედაც დაძაბულ ურთიერთობას კიდევ უფრო დაძაბავს. შედეგად, განაწყენებულ ჩრდილოკავკასიელებს, შესაძლოა, ისლამისტი ბოევიკების მხარდაჭერის სურვილი გაუმძაფრდეთ. ამ განწყობის ეფექტიანად გამოყენებას კი მხოლოდ ბოევიკები შეძლებენ.

სოჭის ოლიმპიადა მთელ რიგ საფრთხეებს შეიცავს. სავარაუდოდ, კავკასიის საამირო 2014 წლის ოლიმპიადას გლობალური აღიარების მოსაპოვებლად უნიკალურ ისტორიულ შესაძლებლობად განიხილავს. და ბოლოს, სოჭის მიდამოებზე მეტისმეტი ყურადღების გადატანის გამო, რუსული სპეცსამსახურები შეიძლება „ზურგის“ გარეშე დარჩნენ, რაც ბოევიკებს მოსკოვში, სანკტ-პეტერბურგში, ან ჩრდილო კავკასიისა თუ რუსეთის სხვა რეგიონში ტერორისტული თავდასხმის მოწყობას გაუადვილებს. **■**



Hermes 450-ის ტიპის უპილოტო თვითმფრინავი

ისრაელი და საქართველო

დავა მიციონაზისთვის თუ ჰოლიზიხუხი დამახში

იარაღის მიმწოდებელი ისრაელური კომპანია, რომელიც აგვისტოს ომამდე ქართველ სამხედროებს წვრთნიდა, ახლა აფხაზეთისთვის სამხედრო სფეროში დახმარების საკითხს განიხილავს; იარაღის მიმწოდებელი მეორე ისრაელური კომპანია საქართველოს ხელისუფლებას ბრიტანეთის უზენაეს სასამართლოში უჩივის.

ოლესია ვართანიანი, „რადიო თავისუფლება“, სპეციალურად „ლიბერალისთვის“

გასული კვირის ბოლოს აფხაზეთის დე-ფაქტო პრეზიდენტი სერგეი ბაღატი მოსკოვში იმყოფებოდა, სადაც ისრაელური კომპანიის Global CST-ის ხელმძღვანელობას შეხვდა. ეს კომპანია სამხედრო ტექნიკის გაყიდვებითაა დაკავებული. როგორც რუსული და ისრაელური პრესა იტყობინება, მოსკოვის შეხვედრაზე აფხაზეთისთვის სამხედრო სფეროში დახმარების, კონკრეტულად კი თავდაცვითი იარაღის მიწოდების საკითხი განიხილებოდა.

მოსკოვის შეხვედრიდან მეორე დღეს

Global CST-ის ხელმძღვანელი ისრაელ ზივი აფხაზეთში გაემგზავრა, რათა ადგილზე გაცნობოდა სიტუაციას, მათ შორის, აფხაზეთის ადმინისტრაციულ საზღვართან ვითარებასაც.

საგულისხმოა, რომ ისრაელის კანონმდებლობის თანახმად, კერძო ისრაელურ კომპანიას, რომელიც უცხო ქვეყნისთვის ნებისმიერი ტიპის იარაღის მიყიდვას გადწყვეტს, ამისთვის ისრაელის ხელისუფლების სპეციალური ნებართვა სჭირდება.

თუმცა, ისრაელის ელჩი საქართველოში იცხაკ გერბერგი სააგენ-

ტო „ინტერპრესნიუსთან“ საუბარში უარყოფს ისრაელის ხელისუფლების კავშირს აფხაზეთთან სამხედრო თანამშრომლობაში: „ისრაელის პოლიტიკა აფხაზეთთან და ე.წ. სამხრეთ ოსეთთან მიმართებაში ნათელია. ჩვენ არ ვალიარებთ მათ დამოუკიდებლობას და არ ვაპირებთ მათთვის რაიმე იარაღის მიყიდვას. შესაძლოა, რომელიმე კერძო ბიზნესმენი ჩავიდა იქ, მაგრამ მათ არ შეუძლიათ, მთავრობის სახელით ილაპარაკონ. ვიმეორებ, აფხაზეთისთვის იარაღის მიყიდვას არ ვაპირებთ“.

სულ რაღაც სამი წლის წინ იგივე Global CST და მისი ხელმძღვანელი ისრაელ ზივი სამხრეთ ოსეთის ადმინისტრაციულ საზღვართან რამდენიმე კილომეტრში ქართული ანტიტერორისტული ჯგუფის მომზადებით იყო დაკავებული. ზივის რამდენიმე სპეციალისტმა, ისრაელში საკმაოდ ცნობილი ახალგაზრდა მეთაურის გალ ხირშის ხელმძღვანელობით, ქართველ სამხედროებს სპეციალური კურსი ჩაუტარა. ამ მომზადების პრაქტიკაში გამოყენების შესაძლებლობა ქართველ სამხედროებს 2008 წლის აგვისტოს ომის დროს მიეცათ.

საქართველოსთან თანამშრომლობის ფაქტს ეს კომპანია არასოდეს მალავდა. youtube.com-ზე შეიძლება Global CST-ის ხუთწუთიანი სარეკლამო რგოლის ნახვა, სადაც ქართველი ჯარისკაცების სავსე წვრთნების კადრებიცაა გამოყენებული. ერთ-ერთ კადრზე ქართველი სამხედრო ისრაელელ ტრენერს ხელს ართმევს და ამბობს: „გაუმარჯოს საქართველოსა და ისრაელის მეგობრობას!“

ვიდეორგოლში ჩანს, რომ Global CST-ის ხელმძღვანელი და დამფუძნებელი ისრაელ ზივი ქართველ სამხედროებს სპეციალური კურსის გავლის დამადასტურებელ სერტიფიკატებს გადასცემს. გასულ კვირას კი იგივე ისრაელ ზივი უკვე აფხაზ ჩინოვნიკებსა და სამხედროებს ართმევდა ხელს.

„არის მსგავსება ებრაელ და აფხაზ ხალხს შორის. თქვენც ჩვენსავით პატარა ერი და პატარა სახელმწიფო ხართ, რომელსაც პრობლემები აქვს მეზობელთან“ – განაცხადა ისრაელ ზივიმ სოხუმში ერთ-ერთ შეხვედრაზე.

ELBYT SYSTEMS -ი საქართველოში

ინფორმაცია იმის შესახებ, რომ ყოფილი პარტნიორი „მტრის“ სამსახურში გადასვლას გეგმავს ზუსტად ერთ კვირაში გავრცელდა მას შემდეგ, რაც საქართველოს კიდევ ერთმა პარტნიორმა – ისრაელურმა კომპანიამ Elbit Systems-მა განაცხადა, რომ საქართველოს ხელისუფლების წინააღმდეგ ბრიტანეთის უზენაეს სასამართლოში

ჩივილებს. Elbit Systems-ი საქართველოს ხელისუფლებას 2007 წლის კონტრაქტის თანახმად, 100 მილიონ დოლარს ედავება.

საქართველოს ხელისუფლება ამ ფაქტებთან დაკავშირებით ჯერჯერობით დუმს. გარეშე დამკვირვებლებს კი ეს უცნაური დამთხვევები ისრაელის მხრიდან კოორდინირებული დემარშის შთაბეჭდილებას უტოვებს.

საქართველოს და ისრაელური კომპანიის Elbit Systems-ის თანამშრომლობა ჯერ კიდევ 2000-იანი წლების დასაწყისში დაიწყო. ეს კომპანია მონაწილეობდა თავდაცვის სამინისტროს მიერ წამოწყებულ პროექტში, რომლის მიზანი საბჭოთა დროს „თბილავიამშენის“ მიერ გამოშვებული თვითმფრინავების – სუ-125-ის გაუმჯობესება იყო.

2007 წელს ამ ისრაელურ კომპანიასთან თანამშრომლობა მნიშვნელოვნად გაფართოვდა. ეს ის წელია, როცა საქართველოს სამხედრო ბიუჯეტი უპრეცედენტოდ გაიზარდა. Elbit Systems-მა თბილისთან კონტრაქტი გააფორმა და საქართველოში სამხედრო აღჭურვილობისა და ასევე უპილოტო საფრენი აპარატების მიწოდება დაიწყო.

საქართველო ისრაელისგან ორი ტიპის უპილოტო თვითმფრინავებს ყიდულობდა – Hermes 450-ს და Skylark-ს.

აგვისტოს ომამდე საქართველოს შინაგან საქმეთა სამინისტრო Hermes 450-ს აფხაზეთის ტერიტორიაზე დაზვერვისთვის იყენებდა. ეს უპილოტო საფრენი აპარატი პირდაპირ ვიდეოტრანსლაციას ახორციელებს. სწორედ ამ პირდაპირი ვიდეოტრანსლაციის წყალობით შეძლო ქართულმა მხარემ 2008 წლის გაზაფხულზე იმის დამტკიცება, რომ აფხაზეთის ტერიტორიაზე უკანონოდ იმყოფებოდა რუსული სამხედრო თვითმფრინავი, რომელმაც შემდეგ ქართული უპილოტო აპარატი ჩამოაგდო.

მეორე უპილოტო საფრენი აპარატი – Skylark-ი შედარებით მცირე ზომისაა და სათამაშო თვითმფრინავს ჰგავს.

სააჩიფრაციო ხელისუფლების და ისრაელის სამხრეთი ადმინისტრაციის თანამშრომლობის სქემა

დაპირუფალი უზენაესი

იონი მილი (ფოოზა) შლომი მილი (Israel Military Industries)

ისრაელ ზივი (Global CST)

Elbit Systems

ისრაელის მსხვილი მშენებლის ორგანიზაციის თბილისში

კონკრეტულად რა ტიპის იარაღს ყიდულობდა საქართველო ისრაელისგან, ეს მხოლოდ რამდენიმე ადამიანმა იცის საქართველოს ხელისუფლებაში. ადგილობრივი ექსპერტები თავდაცვის სფეროს ასეთ დაზუსტებას უკვე წლებია, აკრიტიკებენ.

იარაღის ყველა შესყიდვას საქართველოს პარლამენტის სპეციალური ნდობის ჯგუფის მხარდაჭერა სჭირდება. ამ ჯგუფში, რომლის ხელმძღვანელია თავდაცვის საპარლამენტო კომიტეტის თავმჯდომარე გივი თარგამაძე, ხუთი დეპუტატი შედის. მათ შორის არის ორი ოპოზიციონერიც - გიორგი თარგამაძე და გაია თორთლაძე.

მიუხედავად ასეთი წარმომადგენლობითი შემადგენლობისა, ნდობის ჯგუფის არსებობა პარლამენტში მხოლოდ ფორმალურია. ბოლოს როდის განიხილა ამ ჯგუფმა იარაღის შესყიდვების საკითხი და როგორ მიმდინარეობს ეს განხილვები – ამ კითხვებზე პასუხი იმ პირებსაც არა აქვთ, რომლებიც უშუალოდ დაკავშირებული არიან ამ ჯგუფის მუშაობასთან.

Elbit Systems



ამ ისრაელურ კომპანიას სერიოზული რეპუტაცია აქვს სამხედრო ტექნიკის შესყიდვების სფეროში. 2006 წლიდან ამ კომპანიის ფასიანი ქაღალდები მსოფლიოს უმსხვილეს ბირჟაზე NASDAQ-ზე წარმოდგენილი. კომპანიის რეგულარული ფინანსური ანგარიშების თანახმად, მის მუდმივ და მსხვილ კლიენტებს შორის არიან აშშ და ისრაელი. ნესდების თანახმად, ამ კომპანიის აქციების 25 პროცენტზე მეტის ყიდვის შემთხვევაში, მყიდველს ისრაელის ხელისუფლების სპეციალური ნებართვა სჭირდება. ეს იმას ნიშნავს, რომ კომპანიის პოლიტიკის განსაზღვრაში ისრაელის ხელისუფლება პირდაპირ მონაწილეობს.

ასეთი ტიპის უპილოტო თვითმფრინავი აგვისტოს ომიდან რამდენიმე თვეში სამხრეთ ოსეთის ადმინისტრაციულ საზღვართან ჩამოაგდეს. ქართულმა მხარემ არ აღიარა, რომ ეს მისი საფრენი აპარატი იყო.

უპილოტო საფრენი აპარატების წარმოება ისრაელური კომპანიის ერთადერთი შემოსავალი ნამდვილად არ არის. ეს კომპანია ლიდერია სადაზვერვო და საბრძოლო მოქმედების დროს საკომუნიკაციო კავშირის დასამყარებლად საჭირო მაღალტექნოლოგიური აღჭურვილობის წარმოებაში.

საქართველოს არასოდეს დაუდასტურებია, რომ Elbit Systems-გან მსგავსი ტიპის აღჭურვილობას ყიდულობდა. თუმცა, ამერიკული პენტაგონის ანგარიშში ნათქვამია, რომ 2008 წლის აგვისტოს ომის დროს ქართველ სამხედროებს თანამედროვე საკომუნიკაციო აღჭურვილობა ჰქონდათ. ამასთან, ამავე ანგარიშში ისიც წერია, რომ სწორედ კომუნიკაციის პრობლემები გახდა გადამწყვეტი ფაქტორი იმაში, რომ ქართულმა არმიამ ვერ გაუწია კოორდინირებული წინააღმდეგობა რუსეთის სამხედრო შემოტევას. მიზეზად დასახელებულია ის, რომ სა-

მხედროებმა რიგ შემთხვევებში, უბრალოდ, არ იცოდნენ ამ თანამედროვე საკომუნიკაციო აღჭურვილობის გამოყენება და უკან დახევის შესახებ ბრძანებებს სამხედროები მობილური ტელეფონით იღებდნენ, რაც უმკაცრესი შეცდომაა საბრძოლო მოქმედებების დროს.

კონკრეტულად რა გახდა იმის მიზეზი, რომ ქართული მხარე უარს ამბობს ისრაელური კომპანიისთვის კონტრაქტით გათვალისწინებული 100 მილიონის გადახდაზე? ამ კითხვაზე პასუხისგან თბილისი ჯერჯერობით თავს იკავებს. ძალოვანი უწყებების ქართველმა ჩინოვნიკებმა უარი თქვეს ისრაელურ კომპანიასთან დავის შესახებ საუბარზე.

სძმამ

Elbit Systems ერთადერთი ისრაელური კომპანია არ არის, რომელთანაც საქართველოს ხელისუფლება სამხედრო აღჭურვილობისა და ტექნიკის შეძენის მიზნით ძვირადღირებულ კონტრაქტებს აფორმებდა. ისრაელიდან ყველაზე სერიოზული შესყიდვები 2007 წელს დაიწყო, როცა საქართველოს თავდაცვის მინისტრის სავარძელი დავით კეზერაშვილმა დაიკავა.

ისრაელი-საქართველოს ინიციატივის პოლიტიკა

გასული წლის შემოდგომაზე ისრაელის ბიზნესმენთა ასოციაციის პრეზიდენტმა შრაგა ბროშმა ისრაელულ ბიზნესმენებს საქართველოსთან ყოველგვარი კონტაქტის განწყვეტისკენ მოუწოდებდა. ეს განცხადება ბროშმა 7 აპრილსაც გაიმეორა. საგულისხმოა, რომ სწორედ ამ ასოციაციის წევრია კომპანია Elbit Systems-ი, რომელიც დღეს საქართველოს ხელისუფლებას 100 მილიონ დოლარს ედავება.

ისრაელსა და საქართველოს შორის გარკვეული დიპლომატიური პრობლემები მას შემდეგ დაიწყო, რაც 2010 წლის 14 ოქტომბერს ბათუმში ისრაელ-

ლი ბიზნესმენები რონი ფუქსი და ზეე ფრენკელი დააკავეს. მათ ბრალად ედებათ საქართველოს ხელისუფლების წარმომადგენლისთვის დიდი ოდენობის ქრთამის შეთავაზება.

რონი ფუქსის და ზეე ფრენკელის დაკავებას ისრაელიდან დიდი გამოხმაურება მოჰყვა.

ოქტომბერშივე, ისრაელის პრეზიდენტმა შიმონ პერესმა პირადად დაურეკა მიხეილ სააკაშვილს და იმედი გამოთქვა, რომ გამოძიება სამართლიანად წარიმართებოდა.

თებერვალში საქართველო ისრაელის ანტიტერორისტული ცენტრის მიერ გამოქვეყნებულ

საშიში ქვეყნების ნუსხაში მოხვდა.

მარტში ისრაელის მხარის დიპლომატიური დემარშის გამო ისრაელში საქართველოს მთავრობის ორი წარმომადგენლის დაგეგმილი ვიზიტი არ შედგა – პარლამენტის თავმჯდომარის და ეკონომიკის მინისტრის.

ეზრული მედიის ცნობით, რივენ რივლინმა (ისრაელის პარლამენტის თავმჯდომარე) ქართველ კოლეგას ვიზიტის გადადების მიზეზად „შიდა და გარე პოლიტიკურ გარემოებები“ და საქართველოში დაკავებული ისრაელელი ბიზნესმენების საკითხი დაუსახელა.

ქართული მხარე დიპლომატიურ კრიზისს არ აღიარებს. თუმცა, ისრაელელი ბიზნესმენების დაკავების ფაქტმა რომ საქართველო-ისრაელის ბიზნეს-ურთიერთობები დააზიანა, ამას „ლიბერალთან“ საუბარში ეკონომიკის მინისტრი ვერა ქობალიაც ადასტურებს: „რა თქმა უნდა, ამ საქმეს აქვს უარყოფითი ეფექტი საქართველო-ისრაელის ბიზნეს-ურთიერთობებზე. დაკავებულ ბიზნესმენებს ისრაელში პარტნიორები ჰყავთ და მათი ინტერესია, რომ ფუქსი და ფრენკელი გათავისუფლდნენ. ამიტომაც არსებობენ ამ საკითხით უკმაყოფილო ბიზნესმენები“.

უცხოელი ექსპერტები და დიპლომატები ეჭვს გამოთქვამდნენ ამ არჩევანთან დაკავშირებით. კეზერაშვილი იყო ახალგაზრდა, სულ რაღაც 29 წლის, რომელსაც არ ჰქონდა ამგვარი სერიოზული ძალოვანი უწყების მართვის რაიმე გამოცდილება.

მიუხედავად ამ პრეტენზიებისა, კეზერაშვილს ჰქონდა ერთი დიდი უპირატესობა – მას ჰქონდა საჭირო პირადი კონტაქტები ისრაელში, ქვეყანაში, რომელიც მსოფლიოში ხარისხიანი სამხედრო ტექნიკის ერთ-ერთი უმსხვილესი მწარმოებელია. ამ კონტაქტების წყალობით კეზერაშვილს ისრაელიდან იარაღის შემოტანა უნდა უზრუნველყო.

ამ ამოცანის შესასრულებლად ის კარგი კანდიდატურა იყო. 90-იანი წლების პირველ ნახევარში იგი წელიწადნახევარი ცხოვრობდა ისრაელის სამხრეთში. სწავლობდა ადგილობრივ სკოლაში და როგორც მისი ახლობლები ამბობენ, იდიშის გარკვეული ცოდნაც აქვს.

საქართველოსთვის ისრაელიდან იარაღის შესყიდვებს ისრაელში ძალიან ცნობილი ორი ადამიანის სახელიც უკავშირდება. ესენი არიან ძმები მილოები – რონი და შლომო. რონი მილო ისრაელის პარლამენტის წევრი იყო, ხელმძღვანელობდა სხვადასხვა სამინისტროს და ხუთი წლის განმავლობაში თელ-ავივის მერი იყო. მისი ძმა შლომო რამდენიმე წლის განმავლობაში სამხედრო ტექნიკის მწარმოებელი უმსხვილესი კომპანიის Israel Military Industries -ის ერთ-ერთი ხელმძღვანელი იყო. ძმები მილოები ისრაელურ იარაღის მწარმოებელ კომპანიებსა და საქართველოს ხელისუფლებას შორის მთავარი შუამავლები იყვნენ. უცნობია რა პირობებით ასრულებდნენ ისინი ამ ფუნქციას და ვინ უხდიდა მათ ამ სამსახურისთვის.

ისრაელი და აზვისტოს ომი

ისრაელის ხელისუფლება მუდმივად უარყოფდა საქართველოსთვის მძიმე სამხედრო ტექნიკის მიწოდების ფაქტს. თუმცა, ვრცელდებოდა ცნობები, რომ გარდა უპილოტო თვითმფრინავებისა, საქართველო ისრაელიდან ყიდულობდა

ჰაერსანიანალმდეგო რაკეტებს, მსუბუქ იარაღს და ლამის ხილვადობისთვის საჭირო აღჭურვილობას.

2008 წლის აგვისტოს ომის საბრძოლო მოქმედებების დასრულებისთანავე ისრაელს მოუხდა იმის მტკიცება, რომ ამ ომთან მას კავშირი არ აქვს, რადგან რუსულმა მხარემ ისრაელი საქართველოსთვის მძიმე ტექნიკის მიწოდებაში დაადანაშაულა. რუსული სპეცსამსახურების ინფორმაციით, სწორედ ისრაელმა მიანოდა საქართველოს კასეტური ბომბებიც. როგორც თბილისმა მოგვიანებით განაცხადა, მის მიერ გამოყენებული კასეტური ბომბები ნაწილობრივ უფარგისი აღმოჩნდა.

ის, რომ ისრაელი აგვისტოს ომში არ მონაწილეობდა, ამას არა მარტო ოფიციალური პირები, არამედ ის კერძო ისრაელური კომპანიებიც ამტკიცებდნენ, რომლებსაც საქართველოში მოუხდათ მუშაობა. მაგალითად, გალ ხირშმა ისრაელურ პრესას უთხრა, რომ ქართველი სამხედროების განვრთნა საომარ მოქმედებამდე დიდი ხნით ადრე უკვე დასრულებული იყო. კომენტარისთვის რონი მილოსაც მიმართეს. მან არ თქვა, კონკრეტულად რა ტიპის იარაღს აწვდიდა ისრაელი საქართველოს და მხოლოდ პოლიტიკური განცხადებით შემოიფარგლა: „რუსეთთან ომი საქართველოს გამოგონება არ არის და ამ ქვეყანას აქვს თავდაცვის უფლება“.

უფრო კონკრეტული იმ დღეებში სახელმწიფო მინისტრი რეინტეგრაციის საკითხებში თემურ იაკობაშვილი იყო. ისრაელურ რადიოსთან საუბრისას მან თქვა: „ისრაელს შეუძლია იამაყოს თავისი სამხედროებით, რომელთაც ქართველი ჯარისკაცები განვრთნეს“.

ომის შემდეგ რუსეთმა ისრაელისგან ოფიციალურად მოითხოვა საქართველოსთან თანამშრომლობის განწყვეტა. ეს მოთხოვნა ისმოდა ღიად, ყველაზე მაღალი ტრიბუნებიდან. პარალელურად ვრცელდებოდა ცნობები, რომ რუსეთი თავად აპირებს ისრაელური უპილოტო თვითმფრინავების შექმნას და ამ ქვეყანასთან მჭიდრო სამხედრო თანამშრომლობას. **■**

Global CST



ეს კომპანია ოთხი წლის წინ დაარსდა. მას გენერალ-მაიორი ისრაელი ზვი ხელმძღვანელობს. მრავალი წლის მანძილზე ზივს მნიშვნელოვანი თანამდებობები ეკავა ისრაელის თავდაცვის უწყებაში. ზივის კომპანია თავდაცვის სისტემის გაუმჯობესების სფეროში უცხოური მთავრობების კონსალტინგითა დაკავებული. ამ კომპანიისთვის პრიორიტეტული რეგიონი ჩრდილოეთ აფრიკაა.

აშშ-ის სახელმწიფო დეპარტამენტის მიმონერიდან, რომელიც საიტმა Wikileaks-მა გამოაქვეყნა, ირკვევა, რომ გარკვეული პრეტენზიები Global CST-ის საქმიანობასთან ამერიკის შეერთებულ შტატებსაც აქვს. კერძოდ, ამ მიმონერიდან ირკვევა, რომ ამერიკელი დიპლომატები ცდილობენ, Global CST ლათინური ამერიკის ქვეყნების ბაზარზე არ შეუშვან - 2009 წლის ბოლოს პანამაში აშშ-ს ელჩმა, ბარბარა სტეფენსონმა ქვეყნის პრეზიდენტ, რიკარდო მარტინელისთან შეხვედრაზე განაცხადა, რომ აშშ გაყინავს პანამასთან სამხედრო თანამშრომლობას, თუ ეს ქვეყანა Global CST-სთან თანამშრომლობაზე უარს არ იტყვის. პანამის ხელისუფლებამ შეერთებული შტატების რჩევა გაითვალისწინა და ისრაელურ კომპანიასთან გარიგება ჩაიშალა.

გავრცელებული ინფორმაციით, Global CST-ს ლიბიის პრეზიდენტმა, მუამარ კადაფიმ 5 მილიარდი დოლარი 50 ათასი დაქირავებული მებრძოლისთვის გადაუხადა. კომპანია ასევე ამზადებს ქვედანაყოფებს კოლუმბიის არმიისთვის.

აშშ სახელმწიფო დეპარტამენტის ანგარიში

საქართველო, ამერიკის თვალში

აშშ-ის სახელმწიფო დეპარტამენტის ყოველწლიური გლობალური ანგარიში, რომელიც 35 წლის წინ საგარეო პოლიტიკის ხელშეწყობის მიზნით შემოიღეს, დღეს მრავალ ქვეყანაში ადამიანთა უფლებების შესახებ მდგომარეობის შეფასების სანდო წყაროდ არის მიჩნეული.

დიანა ჩაჩუა

2010 წლის 18 მაისს „საქართველოს ახალგაზრდა იურისტთა ასოციაციამ“ მართლმსაჯულების შესახებ ანგარიშის პრეზენტაცია გამართა, რომელშიც სისტემაში არსებულ დარღვევებზე ამხვილებდა ყურადღებას. გასული წლის განმავლობაში ადამიანთა უფლებების სფეროში არსებულ მდგომარეობას არაერთი სხვა შეხვედრა თუ მოხსენება მიუძღვნეს საქართველოს სახალხო დამცველმა, სამოქალაქო საზოგადოების სხვა წარმომადგენლებმა, „საერთაშორისო გამჭვირვალობა საქართველომ“ და გაეროს და ევროკავშირის მისიებმა.

მსგავს ანგარიშებზე და მოხსენებებზე დაყრდნობით ამერიკის საელჩოში მთელი წლის განმავლობაში საქართველოში ადამიანთა უფლებების შესახებ მდგომარეობას იკვლევენ. საბოლოოდ, ეს დაკვირვებები სახელმწიფო დეპარტამენტის გლობალურ ანგარიშში იყრის თავს, რომელიც მსოფლიოს 190 ქვეყანაში ადამიანთა უფლებების შესახებ მდგომარეობას იკვლევს.

35 წლის წინ აშშ-ის საგარეო პოლიტიკის ხელშეწყობის მიზნით შექმნილი უცხო ქვეყნების შესახებ ანგარიშების წერის მექანიზმი დღეს მრავალ ქვეყანაში შეფასების სანდო წყაროდ არის მიჩნეული.

ანგარიშის საქართველოსთვის მიძღვნილ ნაწილში ენციკლოპედიური სიზუსტით არის აღწერილი ადამიანთა უფლებების დარღვევის ფაქტები სასამართლო, პენიტენციურ სისტემაში, ასევე ბიზნესზე და მედიაზე განხორციელებული

ზენოლის და დისკრიმინაციის სხვადასხვა მაგალითი, მათ შორის, დევნილთა გამოსახლებისას დაშვებული დარღვევები.

ანგარიშში მოხვედრილი ნებისმიერი ინფორმაცია სამი წლის განმავლობაში ინახება, ამიტომაც 2010 წლის დოკუმენტში 2008 წელს გამოვლენილი დარღვევების ფაქტების შესახებ განახლებული ინფორმაციებიც მოიპოვება.

ადამიანის უფლებების დაცვის სფეროში 2010 წელს რამდენიმე მიმართულებით მნიშვნელოვანი წარმატების მიუხედავად, ანგარიშის თანახმად, პატიმრებისადმი ცუდი მოპყრობის, თვითნებური დაკავებების, კანონის შერჩევითი გამოყენების, მედიაზე და ბიზნესზე ზენოლის შემთხვევები კვლავ პრობლემურ საკითხებად რჩება.

ახალ ანგარიშში ყურადღება კანონის შერჩევითი გამოყენების ტენდენციასზე გამახვილებული. დოკუმენტში ვკითხულობთ, რომ ხელისუფლების წარმომადგენლების ან მათი მხარდამჭერების მიერ ჩადენილი სავარაუდო უკანონო ქმედებების გამოძიება ჭიანჭურდება და ხშირად ბოლომდე არც მიდის, მაშინ, როცა ოპოზიციის ან მათი მხარდამჭერების მიერ ჩადენილი ქმედებების გამოძიება სწრაფად სრულდებოდა. ეს ყოველივე „ხელისუფლების წარმომადგენელთა დაუსჯელობის შესახებ“ ბრალდებებს ინვესტ ხოლმე.

„დამკვირვებლების აზრით, ოფიციალური ანტიკორუფციული კამპანია სისხლის სამართლებრივი დევნისკენ უფროა მიმართული, ვიდრე პრევენციისკენ და ის უფრო არასტრუქტურირებულ ხასიათს ატარებს,



ვიდრე სისტემურსა და ყოვლისმომცველს. შეშფოთების საგანს ასევე წარმოადგენს სამოქალაქო საზოგადოების ჩართულობის დონე სახელმწიფო პოლიტიკის დაგეგმვასა და განხორციელებაში, საკუთრების უფლებები და ელიტური კორუფცია. არასამთავრობო ორგანიზაციებმა ასევე გამოხატეს შეშფოთება ბიზნესთან მთავრობის კავშირების, კერძოდ – კორუფციული გარიგებების გამო“, – ვკითხულობთ ანგარიშში.

ანგარიშში ნათქვამია, რომ წვრილმანი კორუფციის დონე საქართველოში ვარდების რევოლუციის შემდეგ შემცირდა. კორუფცია დაბალია საპატრულო პოლიციის

დონეზე, თუმცა მაღალი დონის კორუფცია კვლავ გამოწვევად რჩება.

„არსებობდა სარწმუნო ბრალდებები იმასთან დაკავშირებით, რომ ბიზნესმენებზე ხორციელდებოდა ზენოლა, რათა მათ მმართველი პარტიისთვის შემოინიშნულიყვნენ“.

■ შეშფოთების საგანს ასევე წარმოადგენს სამოქალაქო საზოგადოების ჩართულობის დონე სახელმწიფო პოლიტიკის დაგეგმვასა და განხორციელებაში.

ლობები მიეცათ“, – ნათქვამია სახელმწიფო დეპარტამენტის მიერ გამოქვეყნებულ დოკუმენტში.

ჩვეულებრივ, ანგარიში მხოლოდ დარღვევებზე ამახვილებს ყურადღებას, თუმცა გამონაკლისის სახით კონკრეტულ ქვეყანაში აღსანიშნავი ცვლილების ან რეფორმის შემთხვევაში მას წინსვლის აღმნიშვნელი კატეგორიაც ემატება. როგორც ამერიკის საელჩოში ამბობენ, საქართველო იმ ქვეყანათა შორისაა, რომელსაც ასეთი კატეგორია მიაკუთვნეს.

ანგარიშის მიხედვით, ადამიანის უფლებათა დაცვის სფეროში „მნიშვნელოვანი მიღწევა“ ახალი სისხლის სამართლის



ანბახიში 2011

ინტერვიუ აშშ-ს ელჩთან საქართველოში
ჯონ ბასთან

საპროცესო კოდექსის ამოქმედება, რომელიც განსასჯელებს მეტ უფლებებს ანიჭებს, ასევე სახალხო დამცველის აპარატის გაძლიერება, საერთაშორისო სტანდარტების შესაბამისი ახალი ციხეების აშენება და 2010 წლის 30 მაისის ადგილობრივი არჩევნების დროს თბილისის მერის პირდაპირი წესით არჩევა.

აფხაზეთში არსებული მდგომარეობის მონიტორინგი აშშ-ის საელჩოსთვისაც პრობლემური საკითხია.

„ჩვენ გვესმის, რომ აფხაზეთსა და სამხრეთ ოსეთის ოკუპირებული რეგიონები ცენტრალური ხელისუფლების კონტროლს მიღმა რჩება. კვლავ შემოდოდა ანგარიშები ამ რეგიონებში ადამიანის უფლებების დარღვევის შესახებ. მეტი გამჭვირვალობა გვჭირდება, მათ შორის განახლებული საერთაშორისო წარმომადგენლების ყოფნა ამ ტერიტორიებზე, რაც ჩვენ ყველას მოგვცემს საშუალებას უკეთ შევაფასოთ მდგომარეობა ჰუმანიტარულ და ადამიანის უფლებათა სფეროში“, – აღნიშნავს აშშ-ის ელჩი ჯონ ბასი საელჩოს მიერ გამოქვეყნებულ სპეციალურ ვიდეო მიმართვაში.

აშშ-ის სახელმწიფო დეპარტამენტის გლობალური ანგარიში არ მოიცავს თავად აშშ-ში ადამიანთა უფლებების მდგომარეობისადმი მიძღვნილ ქვეთავს. წლების განმავლობაში დეპარტამენტის ანგარიშის მიმართ კრიტიკა სწორედ ამ ფაქტს ეხებოდა.

2000 წლიდან მოყოლებული, ჩინეთის მთავრობა, სახელმწიფო დეპარტამენტის ანგარიშის გამოქვეყნების საპასუხოდ, ამერიკაში ადამიანთა უფლებების მდგომარეობის შესახებ საკუთარ ანგარიშს აქვეყნებს.

ვაშინგტონში, მსგავსი კრიტიკის თავიდან არიდების მიზნით, ახალ სტრატეგიას ქმნიან – ანგარიშებს აშშ-ში არსებულ მდგომარეობასთან დაკავშირებით დამატებით ერთი თავი უნდა შეემატოს.

„ჩვენ მიმართ გაცილებით მეტი ნდობა გაჩნდება, თუ სხვა ქვეყნების კრიტიკის პარალელურად საკუთარ თავსაც დავაკვირდებით“, – აღნიშნა აშშ-ის სახელმწიფო მდივანმა ჰილარი კლინტონმა სახელმწიფო დეპარტამენტის ახალ ანგარიშზე საუბრისას. **■**

ხშირად ანგარიშებიდან კონკრეტულ დეტალებს ამოიღებენ ხოლმე და მათ გადაჭარბებულ მნიშვნელობას ანიჭებენ.

ჩვენ ვისურვებდით, რომ ფაქტებზე დაფუძნებულ დისკუსიებს ჰქონდეს ადგილი და არა ქულების დაწერის მიზნით დეტალებისადმი სელექციურ მიდგომას.



ფოტო: ილიკო ნაგაიძე

რით გამოირჩევა ადამიანის უფლებების შესახებ შეერთებული შტატების სახელმწიფო დეპარტამენტის ახალი ანგარიში და რა ტენდენციებს აჩვენებს ის?

გვიქრობ, ამ ანგარიშის ყველაზე

დიდი ღირსება ის არის, რომ ძალიან დეტალური და სიღრმისეულია.

ანგარიშში ჩვენ ბევრ ასპექტს განვიხილავთ. საუბარია იმ მიმართულებებზე, რომელთა გაუმჯობესება და რეფორმირება აუცილებელია. ეს

პრობლემები საქართველოს მსგავს ტრანზიციოში მყოფი ქვეყნებისთვის დამახასიათებელია. ტოტალიტარული სისტემის ეკონომიკიდან თავისუფალ ეკონომიკაზე გადასვლას ბევრი სირთულე ახლავს თან.

ანგარიშში სასამართლო სისტემაში სიტუაციის გამოსწორების და კანონის უზენაესობის უკეთ უზრუნველყოფის აუცილებლობაზეც ვსაუბრობთ. გამოკითხვების თანახმად, საზოგადოება კვლავ არ ენდობა სასამართლოს. ამ მიმართულებით სერიოზული სამუშაოა გასანევი. ვფიქრობთ, ეს ხელისუფლებამაც იცის

■ ანგარიშში სასამართლო სისტემაში სიტუაციის გამოსწორების და კანონის უზენაესობის უკეთ უზრუნველყოფის აუცილებლობაზეც ვსაუბრობთ. გამოკითხვების თანახმად, საზოგადოება კვლავ არ ენდობა სასამართლოს. ამ მიმართულებით სერიოზული სამუშაოა გასანევი.

ამ მიმართულებით კიდევ სამუშაო გასანევი? პროგრესული ნაბიჯების მიუხედავად, რა თქმა უნდა, ნამდვილად არის.


გარკვეული მიმართულებებით ხელისუფლებას მიღწეულ პროგრესს ვუნონებთ. თუ ობიექტურად მივუდგებით ამ დოკუმენტს, აუცილებლად უნდა აღვნიშნოთ რეპორტის ეს ნაწილიც. ხშირად ანგარიშებიდან კონკრეტულ დეტალებს ამოიღებენ ხოლმე და მათ გადაჭარბებულ მნიშვნელობას ანიჭებენ – იქნება ეს ნეგატიური თუ პოზიტიური ფაქტი. ჩვენ ვისურვებდით, რომ ფაქტებზე დაფუძნებულ დისკუსიებს ჰქონდეს ადგილი და არა ქულების დაწერის მიზნით დეტალებისადმი სელექციურ მიდგომას.

ადამიანის უფლებების შესახებ შეერთებული შტატების სახელმწიფო დეპარტამენტის ანგარიშს გასული წლების კონტექსტში უნდა შევხედოთ. როდესაც 2003 წლიდან მოყოლებული საქართველოს შესახებ რეპორტებს ვეცნობი, თანმიმდევრულ პროგრესს ვამჩნევ. ვხედავ საკითხებს, რომლებიც კვლავაც მოითხოვს ყურადღებას, თუმცა ზოგადად საქართველოში ცხოვრების პირობები გაცილებით უკეთესია, ვიდრე წლების წინ იყო. მოქალაქეებს რომ ჰკითხოთ, გრძნობენ თუ არა თავს დაცულად და გაუმჯობესდა თუ არა მათი ეკონომიკური შესაძლებლობები, ვფიქრობ, გასულ წლებთან შედარებით მეტი გიპასუხებთ დადებითად.

სახელმწიფო დეპარტამენტის ანგარიშს წინ უსწრებდა სახალხო დამცველის ოფისის ანგარიში, სადაც თქვენი დოკუმენტის მსგავსად, სასჯელაღსრულების და პრობაციის სფეროში არსებულ დარღვევებზე იყო საუბარი. თავად სასჯელაღსრულების, პრობაციისა და იურიდიული დახმარების საკითხთა მინისტრი ხათუნა კალმახელიძე უარს აცხადებს ამ საკითხებზე საჯარო საუბარზე. მოჰყვა თუ არა რაიმე სახის რეაგირება თქვენს ანგარიშს ამ უწყებიდან?

დეტალურად ვერ ვისაუბრებ კონკრეტულ ოფიციალურ პირებთან შეხვედრების შესახებ, კონფიდენციალობის დაცვა ეფექტიანი დიპლომატიისთვის აუცილებელია. შემიძლია მხოლოდ ის გითხრათ, რომ მე მინისტრისგან დავინახე შემართება და სურვილი, რომ დღეისათვის არსებული ყველა პრობლემა აღმოიფხვრას. მე მომსწრე გავმხდარვარ აღიარებისა, რომ სისტემაში ნამდვილად არსებობს პრობლემები. ამერიკის მთავრობა აფინანსებს რამდენიმე პროგრამას, რომელიც ამ სამინისტროს გამოსწორებას და ციხეებში სიტუაციის გაუმჯობესებას ისახავს მიზნად.

რამდენად განაპირობებს სახელმწიფო დეპარტამენტის ანგარიშები ამერიკის შემდგომ პოლიტიკას საქართველოსთან მიმართებაში?

პირდაპირი კავშირი არ არსებობს. ზოგადად, აშშ-ის დახმარების პროგრამები ასახავს საქართველოში არსებული მდგომარეობის ჩვენებულ შეფასებებს. თუმცა ამ ანგარიშის ფუნქცია არ არის დახმარების პროგრამების პრიორიტეტების განსაზღვრა. ეს უფრო იმ შეხვედრებზე ნყდება, რომელსაც ჩვენ საქართველოს ხელისუფლებასა და სამოქალაქო საზოგადოების წარმომადგენლებთან ვმართავთ. თუმცა, დიდი თანხვედრა ჩვენს რეპორტში მოცემულ გამოსასწორებელ მიმართულებებსა და მთავრობის მიერ დასახელებულ პრობლემურ საკითხებს შორის. ჩვენ ასევე ვაანალიზებთ და ვითვალისწინებთ წარსულ გამოცდილებას – რამ იმუშავა ეფექტიანად და რამ – არც ისე ეფექტიანად. სწორედ ეს ფაქტორები განაპირობებს ჩვენს გადაწყვეტილებებს, თუ რა იქნება მომავალში ჩვენი ყურადღების ობიექტი და ვინ იქნება ჩვენი დახმარების პროგრამების ადრესატი. 

ესაუბრა დიანა ჩაჩუა.

და ამ საკითხზე მიდის მუშაობა – რეპორტშიც ვახსენებთ, რომ ამოქმედდა სამართლის ახალი საპროცესო კოდექსი, მიმდინარეობს ახალი მოსამართლეების დაქირავების და მათი ტრენინგების პროცესი. არის თუ არა

საქართველოს ცივილიზაციის ჰოლივუდი

ინტერვიუ „საერთაშორისო გამჭვირვალობა საქართველოს“ ანალიტიკოსთან
მატიას ჰუტერთან

რამდენიმე დღის წინ პრეზიდენტის პრეს-სპიკერმა მანანა მანჯგალაძემ განაცხადა, რომ ორგანიზაცია „საერთაშორისო გამჭვირვალობა საქართველოს“ (Transparency International) ინფორმაცია, თითქოს, საქართველოს მთავრობამ გაზეთ Financial Times-ს ფული გადაუხადა, აბსურდია. ამ თემაზე „ლიბერალი“ TI-ის ანალიტიკოსს მატიას ჰუტერს ესაუბრა.

რა მასალას გულისხმობდა პრეზიდენტის პრეს-სპიკერი?

თებერვალში, პრეზიდენტის პარლამენტში გამოსვლის და ოპოზიციასთან დებატების შემდეგ, ჩვენ გადავამოწმეთ პარლამენტში გაუქმებული ფაქტები და მხარეების კომენტარები, რადგანაც ჩავთვალეთ, რომ ეს ძალიან მნიშვნელოვანი გამოსვლა იყო. ჩვენ შევამოწმეთ, როგორც პრეზიდენტის მიერ მოყვანილი მაგალითები, ასევე ოპოზიციის არგუმენტები.

ამ გამოსვლისას პრეზიდენტს ხელში ეჭირა გაზეთი Financial Times. პრეზიდენტმა თქვა, რომ გაზეთში გამოქვეყნებულ სტატიაში საქართველო მოხსენიებული იყო, როგორც კორუფციასთან მებრძოლი ნომერ პირველი ქვეყანა მსოფლიოს მასშტაბით.

მცირე კვლევა ჩავატარე, გაზეთის არქივი შევამოწმე, ვერ ვიპოვე ვერც ერთი სტატია საქართველოზე, რომელიც პრეზიდენტის არგუმენტს გაამყარებდა. პრეზიდენტს ხელში ეჭირა 28 იანვრის ნომერი, რომლის მეშვიდე გვერდი მთლიანად საქართველოს რეკლამას ეთმობოდა, თუმცა ტელევიზიით არ ჩანდა ეს რეკლამა იყო თუ სტატია, ჩანდა მხოლოდ სათაური დიდი ასოებით – საქართველო.

იმავე დღეს საქართველოს რეკლამა დაიბეჭდა გაზეთ Wall Street Journal-ში და ჟურნალ Economist-ში. ეს სარეკლამო კამპანია მიზნად ისახავდა ქვეყანაში უცხოელი ინვესტორების მოზიდვას და შესაბამისად, საქართველოს წარმოადგენდა, როგორც ბიზნესის კეთებისთვის სასურველ ქვეყანას.

შეიძლება ითქვას, რომ საზღვარგარეთ ქვეყნის საინვესტიციო კლიმატის რეკლამირება საქართველოს მთავრობის სტრატეგიის ნაწილია? რა ადგილი უჭირავს საერთაშორისო იმიჯის შექმნას მთავრობის პოლიტიკაში?

რა თქმა უნდა, ეს მთავრობის სტრატეგიის ნაწილია. საქართველოს მთავრობა დიდ ყურადღებას უთმობს ისეთი ორგანიზაციების მიერ მომზადებულ საერთაშორისო რეიტინგებს, როგორცაა მსოფლიო ბანკი და „საერთაშორისო გამჭვირვალობა“. მთავრობა ხაზს უსვამს ამ მიდევებს საერთაშორისო ასპარეზზე, როდესაც პრეზიდენტი სიტყვით გამოდის გაერთიანებული ერების ორგანიზაციაში ან რომელიმე დიდ კვლევით ორგანიზაციაში.

ამავდროულად, საქართველოს მთავრობა ქირაობს ლობისტურ კომპანიებს როგორც ევროპაში, ასევე შეერთებულ შტატებში. ეს კომპანიები ხელს უწყობენ საქართველოს, როგორც რეფორმატორი ქვეყნის, წარმოჩენას საერთაშორისო ასპარეზზე. ამას ემატება სატელევიზიო რეკლამები, როგორც ეს შარშან იყო CNN-სა და BBC World-ზე.

შარშან, BBC-ზე გასული რეკლამა ციტირებდა „მსოფლიო ბანკის“ და „საერთაშორისო გამჭვირვალობის“ რეიტინგებს, რაც მალევე შეიცვალა და რეკლამიდან ამოიღეს ნაწილი, სადაც თქვენი ორგანიზაცია იყო ნახსენები. რატომ მოითხოვეთ რეკლამიდან თქვენი მონაცემების ამოღება?

ამ რეკლამისთვის მთავრობამ გა-

მოიყენა 2009 წლის კორუფციის ინდექსი, რომელსაც ჩვენ რამდენიმე კვლევაზე დაყრდნობით ვამზადებთ.

რეკლამის ეთერში გასვლამდე ჩვენ ეს საკითხი განვიხილეთ საქართველოს მთავრობასთან და შევთანხმდით ციტირების ფორმაზე. ჩვენ არ ვეთანხმებოდით ფორმას, რომლითაც „საერთაშორისო გამჭვირვალობის“ მონაცემები იყო გამოყენებული. საბოლოოდ, მთავრობა დაგეთანხმდა და სარეკლამო რგოლი შეცვალეს, თუმცა იმ დროისთვის სა-რეკლამო კამპანია უკვე დაწყებული იყო.

კონკრეტულად ვისთან, მთავრობის რომელ სტრუქტურასთან განიხილავთ მსგავს საკითხებს?

პრემიერ-მინისტრის მრჩეველებთან.

რას იღებს მთავრობა ამ სარეკლამო კამპანიის სანაცვლოდ და რა მოლოდინები აქვს მას?

მათი მიზანია რაც შეიძლება მეტი უცხოური ინვესტიციების მოზიდვა საქართველოში. საქართველოს, როგორც რეფორმატორი და კორუფციასთან ბრძოლაში წარმატებული ქვეყნის წარმოჩენით, მთავრობა ცდილობს, ქვეყანა დასავლელი დონორებისთვის და პოლიტიკური მოკავშირეებისთვის უფრო მიმზიდველი გახადოს.

თუკი საერთაშორისო ორგანიზაციები, იქნება ეს „მსოფლიო ბანკი“ თუ „აზიის განვითარების ბანკი“, დაინახავენ, რომ ქვეყანა ადმინისტრირებასა და კორუფციასთან ბრძოლაში წარმატებულია, ისინი ასკვნის, რომ აქ ჩადებული თანხა უფრო

ფექტიანი იქნება, ვიდრე იმ ქვეყნებში, სადაც კორუფციის მაჩვენებელი მაღალია.

მსგავსი მიღწევების წარმოჩენა ასევე ხელს უწყობს დასავლეთში პოლიტიკური მხარდამჭერების მოპოვებას.

რამდენს ხარჯავს საქართველოს მთავრობა ლობისტურ კომპანიებში, რომლებიც მას საზღვარგარეთ იმიჯის შექმნაში ეხმარებიან?

დაზუსტებული მონაცემები ამის შესახებ არ არსებობს, რადგანაც საქართველოს მთავრობა ამ ინფორმაციას არ

რამი იხარჯება მათი გადასახადები და თვითონვე გადანყვიტონ, არის თუ არა ეს მათი ქვეყნისთვის სწორი ინვესტიცია.

რომელ კომპანიებთან თანამშრომლობს საქართველოს მთავრობა და რა ტიპის მომსახურებას იღებს ის?

ამერიკის შემთხვევაში, საქართველოს მთავრობა რამდენიმე ლობისტურ კომპანიასთან თანამშრომლობს, ეს ინფორმაცია ამერიკის იუსტიციის სამინისტროსგან მივიღეთ, რომელიც

ტის, ბილ კლინტონის ადმინისტრაციის უფროსი იყო. საქართველოს მთავრობა ასევე ქირაობს კომპანიას, რომლის მმართველიც 2008 წელს, სენატორ მაკკეინის საპრეზიდენტო კამპანიას ხელმძღვანელობდა, ამჟამად კი სარა პეილინის მრჩეველია.

რაც შეეხება მომსახურებას, შტატებში ვიზიტისას პრეზიდენტი სიტყვით გამოდის რამდენიმე მნიშვნელოვან ორგანიზაციაში და სასწავლებელში, ის ხვდება მნიშვნელოვან პოლიტიკურ ფიგურებს და რა თქმა უნდა, ეს ყველა-



■ „პრეზიდენტმა თქვა, რომ სტატიაში საქართველო მოხსენიებული იყო, როგორც კორუფციასთან მებრძოლი ნომერ პირველი ქვეყანა. მცირე კვლევა ჩავატარე, გაზეთის არქივი შევამოწმე, ვერ ვიპოვე ვერც ერთი სტატია საქართველოზე“.

ფოტო: ლეონა ნიკოლაუკა

ასაჯაროებს. მთავრობის თქმით, ლობისტურ საქმიანობასთან დაკავშირებული ხარჯები ეროვნული უსაფრთხოების საკითხია და არა საჯარო ინფორმაცია.

ლობისტური კომპანიების დაქირავების სანინალმდეგო არაფერი გვაქვს, უბრალოდ მივიჩნევთ, რომ ეს ინფორმაცია გამჭვირვალე და ხელმისაწვდომი უნდა იყოს, რათა ხალხმა იცოდეს, თუ

ყოველწლიურად აქვეყნებს ლობისტური კომპანიების ანგარიშებს და მათ ხელშეკრულებებს.

საქართველოს მთავრობა ქირაობს როგორც დემოკრატებთან, ასევე რესპუბლიკელებთან დაახლოებულ კომპანიებს, რითაც ერთგვარ ბალანსს ინარჩუნებს. მაგალითად Podesta Group-ის მმართველის ძმა, ყოფილი პრეზიდენ-

ფერი შუქდება ამერიკულ მედიაში. მაგალითად, მისი ბოლო ვიზიტისას პრეზიდენტი მიიწვიეს ერთ-ერთ ყველაზე მემარცხენე ტელევიზიაში MSNBC-ზე და ასევე Fox News-ზე, რომელიც ცნობილია თავისი მემარჯვენე იდეებით. ამით ლობისტები პრეზიდენტს, შეიძლება ითქვას, ორივე ბანაკში „ჰყიდნიან“.

ესაუბრა ნანა საჯავია.



სოსიანური პასუხისმგებლობა ქართულად

როგორ ესმით ქართველ ბიზნესმენებს სოციალური პასუხისმგებლობა?

მაია ნიკლაური

იმის მრავალჯამიერი. ეკრანზე ხალი-სიანი კადრები ჩნდება. ომახიანი ხმა სა-ზეიმოდ გვამცნობს, რომ ფარმაცევტუ-ლი კომპანია ყველა ოჯახს, რომელსაც ხუთზე მეტი შვილი ჰყავს, საჭიროების მიხედვით დახმარებას გაუწევს. საჭიროა მხოლოდ რეგისტრაცია, იჩქარეთ!

საქართველოში, სადაც ბოლო მონა-ცემებით, მოსახლეობის ყველაზე დიდი პრობლემა უმუშევრობა და გაზრდილი ფასებია, კერძო კომპანიები საქველმო-ქმედო პროექტებში ყოველწლიურად მილიონობით ლარს ხარჯავენ. თუმცა, ქველმოქმედება ქართულად – ეს ჯერაც ჩამოუყალიბებელი სფეროა, სადაც ბიზ-ნესკომპანიებს სოციალური პასუხისმგე-ბლობა ბოლომდე გააზრებული არ აქვთ, თანხებს კი ხან ნაცნობობის, ხან შეცო-დების და ხანაც რელიგიური მოტივებით გასცემენ.

22 წლის ანა ასათიანი და მისი მეუღ-ლე დღემდე საკუთარი ძალებით ცდილო-ბენ წლინახევრის შვილის ნატალია სარ-დლიშვილის გადარჩენას. ბავშვს იშვიათი სისხლძარღვოვანი დაავადების ჰემანგიო-მის ყველაზე რთული ფორმა აქვს. სიმსი-ენე კანის ქსოვილებს აზიანებს და ნელ-ნელა მთელ სხეულს ფარავს. გერმანიაში მკურნალობის სრული კურსის დაფინან-სების საშუალება კი მშობლებს არ აქვთ.

„ყველაფერი გავეყიდეთ, რაც შეგვეძლო. საბანკო ანგარიში გავხსენით და სამივე სატელეფონო კომპანიასთან გავაფორმეთ ხელშეკრულება, აბონენტებმა ფულის გა-დმორიცხვა რომ შეძლონ. განცხადებები

ყველა მართლმადიდებლურ საიტზე გამო-ვაქვეყნეთ, ასევე – სოციალურ ქსელებში. ამ ეტაპზე გარკვეული თანხა შევიგრო-ვდა, თუმცა კიდევ ორი პროცედურა და-საფინანსებელი გვრჩება და უკვე ძალიან გვიჭირს თანხების მოძიება“, – გვიყვება ნატალიას დედა, ანა ასათიანი.

რადგან მისი ოჯახი სოციალურად დაუ-ცველ ფენას არ მიეკუთვნება, ანას არც უფიქრია, რომ შვილის გადარჩენას რო-მელიმე კერძო კომპანია ან ფონდი აიღებ-და საკუთარ თავზე. „სულ მგონია, რომ ეს კომპანიები მარტო უკიდურესად შეჭირ-ვებულ ადამიანებს ეხმარებიან. მე კი არ ვიცი, ვის მივმართო, ალბათ, მომიწევს, საითაოდ ჩამოვურეკო ყველა ბიზნეს-ორგანიზაციას და ვკითხო, აფინანსებენ თუ არა ამ პრობლემის მქონე პაციენტე-ბს“, – ამბობს ანა.

ანამ კომპანიებში დარეკვა რომც დაინდოს, სავარაუდოდ, კონკრეტული და თანმიმდევრული პასუხის მიღება გაუჭირ-დება. ქართული კომპანიების უდიდეს ნა-წილს პრიორიტეტული სფეროების ნუსხა განსაზღვრული არ აქვს.

„ზოგიერთები გარკვეულ ანგარიშებს კი აქვეყნებენ, მაგრამ ხალხმა არ იცის, რა შემთხვევაში ვის მიმართოს, ამიტომ ყვე-ლას ანუხებს ყველაფერზე და შედეგად გადანყვეტილების მიღება შიდა სამზა-რეულოში ხდება. კარგი იქნება, რომ კომ-პანიამ წინასწარ თქვას – მე დავაფინანსებ ამ მიმართულებას და ჰქონდეს კრიტე-რიუმები, რის მიხედვითაც ორგანიზაციე-ბს, ან ინდივიდუალურ პირებს დახმარე-

ბას გაუწევს“, – ამბობს კონსულტაციისა და ტრენინგის ცენტრის წარმომადგენელი თამარ ცირეკიძე.

კომპანია „ჯეოსელში“ ისევე, როგორც ბევრ სხვა კომპანიაში, გადანყვეტილებას იმის შესახებ, თუ ვინ დააფინანსონ, საკი-თხის მნიშვნელობის მიხედვით იღებენ.

„ძირითადად, ვირჩევთ რაიმე მნიშვნე-ლოვანს, რაც ქვეყნის განვითარებისთვის მნიშვნელოვანია და კონკრეტულ მომენტ-ში საზოგადოების აქტიური მხარდაჭერა სჭირდება“, – ამბობენ კომპანიის წარმო-მადგენლები.

კომპანიაში ამაყოფენ 12 წლის წინ მიწისძვრით დაზარალებულთა პროე-ქტი. მაშინ აბონენტებთან და თანამშ-რომლებთან ერთად კომპანიამ 6 ოჯახს შეუძინა ბინა. ერთ-ერთი მსხვილი პროე-ქტი იყო იყალთოს სამონასტრო კომპლე-ქსის აღდგენა. წელს „ჯეოსელის“ პრიო-რიტეტი შეზღუდული შესაძლებლობების მქონე პირების დახმარებაა. „მთავარია, რომ საქმე ვაკეთოთ ერთად“, – ასე ეს-მით სოციალური პასუხისმგებლობა „ჯე-ოსელში“ და გამუდმებით ცდილობენ, რომ მსგავს პროექტებში საზოგადოება აქტიურად ჩართონ. საკუთარ მომხმ-არებელს სატელევიზიო რეკლამებით, თუ ქუჩაში გამოკრული ბანერებით კომპანია სხვადასხვა პროექტის მხარდაჭერისკენ ხშირად მოუწოდებს.

საგანმანათლებლო თანამშრომლობისა და განვითარების მიერ 2003 წელს ჩატა-რებული კვლევის მიხედვით, კომპანიების უმრავლესობა, პირველ რიგში, სოციალუ-

რად დაუცველ ფენას – მზრუნველობა-მოკლებულ მოხუცთა და ბავშვთა თავშესაფრებს, ინვალიდ და ავადმყოფ პირებს და ეკლესიების მშენებლობას აფინანსებდა. ეს მდგომარეობა რადიკალურად დღესაც არ შეცვლილა. კომპანიები იშვიათად ინტერესდებიან კულტურისა და განათლების სფეროებით და დიდ ყურადღებას არც შეზღუდული შესაძლებლობების მქონე ადამიანებს აქცევენ. მათი პრიორიტეტი არც პრევენციული პროგრამების დაფინანსებაა, მაგალითად, ჯანდაცვაში და არც იმ არასამთავრობო და საზოგადოებრივი ორგანიზაციების მხარდაჭერა, რომლებიც სამოქალაქო განათლებაზე მუშაობენ.

კვლევაში მონაწილე ბიზნესმენები აცხადებენ, რომ არასამთავრობო ორგანიზაციებს არ ენდობიან და ამის მიზეზი ისაა, რომ მათ საქმიანობას კარგად არ იცნობენ. არც არასამთავრობო ორგანი-

ზაციებმა იციან, როგორ მიუდგნენ კერძო კომპანიებს და ამას თვითონვე აღიარებენ.

კონსულტაციისა და ტრენინგის ცენტრში ასეთ ორგანიზაციებს ტრენინგებს უტარებენ და ასწავლიან, როგორ მოიპოვონ ქართული კერძო კომპანიების ნდობა. „ბიზნესს მკაფიოდ და სხარტად უნდა აუხსნა, რას აკეთებ; უნდა დაამტკიცო, თუ რატომ სჯობია, შენ მოგცეს ფული კონკრეტული საქმის გასაკეთებლად, ვიდრე თვითონ დახარჯოს. ზუსტად უნდა განუმარტო, სად წავა მისი ფული. ძალიან ბევრი დეტალია, რომელსაც ცოდნა უნდა“, – ამბობს კონსულტაციისა და ტრენინგის ცენტრის სამოქალაქო განვითარების პროგრამის კონსულტანტი ნინო ლეჟავა.

ასოციაცია „ანიკა“, რომელიც შეზღუდული შესაძლებლობების მქონე პირების პრობლემებზე მუშაობს, დღემდე საერთაშორისო გრანტით არსებობს. რამდენიმე

მცდელობის მიუხედავად, ამ ორგანიზაციამ ქართველი ბიზნესმენების დაინტერესება ვერ შეძლო. „ბიზნესმენებისგან ხშირად პასუხიც კი არ მიგვიღია. პირველ პირებთან შეხვედრა ზოგადად ვერ ხერხდება და უარს დახმარებაზე მდივანი, ანდა რომელიმე საკონტაქტო პირი გვეუბნება. მხოლოდ ორჯერ მოვახერხეთ მათი მხარდაჭერის მიღება და ისიც, ნაცნობობის გზით. მაშინაც თანხა მწირი იყო და მხოლოდ ერთჯერადი პრობლემა მოგვიგვარა“, – ამბობს „ანიკას“ ხელმძღვანელი, ირინა ინსარაძე.

„ჩვენთან ასეთი მენტალობაა – უყვართ, რომ თვალეში უყურებენ მას, ვისაც ეხმარებიან. ანუ აუცილებლად ჩემს ყურამდე უნდა მოაღწიოს ვიღაცის გაჭირვებამ, რომ მე მას დავეხმარო. საზღვარგარეთ კი სხვაგვარად ხდება. ვისაც ფული აქვს და სხვისი დახმარება უნდა, თანხას პირდაპირ იმ ფონდში რიცხავს, რომელიც მის ინტერესებს შეესაბამება. ეს არაპირდაპირი დახმარების ფორმაა, მაგრამ კომპანიები დარწმუნებულები არიან, რომ მათი ფული გაჭირვებულ ადამიანამდე აუცილებლად მივა“, – ამბობს „თიბისი ფონდის“ ხელმძღვანელი მალხაზ ჩუგოშვილი.

ასეთი ფონდი, ერთ-ერთი გამოჩენილის სახით, თბილისში 2008 წელს შეიქმნა. „თიბისი ფონდის“ მიზანი აგვისტოს ომში დაზარალებულთა დახმარება იყო. დაახლოებით, 8 მილიონი ლარი იმ პირებისა და კომპანიების დახმარებით შეგროვდა, რომლებმაც თანხა ფონდში ჩარიცხეს. „ყველამ ზუსტად იცოდა, რომ თითოეული თეთრი მხოლოდ კონკრეტული სამიზნე ჯგუფის – 2008 წლის აგვისტოს დევნილების კეთილდღეობისთვის დაიხარჯებოდა“, – ამბობს მალხაზ ჩუგოშვილი.

თუმცა მსგავს პრაქტიკას დღეს ბევრი კომპანია არ იყენებს. კვლევებით დასტურდება, რომ ქართული ბიზნესსექტორის ნაწილს ტერმინი – სოციალური პასუხისმგებლობა ხშირად ესმის, როგორც მხოლოდ ქველმოქმედება და სოციალურად დაუცველი ადამიანების დახმარება.

ფარმაცევტული კომპანია „პე-ეს-პე“-ს საზოგადოებასთან ურთიერთობის სამსახურის ხელმძღვანელი მარიკა ლომთაძე ამბობს: „ჩვენი ინიციატივით მივდივართ

■ „ჩვენთან ასეთი მენტალობაა – უყვართ, რომ თვალეში უყურებენ მას, ვისაც ეხმარებიან. ანუ აუცილებლად ჩემს ყურამდე უნდა მოაღწიოს ვიღაცის გაჭირვებამ, რომ მე მას დავეხმარო. საზღვარგარეთ კი სხვაგვარად ხდება. ვისაც ფული აქვს და სხვისი დახმარება უნდა, თანხას პირდაპირ იმ ფონდში რიცხავს, რომელიც მის ინტერესებს შეესაბამება“.



ბავშვთა სახლებში, მოხუცთა თავშესაფრებში. ვეკითხებით, რა სჭირდებათ და მიგვაქვს შესაბამისი ინვენტარი. მთელი წლის განმავლობაში ჩვენთან მოსულ ინდივიდუალურ წერილებსაც განვიხილავთ და ვისაც ყველაზე მეტად სჭირდება დახმარება, ან რომელი პროექტიც მოგვეწონება, იმას ვაფინანსებთ“.

მისი კომპანია ცდილობს, წინასწარ განსაზღვროს, რა თანხას გამოყოფს ამა თუ იმ სამედიცინო პროექტის დასაფინანსებლად, მაგრამ ხშირად საქველმოქმედო ბიუჯეტის გაზრდა უწევს, რადგან, როგორც თავად ამბობენ, დახმარების მომლოდინე ადამიანების წერილებს უპასუხოდ ვერ ტოვებენ. მხოლოდ 2010 წელს ქველმოქმედებაზე „პე-ეს-პე“-მ 1 მილიონ 21 ათასი ლარი დახარჯა, მაგრამ თავშესაფრებისა და ბავშვთა სახლების მონახულების შემდეგ, ამ თანხის დიდი ნაწილი სწორედ წინასწარ დაუგეგმავ ქველმოქმედებას მოხმარდა.

„პე-ეს-პე“-სთვის ისევე, როგორც კერძო კომპანიების უმრავლესობისთვის, კიდევ ერთი პრიორიტეტი ქველმოქმედებისას მართლმადიდებელი ეკლესიის დაფინანსებაა. თუმცა, დასავლური ქვეყნებისგან განსხვავებით, საქართველოში რელიგიური ქველმოქმედება, ძირითადად, ახალი ეკლესია-მონასტრების მშენებლობაში ჩართვას ნიშნავს. მაგალითად, მახათას მთაზე სამონასტრო კომპლექსის მშენებლობაში, რომელიც საქართველოს პატრიარქის ილია მეორის ლოცვა-კურთხევით შენდება, თითქმის ყველა მსხვილი კომპანია მონაწილეობს – „ვისოლი-სა“ და „ვი-თი-ბი ბანკის“-ის ჩათვლით. თითოეული მათგანი ამბობს, რომ „მადლიან, ისტორიულ საქმეში“ საკუთარი წვლილი შეაქვს.

„სასულიერო პირები არ მოდიან და არ ითხოვენ დახმარებას. ზოგჯერ ფონდები გვთხოვენ და ვესმარებით. ეკლესია საერთოდ ისეთი რალაცაა, თუ გაიგებ, რომ შენდება და სჭირდება მხარდაჭერა, ადგები და დაესმარები“, – ასაბუთებს საკუთარი კომპანიის გადანყვეტილებას „პე-ეს-პე“-ს წარმომადგენელი მარიკა ლომთაძე.

თუმცა, მკვლევრებს მიაჩნიათ, რომ ეკლესია-მონასტრების მშენებლობის და-

ფინანსება რელიგიური ქველმოქმედების ყველაზე მარტივი ფორმაა.

წინო ლეჟავა ამბობს: „ეკლესიის მშენებლობისთვის ფულის გაღება ერთგვარ ინდულგენციის ფორმად იქცა და ქველმოქმედებად ითვლება. ეკლესიაც, თავის მხრივ, ძირითადად, ამ ტიპის ქველმოქმედებას უჭერს მხარს. ეს ისაა, რაც ზედაპირზევე დევს და აშკარად ჩანს. საინტერესოა, რატომ ურჩევნიათ ამ ადამიანებს, ეფემერული საქმე, მორიგი ახალი ეკლესიის მშენებლობა დააფინანსონ, ვიდრე ბევრად უფრო კონკრეტულ ხელშესახებ პროექტში ჩადონ ფული, ისევე და ისევე მრევლის საკეთილდღეოდ? ეკლესიაში ხომ თუნდაც უამრავი მარტოხელა დედა დადის, არის ბევრი გაჭირვებული ოჯახიც, რომელთათვისაც, მაგალითად, სოციალური ცენტრის აშენება შეიძლება“.

რას ნიშნავს ტერმინი სოციალური პასუხისმგებლობა და რა კომპონენტებისგან შედგება ის?

საქართველოს სტრატეგიული კვლევებისა და განვითარების ცენტრის კვლევაში გამოკითხული ბიზნესმენების 29 პროცენტს ამ კითხვაზე პასუხი არ აქვს. დანარჩენი რესპონდენტები სოციალურ პასუხისმგებლობას განიხილავენ, როგორც თანამშრომლების მიმართ პასუხისმგებლობას, გადასახადების გადახდას, ბიზნესის გამჭვირვალობას. მხოლოდ ბიზნესმენთა მცირე ნაწილი ფიქრობს, რომ სოციალური პასუხისმგებლობა სოციალური სფეროს დაფინანსებას, საზოგადოებაზე ზრუნვას, დასაქმების პრობლემის მოგვარებას გულისხმობს.

„დღევანდელ მსოფლიოში წარმატებული ბიზნესისათვის აღარაა საკმარისი გადასახადების გადახდა, თანამშრომლებისათვის კარგი ხელფასის და აქციონერებისთვის კარგი შემოსავლის უზრუნველყოფა. საზოგადოება ბიზნესისგან უფრო გლობალურ სოციალურ, ეკონომიკურ და ეკოლოგიურ პროცესებზე ზეგავლენის მოხდენას, საზოგადოების პრობლემების გადანყვეტაში მონაწილეობას ელის“, – წერია სტრატეგიული კვლევებისა და განვითარების ცენტრის კვლევის ანალიზში.

მიუხედავად იმისა, რომ ქართული კომპანიების დიდ ნაწილს სოციალური

ფილანსტიკა



ფილანტროპია სიტყვასიტყვით ჰუმანურობის სიყვარულს ნიშნავს. თანამედროვე პრაქტიკაში კი ეს ტერმინი აღნიშნავს „კერძო ინიციატივებს, რომლებიც საზოგადოების კეთილდღეობისა და ცხოვრების ხარისხის ამაღლებასკენ არის მიმართული“. ფილანტროპია ფულის, დროის, ცოდნისა თუ სხვა ფასეულობათა გაცემის ტრადიციას ეფუძნება.

მისი ერთ-ერთი ფორმაა ქველმოქმედება, რაც უანგარო სიკეთის კეთებას გულისხმობს.

კიდევ ერთი ფორმაა მეცენატობა, რომელიც განსაკუთრებული ნიჭისა და მონაცემების მქონე პიროვნებების ხელშეწყობას გულისხმობს. წინათ მეცენატები ხშირად მეფეები და არისტოკრატიული ფენის წარმომადგენლები იყვნენ. დღეს კი მეცენატობამ სტიპენდიის სახე მიიღო.

ფილანტროპიის ერთ-ერთი სახეა ასევე მსახურება, დღევანდელი გაგებით კი, მოხალისეობა, რაც ცოდნისა და დროის უანგარო გაღებას გულისხმობს.

გაცემისა და დახმარების ყველაზე თანამედროვე ტრადიციას კორპორაციული ფილანტროპია, რომელიც ორგანიზებულ ხასიათს ატარებს და როგორც სამართლებრივად, ისე სტრუქტურულად კომერციულ სამყაროსთანაა კავშირში. ფილანტროპიის ეს ფორმა საზოგადოების მრავალმხრივი საქმიანობებისკენაა მიმართული, როგორცაა სოციალური საკითხების მოგვარება, გარემოს დაცვა, საზოგადოების ცხოვრების დონის ამაღლება.

მომზადებულია სახელმძღვანელოს „ფილანტროპია თეორია და პრაქტიკა“ მიხედვით

ფილანთროპია ბაჩანიში



ქველმოქმედების განევა ნებისმიერი გერმანელისათვის ერთიანობის, სახელმწიფოებრივი არსებობის, საზოგადოებრივი თანაცხოვრების აუცილებლობაა. სოციალური პასუხისმგებლობა და გერმანული საზოგადოების განვითარებაზე ზრუნვა საკუთარ თავზე საქველმოქმედო ფონდებმა აიღეს. ყველა ფონდი გერმანიაში საქველმოქმედო კავშირშია გაერთიანებული, რომელიც, თავის მხრივ, სფეროების მიხედვით, ქვესტრუქტურებად იყოფა. გერმანული საქველმოქმედო კავშირი ნ სფეროში მომუშავე ორგანიზაციებს აფინანსებს. მათ შორისაა რელიგიური და სამეცნიერო მიზნებისათვის განსაზღვრული ფონდები.

ფონდები ფედერაციულ დონეზეც დაყოფილია და პრიორიტეტებსაც იქ არსებული პრობლემების მიხედვით განსაზღვრავენ. სხვადასხვა კომპანიები გემოურად მუშაობენ საზოგადოების განვითარებაზე. შესაძლოა, ყველაზე პრიორიტეტული ერთ რეგიონში იყოს განათლება, ნიჭიერი ახალგაზრდების მხარდაჭერა, მეორე რეგიონში - ჯანდაცვა, სხვაგან - გარემოს დაცვა და ა.შ. გერმანული ფონდები მათი საზოგადოებისათვის მნიშვნელოვანი ღირებულებების განსამტკიცებლად პროგრამებს სხვა ქვეყნებშიც აფინანსებენ.

გერმანული კომპანიების მიერ ქველმოქმედებისთვის გაღებული სახსრები გადასახადისგან თავისუფლდება.

მომზადებულია სახელმძღვანელოს „ფილანთროპია თეორია და პრაქტიკა“ მიხედვით

პასუხისმგებლობა ვინაობა და სწორხაზოვნად ესმის, მათი მცირე ნაწილი მაინც ცდილობს, საკუთარ საქმიანობაში სოციალური პასუხისმგებლობის კომპონენტები შეიტანოს. მაგალითად, კომპანია „ვისოლი ჯგუფს“ სოციალური პასუხისმგებლობის მენეჯერის თანამდებობაც კი აქვს. ამბობენ, რომ მათთვის სოციალური პასუხისმგებლობაა „ბაზარსა და მომხმარებლებზე, თანამშრომლებზე, ჯანდაცვაზე, გარემოს დაცვაზე და ბიზნეს-პარტნიორებზე ზრუნვა“. თუმცა, პრაქტიკაში აქცენტს სპორტზე, ეკლესიების მშენებლობაზე და სოციალურად დაუცველი ბავშვების დახმარებაზე აკეთებენ.

„ვისოლი“ ფეხბურთისა და რაგბის გუნდებს აფინანსებს. ჩვენი კომპანია ასევე ფონდ „იანანას“ მხარდაჭერია. ვაფინანსებთ მართლმადიდებელი ეკლესიების რეკონსტრუქციას და მშენებლობას და მხარს ვუჭერთ დიპტიხან ბავშვთა დაცვის ასოციაციას“, - ამბობს „ვისოლის“ საზოგადოებასთან ურთიერთობის სამსახურის ხელმძღვანელი რუსუდან კბილაშვილი.

სხვა ქართული კომპანიებისგან განსხვავებით სოციალური პასუხისმგებლობის მიმართ განსხვავებული მიდგომა აქვს კომპანია „ბიპი საქართველოს“, რომელიც საერთაშორისო კომპანიაა.

„სოციალური პასუხისმგებლობა „ბიპი“-ს და მისი პარტნიორების ბიზნეს-საქმიანობის შემადგენელი ნაწილია. სოციალური განვითარების ინიციატივების საშუალებით ხელს ვუწყობთ საზოგადოების შესაძლებლობების ზრდას და ქვეყნის წარმატებას“, - ამბობს „ბიპი საქართველოს“ სოციალური პასუხისმგებლობის მენეჯერი რუსუდან მეძმარიაშვილი და აცხადებს, რომ „ბიპი“ გამოკვეთილად ოთხი სახის პროექტს აფინანსებს: ბიზნესის ხელშეწყობა, მოსახლეობის ენერგეტიკული რესურსებით უზრუნველყოფა, განათლება და კულტურული მემკვიდრეობის დაცვა. სანამ წლის ბიუჯეტს დაგეგმავენ, კომპანია სახელმწიფო სტრუქტურებთან ერთად არკვევს, რა პრიორიტეტები არსებობს და სადაა საჭირო დახმარება. ამავ დროს „ბიპი“ ერთადერთი კომპანიაა, რომელსაც ხელი-სუფლებასთან გაფორმებული სპეციალუ-

რი ხელშეკრულების საფუძველზე, ქველმოქმედებისთვის გამოყოფილი ფული არ ებეგრება.

ქართულ კომპანიებს კი საქველმოქმედო პროექტების სწორად დაგეგმვაში საგადასახადო სისტემაც უშლის ხელს. მაშინ, როცა დასავლურ ქვეყნებში ქველმოქმედებაზე გადასახადები საერთოდ გაუქმებულია, საქართველოში ბიზნესმენებს საგადასახადო შეღავათით სარგებლობა მხოლოდ გარკვეულ შემთხვევებში შეუძლიათ.

თუ კომპანია საქველმოქმედო სტატუსის მქონე ორგანიზაციას ეხმარება, მას შეუძლია, თანხა გასცეს დასაბეგრი მოგების 10 პროცენტის ფარგლებში და ის ხარჯად აღიაროს. ხოლო თუ 10 პროცენტს გადააჭარბებს - ეს შეღავათი არ იმოქმედებს.

მაგალითად, თუ თქვენი შემოსავალი 100 ლარია და 10 ლარი, ანუ 10 პროცენტი გაეცით ქველმოქმედებისთვის, ეს თანხა შეგეძლებათ, ხარჯად აღიაროთ. ხოლო, თუ უკვე 11 ლარი გაეცით, მაშინ დამატებით 1 ლარზე ანუ 1 პროცენტზე შეღავათი აღარ გავრცელდება.

თუ რომელიმე კომპანია ისეთ პირს, ან ორგანიზაციას ეხმარება, რომელსაც საქველმოქმედო სტატუსი არ აქვს, მისი ქველმოქმედება საშემოსავლო გადასახადით, 20 პროცენტით იბეგრება.

მაგალითად, თუ ნატალია სარდლიშვილს ტელეფონით ერთ ლარს გადაურიცხავთ, სახელმწიფო ამ თანხიდან სატელეფონო კომპანიას 20 თეთრს დაუბეგრავს. მეორე საკითხია, რომ კლიენტთან დადებული ხელშეკრულებით სატელეფონო კომპანიები საშემოსავლო გადასახადის გარდა მომსახურების საფასურსაც იტოვებენ. „ბილიანი ერთი ლარიდან 25 თეთრს, მაგთი - 40 თეთრს, ჯეოსელი კი - 46 თეთრს ქვითავს“, - ამბობს ნატალიას დედა. თქვენ თუ გეცოდინებათ, რომ თქვენი გადარიცხული ლარიდან მაქსიმუმ 75 თეთრი, მინიმუმ კი 54 თეთრი მიდის ადრესატამდე, შესაძლოა, აღარც მოგინდეთ დახმარება. ასევეა ბიზნესმენების შემთხვევაშიც.

„ზოგადად, ქვეყანაში საგადასახადო კანონმდებლობა იმდენად ბუნდოვანია, რომ შეიძლება, ქველმოქმედების კეთება



არც მოგინდეს. მაგალითად, როცა გგონია, რომ ყველაფერს კანონის შესაბამისად აკეთებ, მოდის საგადასახადოს ინსპექტორი და სულ სხვა ინტერპრეტაციას უკეთებს იმავე კანონს. ეს არის კოდექსის ბუნდოვანება, რის გამოც ინტერესი, რომ ვილაცას დაეხმარო, გეკარგება, რადგან კანონი შელავათს არ გაძლევს“, – ამბობს „თიბისი ფონდის“ ხელმძღვანელი მალხაზ ჩუგოშვილი.

თუმცა ბიზნესობიექტის გიორგი პერტაია კანონმდებლობის ხარვეზს ვერ ხედავს და აცხადებს, რომ თუკი, ბიზნესმენს ქველმოქმედებისთვის თანხების გაღება სურს, შესაბამის გადასახადებსაც უნდა იხდიდეს, რადგან ამით რეკლამას იკეთებს.

„სოციალური პასუხისმგებლობის თემას ბიზნესში საერთაშორისო არასამთავრობო ორგანიზაციები ლობირებენ. თუმცა ბიზნესის მთავარი იდეაა, ნაკლები დანახარჯებით დიდი მოგება მიიღოს. თუ ბიზნესი ახორციელებს ქველმოქმედებას, ეს მისი მარკეტინგის ნაწილია. შესაბამისად ქველმოქმედება ბიზნესში, როგორც დამოუკიდებელი ცნება, არ არსებობს. სანაცვლოდ, კომპანია ყოველთვის იღებს რალაცას და მან ბიუჯეტიც უნდა ასარგებლოს“, – ამბობს გიორგი პერტაია.

პერტაიას თქმით, ბიზნესმენებს არც ერთ შეხვედრაზე არ დაუყენებიათ საგადასახადო შელავათების გაზრდის საკითხი. თუმცა, ამ ფონზე, კონსულტაციისა და ტრენინგის ცენტრში ფიქრობენ, რომ მნიშვნელოვანია, გაივლოს ზღვარი სპონსორობას, როგორც მარკეტინგის ფორმასა და ფილანტროპიას შორის. ბევრ დასავლურ ქვეყანაში მარკეტინგის სამსახური და სოციალური პასუხისმგებლობის სამსახური დამოუკიდებელი სტრუქტურებია, დამოუკიდებელი ბიუჯეტით. ქართულ კომპანიებში კი სოციალურ პასუხისმგებლობას მარკეტინგის განყოფილებები ითავსებენ. როგორც ჩანს, მათთვის სოციალური პასუხისმგებლობა დიდწილად პიარის საშუალებაა, ზოგჯერ კი უფასო პიარისაც – განსაკუთრებით მაშინ, თუ მათი დახმარების აქციებს წამყვანი ტელემარკეტინგის სპეციალური სოფტვებზე აშუქებენ. **■**

ქველმოქმედების ხაზობიჯი მოხიჯი



ქველმოქმედების მთავარ მოტივად ყველა ქვეყანაში რელიგია ითვლება. „სიკეთის ქმნას“ თითქმის ყველა რწმენა ქადაგებს და გაცემაც რელიგიურად კეთილშობილსაქმედება მიჩნეული. მაშინ, როცა ამერიკული სახელმწიფო ყალიბდებოდა, ადამიანები ერთმანეთის დასახმარებლად ერთიანდებოდნენ და პირველ ფონდებს ქმნიდნენ. მათ შორის იყო რელიგიური ფონდებიც.

თავიდან გაჭირვებული ადამიანების დახმარებასთან ერთად, რელიგიური ფონდების ერთ-ერთი მთავარი საქმიანობა ეკლესიების მშენებლობა და მათი რწმენის გავრცელება იყო, თუმცა რელიგიურმა ლიდერებმა თავიანთი დამოკიდებულება თანდათან შეცვალეს და საქველმოქმედო სფეროები გააფართოეს. დღეს უკვე მთელ მსოფლიოში მათი წვლილი სხვადასხვა მიმართულებით

საკმაოდ დიდია. მაგალითად, კათოლიკური ინსტიტუტი „მონაწილეთა ძმები“ (Brothers of Charity), რომელიც მე-19 საუკუნის დასაწყისიდან არსებობს, დღეს საქველმოქმედო მისიას 30-მდე ქვეყანაში ასრულებს. მათი ძირითადი მიზანი მოხუც ადამიანებზე და შეზღუდული შესაძლებლობების მქონე პირებზე ზრუნვა, განათლება და ჯანმრთელობის დაცვაა. მათი რეკომენდაციები გაითვალისწინა ბელგიამ დაწყებითი და საშუალო განათლების სისტემის დაგეგმვისას.



ბათუმი

ხობოხი დაჯახბოთ 7 მიციონი

კომპი, რომლის აშენებაც ბათუმის ადგილობრივ ბიუჯეტს 18.5 მილიონი ლარი დაუჯდა, თვითმმართველობამ 11 მილიონ ლარად გაყიდა. 7,5-მილიონიანი დანაკლისის მიუხედავად, ბათუმის საკრებულოს თავმჯდომარე გიორგი კირთაძე ამტკიცებს, რომ ქალაქის თვითმმართველობის წარმომადგენლები „ცუდი ბიზნესმენები არ არიან“.

მანანა ვარდიამილი

ბათუმში, პორტიდან რამდენიმე ასეულ მეტრში ახლად გარემონტებული, ევროპული სტილის კვადრატული მოედანია – ბათუმის პიაცა. პიაცას გარშემო ერთი ლამაზი კომპი და რამდენიმე საშუალო სიმაღლის შენობა დგას. მოედანი ადგილობრივი და ცენტრალური ხელისუფლების სიამაყის ობიექტია. გასული წლის შემოდგომაზე პლასიდო დომინგოს კონცერტი სწორედ აქ გაიმართა, როგორც შავი ზღვისპირეთის ყველაზე ევროპულ ადგილას.

იქ, სადაც ახლა პიაცაა, ორიოდე წლის წინ უღიმღამო ხის სახლები და ბათუმის მე-3 საჯარო სკოლა იდგა. პიაცას მოედნისა და კომპის მშენებლობა 2008 წელს დაიწყო. ბათუმის მერი და საკრებულოს თავმჯდომარე კომპის შენობაში მუნიციპალური სასტუმროს გახსნას აპირებდნენ. თუმცა, ბათუმის საკრებულოს თავმჯდომარე გიორგი კირთაძე ახლა ამბობს, რომ „მუნიციპალური სასტუმროს მართვამდე ჯერ კიდევ შორი გზაა გასავლელი.“ ბათუმის თვითმმართველობამ პიაცას გასხვისება გადაწყვიტა.

პიაცაზე ბათუმის საკრებულომ პირობიანი აუქციონი გამოაცხადა. პიაცას კომპის კუთვნილი 3745 კვადრატული მეტრი ფართი 11 ნაწილად დაიყო. თუმცა აუქციონი 1 ლოტზე გამოცხადდა.

აუქციონის პირობის თანახმად, ახალმა მეპატრონემ პიაცას შენობაში სასტუმრო უნდა გახსნას და სასტუმროსთან ფუნქციურად დაკავშირებული ობიექტები (კაფე-ბარი, რესტორანი, სამორინე, მაღაზია და საგამოფენო დარბაზი) მოაწყოს. მყიდველი ვალდებულია, საკუთრებაში

გადაცემული შენობა-ნაგებობის იერსახე შეინარჩუნოს და კომპზე დამონტაჟებული საათის გამართული მუშაობა უზრუნველყოს. მასვე ევალება მოედანზე განთავსებული არქიტექტურული ელემენტების მოვლა-პატრონობაც.

გარდა ამისა, თუ სახელმწიფო, აჭარის ავტონომიური რესპუბლიკის მთავრობა ან ბათუმის თვითმმართველობა რაიმე ლონსიძიებას დაგეგმავს, პიაცას ახალი მეპატრონე ვალდებულია, მის საკუთრებაში გადაცემული შენობა-ნაგებობების პირველი სართულის ღია სივრცე მათ წელიწადში სამჯერ უსასყიდლოდ დაუთმოს.

პიაცას კომპის გასხვისების თაობაზე აუქციონი 2011 წლის 17 მარტს ჩატარდა. კომპის საწყისი გასაყიდი ფასი 10 მილიონ 900 ათასი ლარი იყო. აუქციონში სულ ერთი კომპანია მონაწილეობდა. შპს „პიაცა ჰოლდინგმა“ 100 ათასი ლარით მეტი – 11 მილიონი ლარი გადაიხადა და პიაცას კომპის მფლობელი გახდა.

შპს „პიაცა ჰოლდინგის“ 100%-ანი წილის მფლობელი და დირექტორი ირაკლი სამხარაძეა. საჯარო რეესტრში წარდგენილი საბუთების მიხედვით, სამხარაძის წარმომადგენელი ქუთაისში, ჭყონდიდელის ქუჩა N57-ში მცხოვრები ვინმე ანრი ხონელიძეა. რეესტრში არსებული მონაცემებით ირკვევა, რომ „პიაცა ჰოლდინგის“ საქმიანობის მთავარი სფერო უძრავი ქონების ფლობა, იჯარით გაცემა, სასტუმროების, რესტორნების და სათამაშო ბიზნესის ორგანიზებაა.

ირაკლი სამხარაძე რუსეთის მოქალაქეა. მის შესახებ ინტერნეტში მწირი ინფორმაცია იძებნება. ამ ინფორმაციის

თანახმად, ის მოსკოვში ცხოვრობს და ბიზნესსაც იქვე აწარმოებს. ირაკლი სამხარაძის კომპანია რკინისა და მეტალურგიატმასის პროდუქციის საბითუმო ვაჭრობას ეწევა.

„გაიყიდა პიაცას შენობის ნაწილი, კომპი, რომლის ფართიც 3745 კვ მეტრია. იქ კიდევ არის 2100 კვ მეტრი ფართი, რომელიც კერძო საკუთრებაა. პიაცას მოედანი თვითმმართველობის საკუთრებაში დარჩა,“ – განმარტავს გიორგი კირთაძე, ბათუმის საკრებულოს თავმჯდომარე, – „1 კვ. მეტრი 3 000 ლარად გაყიდეთ, მაშინ, როცა 1 კვ. მეტრის მშენებლობა ბათუმის ბიუჯეტს 2780 ლარი დაუჯდა. ამ კუთხით თუ მივუდევებთ, ცუდი ბიზნესმენები არა ვართ“.

შპს „პიაცა ჰოლდინგი“ აუქციონამდე სულ ცოტა ხნით ადრეა დარეგისტრირებული, თუმცა, ამას კომპანიისთვის პრობლემა არ შეუქმნია: „ადამიანმა გადაწყვიტა პიაცას ყიდვა. სპეციალურად ამ მიზნით დააფუძნა შპს და შემდეგ ამ შპს-თი შეიძინა ქონება. რა არის ამაში გასაკვირი?“ – კითხულობს კირთაძე.

უცნობია, აქვს თუ არა პიაცას ახალ მფლობელს მსგავსი ბიზნესის მართვის გამოცდილება. „ეს იყო პირობიანი აუქციონი. აუქციონს მოიგებდა ის, ვინც უფრო მეტ თანხას გადაიხდიდა. მოიგო იმ ადამიანმა, ვინც ჩვენ მიერ დასახელებული თანხა გადაიხადა. პირობიანი აუქციონი ამ ბიზნესმენის წარსული საქმიანობის და გამოცდილების გარკვევას არ გვავალდებულებდა,“ – ამბობს ბათუმის საკრებულოს თავმჯდომარე.


პიაცას მშენებლობა 2010 წლის ოქტომ-

ბერში დასრულდა. კოშკის გაყიდვის თაობაზე პირობიანი აუქციონი 2011 წლის 1 მარტს გამოცხადდა. 15 დღეში აუქციონი ჩატარდა და კოშკი პირველივე ბიჯის შემდეგ გაიყიდა. აუქციონის ჩატარების შესახებ განცხადება მხოლოდ გაზეთ „აჭარაში“ დაიბეჭდა. ამ გაზეთის ტირაჟი 1000 ცალია და ის მარტო აჭარაში ვრცელდება. ბათუმის საკრებულოს დეპუტატების ნაწილის თქმით, პიაცას კოშკი ისე გაიყიდა, რომ მათ ამის შესახებ მხოლოდ მიღებული გადაწყვეტილების შემდეგ გაიგეს.

„გახსოვთ, ალბათ, როგორი რეკლამა ჰქონდა თავის დროზე ბათუმის პიაცას. თუ ევროპაში მისი მსგავსი შენობა არ არსებობს, რატომ ვიჩქარეთ? დაგვეზადებინა სარეკლამო რგოლი და პიაცას გაყიდვის თაობაზე ინფორმაცია საერთაშორისო საზოგადოებისთვის მიგვეწოდებინა,“ – ამბობს საკრებულოს „რესპუბლიკელი“ წევრი ირაკლი ჩავლეიშვილი.

ჩავლეიშვილი პიაცას დაჩქარებულად გასხვისების მოტივს ასე ხსნის: „პიაცას „მოულოდნელ“ გაყიდვას აქვს მარტივი მიზეზი – მისი რეალური მყიდველი ხელისუფლების მაღალჩინოსანთა ჯგუფია. ეს პირველი შემთხვევა არაა, როცა ხელისუფლებაში მყოფი ადამიანები ბიუჯეტის ფულით აშენებულ ძვირადღირებულ პროექტებს შემდეგ იაფად ყიდულობენ. ახლა უნდათ დაგვარწმუნონ, რომ ამაზე სარფიანი გარიგება დედამიწაზე ჯერ არ განხორციელებულა, არადა კოშკი 7,5 მილიონი ლარით ნაკლებად გაყიდეთ“.

შპს „პიაცა ჰოლდინგმა“ აუქციონის პირობების თანახმად, 10,5 მლნ ლარი ეტაპობრივად, 2011 წლის ბოლომდე უნდა გადაიხადოს, 500 000 ლარი კი 2012 წელს. კომპანიამ უპირობო და გამოუხმობი გარანტიის სახით 200 000 ლარი უკვე გადაიხადა. „პიაცა ჰოლდინგთან“ ხელშეკრულება ამ დღეებში ფორმდება. ახალი მფლობელის საინვესტიციო ვალდებულებაც ხელშეკრულების გაფორმების პროცესში დაზუსტდება.

პიაცას გაყიდვიდან მისაღები 11 მილიონი ლარი ბათუმის 2011 წლის ბიუჯეტის ხარჯვით ნაწილში უკვე ასახულია. ეს თანხა ბათუმის რეაბილიტაციის და ტურისტული ინფრასტრუქტურის განვითარების პროექტებს უნდა მოხმარდეს. 



ძველი თბილისი

ისტორიანი მოედნის ბაუხივები მომავალი

თბილისის მერიამ გუდიაშვილის მოედნით დაინტერესებული ინვესტორი იპოვა. „ტფილისის ჰამქარში“ შიშობენ, რომ მერია კულტურული ძეგლებს მათი დანგრევის უფლებით ჰყიდის.

ნათია ახალაშვილი



გუდიაშვილის მოედანი №2 – მე-19 საუკუნის შენობა, რომელშიც სხვადასხვა დროს იყო ოფიცერთა სასტუმრო, პაუპტვახტი, გამომცემლობა, ბოლოს კი – „ლიტერატურული საქართველოს“ რედაქცია.

ფოტო: მარიამ კორიაშვილი

მიტოვებული, ცარიელი სახლების ფანჯრებს ქარი აბრახუნებს, ოთახებში გამხმარ ფოთლებთან ერთად წვიმაც აღწევს. შენობები, რომელიც ძველი თბილისის ცენტრში, გუდიაშვილის მოედნის გარშემო დგას, ჩამოშლის საფრთხის წინაშეა. ყველა მათგანი კულტურული მემკვიდრეობის ძეგლთა ნუსხაშია შეტანილი.

გუდიაშვილის ბაღის გარშემო სახლები 2007 წელს დაცარიელდა – მას შემდეგ, რაც მოედანზე მდებარე 6 ძეგლი მერიის მიერ დაფუძნებულ არასამეწარმეო

იურიდიულ პირს (ააიპ) „ძველი თბილისის რეაბილიტაციისა და განვითარების ფონდს“ გადაეცა. წესდების მიხედვით, ფონდის ფუნქციაა „ძველი თბილისის რეაბილიტაცია და ქალაქში განსახორციელებელი სხვადასხვა სარეაბილიტაციო-სამშენებლო სამუშაოებში მონაწილეობა“.

მას შემდეგ, რაც ნაგებობების ძირითადი ნაწილი კერძო მეპატრონეებისგან იყიდა, რამდენიმე მათგანი კი პირდაპირ სახელმწიფოსგან მიიღო, ფონდმა შენობების რესტავრაცია-რეაბილიტაციის

პროექტები სხვადასხვა ორგანიზაციას დაუკვეთა. დასკვნებმა აჩვენა, რომ ყველა ნაგებობის კონსტრუქციულად გამაგრება შესაძლებელი იყო. მხოლოდ ერთი შენობის (აბო თბილელის №3/8) ერთი ნაწილი საჭიროებდა დაშლასა და აღდგენას.

მოედნის ყველაზე ძველი და მნიშვნელოვანი ნაგებობის (გუდიაშვილის მოედანი №2) და აბესაძის 23/1-ში მდებარე შენობის პროექტები ძეგლთა დაცვის საერთაშორისო ორგანიზაცია „იკომოსის“ საქართველოს წარმომადგენლობაში გაკეთდა.

„მართალია, ეს სახლები სერიოზულ კონსტრუქციულ ჩარევას საჭიროებდა, თუმცა, ჩვენი პროექტის თანახმად, ორივე ძეგლის შენარჩუნება თავისუფლად შეიძლებოდა, თუ იქ გამაგრებისა და რესტავრაციის სამუშაოები ჩატარდებოდა“, – იხსენებს „იკომოსის“ საქართველოს წარმომადგენლობის გენერალური მდივანი, არქიტექტორ-რესტავრატორი ნატო ცინცაბაძე.

„იკომოსისა“ და სხვა ორგანიზაციების პროექტები ოთხი წლის შემდეგაც პროექტებად რჩება, ფონდს მათი რეალიზაციის პროცესი არ დაუწყია.

„მთავრობის მიზანი იყო, ეს უნიკალური მოედანი ისეთივე სივრცედ ექცია, როგორც, მაგალითად, შარდენის ქუჩაა. უნდოდათ, აქაურობა ჯერ კარგად „შეეფუთათ“ და შემდეგ კი სარფიანად გაეყიდათ. თუმცა, მალე დაიწყო ფინანსური კრიზისი, შემდეგ – ომი და ეს პროექტი შეფერხდა“, – იხსენებს თბილისზე მზრუნველთა გაერთიანება „ტფილისის ჰამქრის“ ერთ-ერთი წარმომადგენელი ალექო ელისაშვილი.

იმის გამო, რომ რესტავრაცია დაგვიანდა და დაუსახლებელ შენობებს წლების განმავლობაში არავინ უვლიდა, დღეს ეს ნაგებობები უკვე საგანგაშო მდგომარეობაშია.

„რამდენჯერმე მივმართეთ ფონდს და ვთხოვდით, გადაუდებელი სამუშაოები ჩატარებინათ. გვპირდებოდნენ, მალე დაიწყებოდა, მაგრამ არაფერი გაკეთებულა“, – ამბობს ნატო ცინცაბაძე.

ნაგებობების შენარჩუნებისთვის მართლაც, არაფერი გაკეთებულა. თუმცა

კულტურული მემკვიდრეობის ეს ძეგლები ფონდმა თანხების მოსაძიებლად გამოიყენა. საჯარო რეესტრის მონაცემებიდან ჩანს, რომ ფონდის კუთვნილი გუდიაშვილის მოედნის რამდენიმე შენობა წლებია, და დღესაც, იპოთეკითა დატვირთული. 2008-2009 წლებში ეს ქონება ჯერ „საქართველოს ბანკში“ იყო დაგირავებული, 2009 წლის ივლისიდან კი – „ქართუ ბანკში“.

ბანკის სასარგებლოდ ქონება იპოთეკით მაშინ დაიტვირთება, თუ კლიენტი ისეთი საბანკო პროდუქტით სარგებლობს, რომელიც მის ვალდებულებას წარმოშობს ბანკის მიმართ. ეს შეიძლება იყოს სესხი, ოვერდრაფტი, საბანკო გარანტია და ა.შ. გამოდის, რომ ფონდმა საბანკო პროდუქტით ისარგებლა, გუდიაშვილის მოედნის შენობები კი ვალდებულების უზრუნველყოფისთვის გამოიყენა.

„ეს სახლები ჩადეს ბანკში. სად წავიდა ეს თანხები, ვერ ვიგებთ. ფაქტია, რომ ამ შენობებს ერთი თეთრიც არ მოხმარებია“, – ამბობს ალექო ელისაშვილი. ფონდში ამ თემაზე კონკრეტულ პასუხს ერიდებიან და აცხადებენ, რომ „ამ შენობების იპოთეკით დატვირთვა დიდი ისტორიაა“. ფონდის მთავარი არქიტექტორის, მანუჩარ მახათაძის თქმით, იპოთეკა რამდენიმე დღეში მოიხსნება.

2011 წლის მარტში ძეგლებმა კიდევ ერთხელ შეიცვალეს მფლობელი. ძველი ქალაქის რეაბილიტაციისა და განვითარების ფონდმა შენობები უსასყიდლოდ გადასცა თავისსავე დამფუძნებელს – თბილისის მერიას. თუმცა, თვითონ პროცესიდან არ გასულა. ის გუდიაშვილის ბაღის მიმდებარე ტერიტორიის პროექტში შეცვლილი სახელით კვლავაც რჩება – რამდენიმე ხნის წინ აიპო – „თბილისის განვითარების ფონდი“ კვლავაც თბილისის მერიამ და მასთან ერთად „ძველი ქალაქის რეაბილიტაციისა და განვითარების ფონდმა“ დააფუძნეს.

„ინვესტორების მოძიება ჩვენი ფუნქცია აღარ არის, მაგრამ რადგან მოედნის ამბავი კარგად ვიცით, ამიტომ ვრჩებით ამ პროცესში ჩართული“, – ამბობს ახალი ფონდის მთავარი არქიტექტორი მანუჩარ მახათაძე, რომელსაც ძველ ფონდშიც იგივე თანამდებობა ეკავა.



ლერმონტოვის №2 – შენობა უკვე სავალალო მდგომარეობაშია

„მთავრობის მიზანი იყო, ეს უნიკალური მოედანი ისეთივე სივრცედ ექცია, როგორიც, მაგალითად, შარდენის ქუჩაა. უნდოდათ, აქაურობა ჯერ კარგად „შეეფუთათ“ და შემდეგ კი სარფიანად გაეყიდათ. თუმცა, მალე დაიწყო ფინანსური კრიზისი, შემდეგ – ომი და ეს პროექტი შეფერხდა.“

ჰამქრის ინიციატივით ფონდში ჩატარებულ შეხვედრაზე არქიტექტორებს და ხელოვნებათმცოდნეებს მახათაძემ განუმარტა, რომ გუდიაშვილის მოედნის სახლების რეაბილიტაციის პროცესი დღემდე ადგილიდან იმიტომ არ დაძრუ-

ლა, რომ ფონდის მიზანი ერთიანი ინვესტორის მოძებნა იყო, რაც დროში გაინელა. მახათაძის თქმით, მათ არ სურდათ სახლების სათითაოდ გაყიდვა, რათა მოედნის უსისტემო განვითარება თავიდან აეცილებინათ.

მოქმედის ისტორია

დღევანდელი გუდიაშვილის მოედნის ტრაპეციული მონახაზი პირველად ვახუშტი ბატონიშვილის თბილისის გეგმაში ჩნდება მე-18 საუკუნის 30-იან წლებში. ეს ადგილი დროთა განმავლობაში სახეს იცვლიდა. წრე დღევანდელი მოედნის სახით 1844 წლიდან შეიკრა.

ამ ადგილს ლადო გუდიაშვილის მოედანი რამდენიმე სახელის შეცვლის შემდეგ, 1988 წელს ეწოდა. მოედნისა და ბაღის გარშემო, ძირითა-

დად, ერთი სიმაღლის 11 შენობა დგას. მათგან მხოლოდ ორია ახალი, დანარჩენები კი – ძველი.

ამ სივრცეში ყველაზე დიდი ისტორიის მქონე შენობის მარჯვენა ნაწილი 1830-იან წლებშია აგებული, მე-19 საუკუნის 40-50-იან წლებში კი მას მეორე მხარე მიაშენეს.

ამ შენობაში ჯერ რუსული არმიის შტაბი ყოფილა განთავსებული, შემდეგ – სარდაფებში სამხედრო ჰაუზ-

ტვახტი, ზედა სართულებზე კი – ოფიცერთა სასტუმრო. 1838 წელს ამ სასტუმროში ჰუსართა პოლკის კორნეტ მიხეილ ლერმონტოვს უცხოვრია და ამიტომაც უწოდეს მისი სახელი ამ შენობიდან სოლოლაკისკენ აღმა მიმავალ ქუჩას მე-19 საუკუნის ბოლოს.

საბჭოთა კავშირის დროს შენობაში გამომცემლობა იყო განთავსებული, შემდეგ – „ლიტერატურული საქართველოს“ რედაქცია.



სამონტაჟო მუშაობა ქობულაძის ქუჩაზე

აბესაძის №23/1 – „თბილისის განვითარების ფონდში“ ამბობენ, რომ, შესაძლოა, ამ სახლს მანსარდა დაემატოს.

პოტენციური ინვესტორის კონკრეტული სახელი, რომელთანაც უკვე მემორანდუმი გაფორმებული, ფონდის ხელმძღვანელებმა რამდენიმე დღის წინ დაასახელეს. მახათაძის თქმით, გერმანული კომპანია MAGNAT Real Estate-ის წარმომადგენლებმა უკვე დაიწყეს შენობების შესწავლა.

ინვესტორთან რომ მოლაპარაკებები მიმდინარეობს, ამას მერიაშიც ადასტურებენ: „ფონდი ცდილობს, ეს შენობები გაყიდოს. გაყიდვის შემთხვევაში, მოთხოვნა იქნება, რომ ფასადები უცვლელად შენარჩუნდეს და შენობებს რესტავრაცია გაუკეთდეს“.

ფონდში აცხადებენ, რომ გუდიაშვილის მოედანზე მდებარე კულტურული მემკვიდრეობის ძეგლების ხელახალი ანალიზის შემდეგ, შესაძლოა, გაირკვეს, რომ ზოგიერთი მათგანი დღეს უკვე აღარ ექვემდებარება რეაბილიტაციას და მისი დაშლა და ხელახალი აგება გახდეს საჭირო. ფონდის მთავარი არქიტექტორი იმასაც ამბობს, რომ პოტენციურ ინვეს-

ტორს ერთადერთ სახლზე მისცემენ მანსარდის დაშენების უფლებას. სხვა ძეგლებს ჯერ ფონდში ვერ აკონკრეტებენ.

თუმცა, ეს მონაცემები „ტფილისის ჰამქარსა“ და ამ მოედნის კარგად მცოდნე ხელოვნებათმცოდნეებს უკვე აძლევს იმის საფუძველს, რომ იფიქრონ – ამ გარიგებას მოედნის განადგურება მოჰყვება. „შენობების საერთო ფართი ახლა დაახლოებით, 5600 კვადრატული მეტრია. ინვესტორს კი გაცილებით დიდი ფართი შესთავაზეს. ამ სივრცეზე მეტი ფართის მიღება მხოლოდ ამ სახლების დანგრევის და ახლის აშენების შემდეგ შეიძლება. ეს კი ამ მოედნის დაღუპვა იქნება“, – აცხადებს „ტფილისის ჰამქარის“ წევრი, ალექო ელისაშვილი.

მართალია, დრომ კულტურული მემკვიდრეობის ეს ძეგლები საკმაოდ დააზიანა და 4 წლის წინანდელთან შედარებით, მათი მდგომარეობა დამძიმდა, მაგრამ „იკომოსის“ ხელმძღვანელი მიიჩნევს, რომ ჯერჯერობით, სარეაბილიტაციო-სარესტავრაციო პროექტების

კორექციაც შესაძლებელია და ძეგლების შენარჩუნებაც. ხელოვნებათმცოდნეები და „ტფილისის ჰამქარელები“ მიიჩნევენ, რომ მოედნის დანგრევის და ძველის ნაცვლად ახალი შენობების აგებას, უკიდურეს შემთხვევაში, კულტურის ძეგლების რალაც პერიოდით ისევ ხელუხლებლად დატოვება სჯობია.

„ამ მოედანზე მხოლოდ კონკრეტული სახლების არქიტექტურული ღირებულება კი არ არის მნიშვნელოვანი, არამედ ის, რომ ამ სახლების ანსამბლი ქმნის ურბანულ ქსოვილს. მოედანი ორი უხეში ჩარევის მიუხედავად, დღემდე ინარჩუნებს სიძველეს და ავთენტურობის ძალიან დიდ ხარისხს. ასე ერთიანი სახით შენარჩუნებული მოედანი თითქმის აღარ გვაქვს. დღეს სამოქალაქო საზოგადოებამ თუ დაუშვა ამ მოედნის ხელყოფა, ეს იმას ნიშნავს, რომ ამ სფეროში არსებული ექსპერტების პროფესიონალიზმს და არასამთავრობო ორგანიზაციების არსებობას აზრი აღარ აქვს“, – განმარტავს ცირა ელისაშვილი. **□**



ფოტო თემო გარეშაძველი

„ნიკა სამი წლის იყო, როცა მეტყველება შეწყვიტა და თავის სამყაროში ჩაიკეტა.“

29

აუტიზმი

უხილავნი ჩვენს შოხის

საქართველოში ყოველი 110 ბავშვიდან ერთს აუტიზმი აქვს. რეაბილიტაცია, რომელიც ამ ბავშვების მდგომარეობას მნიშვნელოვნად შეცვლის, უმრავლესობისთვის ხელმისაწვდომი არაა.

ეკა ქითანავა

„მელამ რა უთხრა კომბლეს? – არ შე-
მიჯამია შენი ცხვრებიო“, – უმეორებს
ბავშვებს მხატვრული კითხვის მასწავ-
ლებელი თამარ ლომიძე. საბა და ნიკა
მერხებთან სხედან, მიშიკო კი მასწავ-
ლებლის გვერდით დგას და ცდილობს,
სიტყვები დამარცვლით გაიმეოროს.

„ჰქონდა მელას ჩიჩია კბილებში? –
ეკითხება ბავშვებს მასწავლებელი, –
აბა, ხელები გაიქნიეთ და მითხარით –
არა, არა!“

ბავშვები მასწავლებლის დავალე-
ბას ხალისით ასრულებენ და ხელე-
ბს აქნევენ – ყველანი, ნიკას გარდა.
ის მერხთან თავჩახრილი ზის, ხელში
მწვანე დინოზავრს ათამაშებს და, თი-
თქოს, არც კი ესმის, რა ხდება მის
გარშემო.

198-ე სკოლის პირველი კლა-
სის მასწავლებელი თამარ ლომიძე
ამ მდგომარეობას შეჩვეულია: „ნიკა
ჩუმია, 7 წლისაა, მაგრამ ვერ ლაპა-
რაკობს,“ – ამბობს მასწავლებელი,
„როცა ლექსს ვამბობთ, სიტყვებს იმე-
ორებს, მთლიანი წინადადების წარმო-
თქმას კი ჯერჯერობით ვერ ვახერხე-
ბთ“.

ნიკა 3 წლის იყო, როცა გარშე-
მომყოფებს სრულიად გამოეთიშა და
თავის სამყაროში ჩაიკეტა. „შეეძლო,

ტელევიზორთან საათობით მჯდარიყო
და სულ არ დაინტერესებულყო, რა
ხდებოდა მის გარშემო“, – ამბობს ნი-
კას დედა, ეკა მაისურაძე. როცა მშო-
ბლებმა გაიაზრეს, რომ ეს არ იყო
დროებითი მოვლენა და ნიკა დღითი-
დღე სულ უფრო იკეტებოდა საკუთარ
თავში, ბავშვი ექიმებთან წაიყვანეს.
რამდენიმე სპეციალისტთან კონსულ-
ტაციის შემდეგ მას „კლასიკური აუ-
ტიზმის“ დიაგნოზი დაუსვეს.

„ამ დაავადების შესახებ არაფერი
ვიცოდი, ისიც კი ვერ გავარკვეე, ვის-
თვის უნდა მიმემართა, მითხრეს, აქ
არაფერია, ვერ უმკურნალებ და ბავშ-
ვი ამერიკაში უნდა წაიყვანო“, – ის-
სენებს დედა 4 წლის წინანდელ ამბავს.

ჯერ კიდევ 2007 წელს საქართვე-
ლოში აუტიზმის შესახებ არათუ ნი-
კას დედამ და სხვა მშობლებმა, ექი-
მებმა და ფსიქოლოგებმაც ცოტა
რამ თუ იცოდნენ. ამიტომ აუტიზმის
დიაგნოზი არასრულად ან დაგვიანე-
ბით ისმებოდა. ექიმებს უჭირდათ იმის
გარკვევა, აუტიზტური სპექტრის აშ-
ლილობებიდან, კონკრეტულად რომე-
ლი ფორმა ჰქონდა პაციენტს, ხოლო
თუ საქმე ჰქონდათ შედარებით იოლ
ფორმასთან, როგორიც, მაგალითად,
ასპერგერის სინდრომი, ხშირად აუ-

სტატისტიკა



აუტიზტური სპექტრის დაავადების
რაოდენობა მთელ მსოფლიოში ყოვე-
ლწლიურად იზრდება. 2009 წლის კვლევის
მიხედვით, აშშ-ში 3-დან 17 წლამდე მოქა-
ლაქეებში აუტიზტური სპექტრის მარვენე-
ბელმა 1960-იანი წლების მონაცემებთან
შედარებით, 4-ჯერ მოიმატა. აღმოჩნდა
ისიც, რომ ვაჟებს 3-4-ჯერ უფრო ხშირად
ემართებათ აუტიზმი, ვიდრე – გოგონებს.
აუტიზმის გამომწვევი მიზეზები ექიმებმა
ზუსტად არ იციან და შესაბამისად, არც
ისაა ცნობილი, თუ რატომ იმატა ბოლო
ათწლეულების მანძილზე ამ დაავადების
მარვენებელმა.

ბემპლ ბიანდინი



აუტიზმი, მართალია, ქრონიკული მდგომარეობაა, მაგრამ არ ნიშნავს ინვალიდობას. დროული აღმოჩენისა და მკურნალობის ინტენსიური კურსის შედეგად, აუტიზმის მქონე ადამიანებს არათუ უმაღლესი განათლების მიღება, არამედ მეცნიერების დარგში წარმატებების მიღწევაც შეუძლიათ.

ასეთია ტემპლ გრანდინი – კოლორადოს უნივერსიტეტის პროფესორი და ექსპერტი ცხოველების ქცევის დარგში. გრანდინს აუტიზმის დიაგნოზი ჯერ კიდევ 1950 წელს, სამი წლის ასაკში დაუსვეს. გრანდინის დედამ სასწრაფოდ დაიქირავა მეტყველების სპეციალისტი, რომელიც გოგონასთან საათობით მეცადინეობდა. ინტენსიური თერაპიის შემდეგ, 4 წლის გოგონამ ლაპარაკი დაიწყო. მოგვიანებით გრანდინი იხსენებდა, რომ დაწყებითი სკოლის მასწავლებლები ყოველთვის ეხმარებოდნენ და გულისხმიერად ექცეოდნენ. თუმცა, საშუალო და მაღალ კლასებში სიარული მისთვის სრული ჯოჯოხეთი იყო.

იმის გამო, რომ გრანდინი ხშირად აკვიტებულად იმეორებდა ერთსა და იმავე სიტყვებს, თანაკლასელები „ჩლუნგს“ ეძახდნენ, ზოგჯერ კი – „მაგნიტოფონსაც“. თუმცა გრანდინმა ფსიქოლოგიური პრობლემები გადალახა. სკოლის დამთავრების შემდეგ, ფრანკლინ პირსის უნივერსიტეტში ჯერ ფსიქოლოგიის ფაკულტეტი დაამთავრა, შემდეგ კი არიზონას სახელმწიფო უნივერსიტეტში შინაურ ცხოველთა შემსწავლელ მეცნიერებაში ჯერ მაგისტრის წოდება მიიღო, ბოლოს კი დოქტორიც გახდა.

2010 წელს მეცნიერის ცხოვრებაზე პოლიეუდში ფილმიც გადაიღეს, სახელწოდებით „ტემპლ გრანდინი“.

ტიზმზე ეჭვიც კი არ მიჰქონდათ.

„არა უშავს, ჩემმა შვილმაც გვიან დაიწყო ლაპარაკი“, „4 წლამდე დავიცადოთ, ნახავთ, თუ არ ალაპარაკდება“, „რატომ შფოთავთ, ბავშვი, უბრალოდ, გულჩათხრობილია“, – წლების განმავლობაში მსგავსი მიდგომის გამო უამრავი ბავშვი რჩებოდა დროული მკურნალობის გარეშე.

პირველი კვლევა საქართველოში აუტიზმის გავრცელების შესახებ 2007-2009 წლებში ბავშვთა ნევროლოგთა და ნეიროქირურგთა ასოციაციამ ჩატარა. ამ კვლევის მიხედვით აღმოჩნდა, რომ საქართველოში ყოველი 110 ბავშვიდან ერთს აუტიზმი აქვს.

„იმ ფონზე, როგორი მოუშაბლებიც ვართ ამ პრობლემის წინაშე, ეს მონაცემები შემაშფოთებელია“, – ამბობს ბავშვთა ნევროლოგიისა და ნეირორეაბილიტაციის ცენტრის ფსიქოლოგი, ნინა მიქელაძე.

აუტიზმი ადამიანის განვითარების შეფერხებაა. ამ დაავადებების სპექტრიდან მისი სხვადასხვა ფორმა ადამიანებში განსხვავებული ნეიროგანვითარებითი დარღვევებით ვლინდება. ზოგადად, აუტიზმის მქონე ადამიანებს უჭირთ ადამიანებთან ურთიერთობა, გარემოსთან შეგუება და მოვლენების ისე აღქმა, როგორც ამას დანარჩენები აკეთებენ.

ეჭვი აუტიზმზე ექიმებმა უკვე მაშინ შეიძლება მიიტანონ, როცა პატარა ჯერ 2 წლისაა, თუმცა საბოლოო დიაგნოზის დასმა 3 წლამდე იშვიათად ხდება – ვიდრე მეტყველების განვითარებისა და სოციალური ურთიერთობების პრობლემებიც არ იჩენს თავს.

„პირველი ნიშნები ჩნდება მაშინ, როცა ბავშვი არ რეაგირებს ჩვენს ემოციაზე – თუ ვუჯავრდებით და ის არც იბღვირება და არც ტირის, თუ ვუცინით და ღიმილითვე არ გვაპასუხობს, ვეძახით და არ იხედება, არ გვიყურებს თვალებში, დამოუკიდებლად არ ამბობს ორსიტყვიან წინადადებას. ბევრჯერ იმეორებს ერთსა და იმავე მოძრაობას, მაგალითად, თეფშს რუტინულად, ერთი მიმართულებით ატრიალებს. ამ დროს უკვე შეიძლება

აუტიზმზე ეჭვის მიტანა“, – ამბობს ბავშვთა ნევროლოგთა და ნეიროქირურგთა ასოციაციის პრეზიდენტი ნანა ტატიშვილი.

ხშირია ისეთი შემთხვევებიც, რაც ნიკას დაემართა – ბავშვი ჯერ თავისი თანატოლებით ვითარდებოდა, მეტყველებაც დაიწყო, კონტაქტურიც იყო და შემდეგ მოულოდნელად თქვა ამ ყველაფერზე უარი.

7 წლის სანდროს, რომელიც ერთი წლის ისე გახდა, რომ ექიმებისთვის „პრაქტიკულად ჯანმრთელი“ ბავშვი იყო, წლისა და ორი თვის ასაკში სმენა დაუქვეითდა. აპარატის საშუალებით სმენა კი აღუდგინეს, მაგრამ მოგვიანებით ახალი პრობლემა გამოჩნდა – სანდრომ გარშემომყოფებთან კონტაქტი განწყვიტა. აუტიზმის დიაგნოზი მხოლოდ 4 წლის ასაკში დაუსვეს.

„ძალიან ვნანობ, რომ გვიან დაინწყეთ მკურნალობა. ნარმოიდგინეთ, უკვე შვიდი წლისაა და ახლა ალაპარაკდა. ვინ იცის, როგორი მიღწევები ექნებოდა ჩემს შვილს, დროულად რომ მიეტანათ ეჭვი ექიმებს – სანდროს პრობლემა აუტისტური აშლილობაა“, – ამბობს სანდროს დედა ქეთი ნებერიძე, რომელსაც დღეს ის ფაქტი ამშვიდებს, რომ აუტიზმი, მართალია, ქრონიკული დაავადებაა, მაგრამ მისი დროულად აღმოჩენისა და მკურნალობის ინტენსიური კურსის შემთხვევაში, პაციენტები მანც ახერხებენ დამოუკიდებელ ცხოვრებას და უმაღლესი განათლების მიღებასაც კი. ამიტომ ამბობენ სპეციალისტები, რომ აუტიზმთან ბრძოლის ყველაზე მნიშვნელოვანი ნაბიჯი მისი დროული დანახვაა. აუტიზმზე საეჭვო ნიშნების აღმოჩენა კი პოლიკლინიკაში უნდა ხდებოდეს – იქ, სადაც ბავშვი დაბადებიდან დაჰყავთ მშობლებს აცრებზე და გეგმიურ შემონმებებზე.

სპეციალური სკრინინგ-ტესტები, რითაც, მაგალითად, შეერთებულ შტატებში ყველა ჯანმრთელ ბავშვს ამონმებენ აუტიზმზე, ჩვენს პოლიკლინიკებშიც აქვთ. მათი გამოყენების ნესები თბილისისა და რამდენიმე ქა-

ლაქის ექიმებს ერთდღიან ტრენინგზე აუხსნეს კიდევ. მაგრამ არ არსებობს ჯანდაცვის სამინისტროს სპეციალური დადგენილება, რომელიც ექიმებისთვის ამ ტესტების გამოყენებას ბავშვების გეგმიური შემოწმებისას სავალდებულოდ გახდიდა. „განსაკუთრებით მძიმეა მდგომარეობა რეგიონებში, საიდანაც, შეიძლება, ასეთი ბავშვები ჩვენამდე ვერც კი აღწევნენ“, – ამბობს აუტიზმის საზოგადოების დამფუძნებელი, ბავშვთა ნევროლოგი ვანო ბოკერია.

გამოდის, რომ პირველადი ჯანდაცვის ექიმების ერთდღიანი ტრენინგი ჯერჯერობით დიდ შედეგებს ვერ იძლევა. აუტიზმის დიაგნოზის დასმა მსოფლიოში აღიარებული სანდო ტესტებით კი საქართველოში დღემდე სულ ორ კლინიკაში შეიძლება, ესენია: ქავთარაძის სახელობის ბავშვთა ნევროლოგიისა და ნეირორეაბილიტაციის ცენტრი და იაშვილის სახელობის ბავშვთა საავადმყოფოს მენტალური განვითარების ცენტრი. თითოეულ მათგანში თითო-თითო საერთაშორისო სერტიფიკატის მფლობელი სპეციალისტი ჰყავთ, რომლებსაც ზუსტად შეუძლიათ იმის დადაგენა, აქვს თუ არა ბავშვს აუტიზმი.

თუ დიაგნოსტიკის თვალსაზრისით, უკანასკნელ პერიოდში მდგომარეობა გაუმჯობესდა, აუტიზმის მკურნალობის მხრივ, საქართველოში ბევრი არაფერი შეცვლილა.

ქცევის გამოყენებითი ანალიზის (იგივე – ABA-ს) სერტიფიკატს, რომელიც აუტიზმის მქონე ბავშვების მკურნალობის ერთ-ერთ ყველაზე ეფექტიან მეთოდად ითვლება, საქართველოში არცერთი სპეციალისტი არ ფლობს. ABA-ს სპეციალისტი – თითოეული ბავშვისთვის მკურნალობის ინდივიდუალურ პროგრამას ადგენს. ამის შემდეგ, თერაპევტები ABA-ს სპეციალისტის ზედამხედველობით, უშუალოდ ბავშვებთან იწყებენ მუშაობას.

„ბავშვებს კვირაში, მინიმუმ, 40-საათიანი მუშაობა სჭირდებათ. კარგი შედეგის მისაღებად, ისინი დღეში 5 საათს მაინც უნდა ამეცადინო. ამ

სამუშაოს განევა მშობელსაც შეუძლია, რომელიც ABA-ს სპეციალისტის ზუსტ მითითებებს ასრულებს“, – ამბობს ვანო ბოკერია.

„აბა, მაჩვენე მუცელი“, – ეუბნება ფსიქოლოგი გოგონა შვიდი წლის სანდროს. სანდრო ილიმის და მარჯვენა ხელს მუცელზე იტყაპუნებს. გოგონა გახარებულია და კიდევ ერთ დავალებას აძლევს: „აბა, ახლა თავი მაჩვენე“, – სანდროს ჯერ ხელი ისევ მუცლისკენ მიაქვს, მერე კი საჩვენებელ თითს შუბლზე იდებს. როცა სანდრო „დავალებებს“ ასრულებს, „მოდის“ ჟურნალით „ასაჩუქრებენ“ – სანდროს

■ „არა უშავს, ჩემმა შვილმაც გვიან დაიწყო ლაპარაკი“, „4 წლამდე დავიცადოთ, ნახავთ, თუ არ ალაპარაკდება“, „რატომ შფოთავთ, ბავშვი, უბრალოდ, გულჩათხრობილია“, – წლების განმავლობაში მსგავსი მიდგომის გამო უამრავი ბავშვი რჩებოდა დროული მკურნალობის გარეშე.

უყვარს ასეთი ჟურნალები, ფურცლავს და ქალისა და მამაკაცის ტანსაცმელს ათვალთქვებს.

ილიას უნივერსიტეტის აუტიზმის ცენტრში აუტისტ ბავშვებთან ფსიქოლოგიის ფაკულტეტის ოცი სტუდენტი მოხალისედ მუშაობს. ცენტრი 2010 წელს გაიხსნა, თუმცა მისი მომსახურება ყველასთვის ხელმისაწვდომი არაა. აქ მხოლოდ 10 ბავშვის მიღების საშუალება აქვთ.

„მე თავად მშობელი ვარ, ჩემს შვილს დიაგნოზი ამერიკაში დაუსვეს. კალიფორნიაში ვიყავით, ვმკურნალობდით და მეც, პროფესიით ექიმმა, გა-

დავწყვიტე, ბავშვთან ერთად მეგლო აუტიზმის ცენტრში და მესწავლა ABA-ის მუშაობის პრინციპები. მართალია ABA-ის სერტიფიცირებული სპეციალისტი არ გვყავს, მაგრამ ზუსტად ამ პრინციპით ვმუშაობთ, ვაკეთებთ იმავს, რასაც ამერიკელები. ჩემი აზრით, ეს თერაპია ბავშვს უნდა უტარდებოდეს სპეციალიზირებულ აუტიზმის ცენტრში, სადაც გვეყოლება სერტიფიცირებული თერაპევტები, რომლებიც ბავშვებთან კვირაში 40 საათი იმუშავენ. დროული და სწორი თერაპიის პირობებში, დაახლოებით, 48% ორი წლის შემდეგ, პრაქტიკულად, ჯანმრთელია“, – ამბობს აუტიზმის ცენტრის ხელმძღვანელი და აუტისტთა ასოციაციის პრეზიდენტი სოფიკო კერესელიძე.

ორ აპრილს მთელ მსოფლიოში და პირველად უკვე საქართველოშიც აუტიზმის საერთაშორისო დღე აღნიშნეს. განვითარებულ ქვეყნებში აუტიზმის მქონე ადამიანებმა ამ დღეს კიდევ ერთხელ მოითხოვეს გაზრდილი უფლებები, უკეთესი მომსახურება და დაფინანსების დამატებითი წყაროები. ჩვენთან კი 2 აპრილს აუტიზმის საზოგადოებამ მთავრობის წევრებს პირველად წარუდგინა სტრატეგიული განვითარების გეგმა, რომლის მიზანია აუტიზმი სახელმწიფომ სერიოზულ პრობლემად ცნოს და დაიწყოს ამ პრობლემის მოგვარებისთვის რეალური ნაბიჯების გადადგმა.

ამ გეგმის მიხედვით, ქვეყანაში პოლიკლინიკის ექიმების მომზადების გარდა, უნდა შეიქმნას ოთხი რეგიონული ცენტრი, მომზადდნენ სპეციალისტები და გამოიყოს თანხები აუტიზმის მქონე ბავშვების ინტენსიური ადრეული თერაპიისათვის. გარდა ამისა, თბილისში უნდა ჩამოყალიბდეს რეფერალური ცენტრი, სადაც მოხედებიან ყველაზე მძიმე პაციენტები.

„ჩვენი მიზანი იყო, საზოგადოებისთვის მიგვეწოდებინა ინფორმაცია“, – ამბობს ბოკერია. „სამინისტროებსა და პარლამენტს კი შევთავაზეთ პრობლემის გადაჭრის გზები, დანარჩენი მათზეა დამოკიდებული“. **□**

სუბსიდიჩაზა იაფად!



ანდრო ხეთერელი



ბოლო პერიოდში ბევრს კამათობენ სოფლის მეურნეობის განვითარების პერსპექტივებსა და ხელშეწყობის გზებზე. სახელმწიფომ კონკრეტული ნაბიჯებიც გადადგა. ეს ნათლად მიაჩნებოდა, რომ აგრარული სექტორის მომავლით დანტერესება გაიზარდა. ახალი, მოდერნიზებული აგრარული სისტემა, რომელიც შეძლებს ქვეყნის აგრარული პოტენციალის ოპტიმალურ

გამოყენებას, ყველა მხარის ინტერესშია.

ქართული სახელმწიფო არჩევნის წინაშე დგას: მას შეუძლია წაახალისოს მსხვილი ფერმერული მეურნეობებისაგან შემდგარი აგრარული სისტემის ფორმირება ან შეუძლია შექმნას აგრარული სექტორი, რომლის ძირითადი ბირთვი წვრილი გლეხური მეურნეობები იქნება, რომელთაც სის-

■ ბიზნესით დაკავებულმა ხალხმა უნდა დახარჯოს ფული და შექმნას ხარისხიანი პროდუქცია – სპეციალისტი, რომელიც ფლობს ცოდნას თანამედროვე ტექნოლოგიების შესახებ.

ტემატურად დასჭირდებათ სახელმწიფოსგან სუბსიდირებით მხარდაჭერა.

რადგან მე არჩევნის პირველ ვარიანტს ვემხრობი, შევეცდები წარმოვადგინო სახელმწიფოს მხარდაჭერის ეს მოდელი. ვითვალისწინებ, რომ სახელმწიფოს გააჩნია მწირი შესაძლებლობები და დიდი ამბიციები. შესაბამისად, საჭიროა სუბსიდირების იაფი და ამავე დროს, ეფექტიანი მოდელი.

ასეთი მოდელის შექმნისათვის უნდა აღმოვაჩინოთ მექანიზმი, რომლის ამოქმედებით სოფლის მეურნეობის სისტემის შემდგომი განვითარება შეუქცევად სახეს მიიღებს.

ნუ ვეცდებით აგრარულ სექტორში არსებული პრობლემების მოგვარებას სახელმწიფოს ფულით. ვეძიოთ ამ პრობლემების გამომწვევი მიზეზები. წარმატებული მეურნეობის შექმნისათვის საჭიროა სამი ძირითადი რამ: კლიმატი, ცოდნა და საშუალება. ბუნებრივი კლიმატური პირობები ნორმალური გვაქვს. სამაგიეროდ, გვაკლია ცოდნაც და საშუალებაც. სწორედ ეს დანაკლისი ინვესტორების აგრარულ სისტემაში არსებულ პრობლემათა უმრავლესობას და მის შესვლას სახელმწიფოსგან ხელშეწყობა ესაჭიროება.

დღევანდელ მსოფლიოში სასოფლო სამეურნეო პროდუქციის კონკურენტუნარიანობას განსაზღვრავს მისი წარმოების ტექნოლოგიები, ცოდნა თანამედროვე პესტიციდების, აგროქიმიკატების, ჯიშების, ჰიბრიდების და მათი ოპტიმალური გამოყენების შესახებ. საქართველოში ამ ცოდნის დეფიციტია. ეს გამოწვეულია აგრარული განათლების დაბალი დონით. ამიტომ რეფორმა, პირველ რიგში, სწორედ აქაა საჭირო.

რადგან ჩვენ სუბსიდირების იაფი და ეფექტიანი მოდელი გვჭირდება, აუცილებელია, დაეზოგოთ ბიუჯეტის თანხები ხარისხის გაუარესების გარეშე. ეს შესაძლებელია მხოლოდ იმ შემთხვევაში, თუ აგრარული განათლების სფეროში შემოვა კერძო სექტორი. ბიზნესით დაკავებულმა ხალხმა უნდა დახარჯოს ფული და შექმნას ხარის-

ხიანი პროდუქცია – სპეციალისტი, რომელიც ცოდნას თანამედროვე ტექნოლოგიების შესახებ თანაბრად ხელმისაწვდომს გახდის გლეხებისათვის. ცოდნის გავრცელების ხელშეწყობა კი უკვე სახელმწიფოს ფუნქციაა. მთავარია, რომ ის განათლების სფეროში თანხების დახარჯვის გარეშე მიიღებს სპეციალისტებს, რომელთაც ძვირადღირებული გადამზადების გარეშე შეეძლება აგრონომის ფუნქციების შესრულება.

როგორც აღვნიშნე, ცოდნის გარდა, წარმატებისათვის საჭიროა მისი რეალიზების საშუალებაც. დღეს ჩვენ

■ ქართული სახელმწიფო

არჩევნის წინაშე დგას:

მას შეუძლია წაახალისოს

მსხვილი ფერმერული

მეურნეობებისაგან

შემდგარი აგრარული

სისტემის ფორმირება ან

შეუძლია შექმნას აგრარული

სექტორი, რომლის ძირითადი

ბირთვი წვრილი გლეხური

მეურნეობები იქნება.

ეს საშუალება არ გავაჩნია, რაც გამოწვეულია აგრარული პოტენციალის არაეფექტიანი გამოყენებით. სწორედ ეს ინვესტორის იმედიმეს პრობლემებს, როგორცაა მცირემშენიანობა, დაბალი რენტაბელობა, მუდმივი დოტაციის საჭიროება, ეკონომიკური ხელმოკლეობა...

მოცემული პრობლემის გადაჭრა შეუძლებელია მხოლოდ სოფლის მეურნეობის სისტემაში კაპიტალდაბანდებით. გაცილებით მეტი ეფექტი მოჰყვება სოფლის მეურნეობის ცალკეული დარგების განვითარებისათვის გამიზნული თანხებით მეტი სა-

მუშაო ადგილების შექმნას აგრარული სექტორისაგან განყენებულ სფეროებში, რათა რეგიონებში რაც შეიძლება მეტ ადამიანს გაუჩნდეს წვრილ გლეხურ მეურნეობაზე უკეთესი საარსებო გარემოს მოპოვების შანსი.

ამავე დროს საჭიროა არა დარგების, არამედ კონკრეტული ფერმერების მხარდაჭერა. უნდა შეირჩინენ ფერმერები, რომელთაც აქვთ მეურნეობების საკუთარი შეხედულებების მიხედვით მონყობისათვის საჭირო გამოცდილება, პოტენციალი და მოტივაცია.

სასურველია, საკანონმდებლო დონეზე მოხდეს ისეთი სახის ცვლილებები, რომელთა მიზანია მინის გრძელვადიანი იჯარით სარგებლობის მიმართულებით მაქსიმალურად კომფორტული გარემოს შექმნა. იჯარის წესების გამარტივება დააჩქარებს მსხვილი ფერმერული მეურნეობების ფორმირების პროცესს, რადგან ქართველი გლეხი, რომელსაც თუნდაც ჰქონდეს ალტერნატიული შემოსავალი, ძნელად შეეღვევა და გაყიდოს მის კუთვნილ მიწას. იჯარა კი იცავს ერთგვარ დადებით ბალანსს ფერმერულ მეურნეობაზე ორიენტირებულ და ალტერნატიული შემოსავლის მქონე ადამიანთა ინტერესებს შორის.

სუბსიდირების წარმოდგენილი მოდელი მინიმალური დანახარჯებით უზრუნველყოფს კონკურენტუნარიანი პროდუქციის წარმოებისათვის საჭირო ცოდნის სამართლიან გადანაწილებას და მსხვილი ფერმერული მეურნეობების ჩამოყალიბების პროცესის დაჩქარებას. ვიყოთ რეალისტები და ვალიაროთ, რომ სუბსიდირების ნებისმიერი მოდელის შერჩევის შემთხვევაში იარსებებს ორი მარტივი ჭეშმარიტება, რომელიც აუცილებლად უნდა გავითვალისწინოთ:

1. აგრარული სექტორის განვითარება შეუძლებელია ერთ ან ორ წელიწადში, ქვეყნის ეკონომიკის განვითარების ტემპების შეუსაბამოდ.

2. აგრარული სისტემის განვითარებისათვის საჭიროა ერთი კონკრეტული კურსის არჩევა და შემდგომ მისი ბოლომდე განხორციელება. ■

ანტი - მუცხი - ხეცხი



ემუქრება თუ არა ევროპას ამერიკული კონსერვატიზმი.

გიორგი ცხადაია

ბოლო რამდენიმე თვეა, გერმანიის კანცლერი ანგელა მერკელი, საფრანგეთის პრეზიდენტი ნიკოლა სარკოზი და ბრიტანეთის პრემიერ-მინისტრი დევიდ კამერონი ერთმანეთს ეცილებიან „სახელმწიფო მულტიკულტურალიზმის“ პოლიტიკის დაგმობაში და აცხადებენ, რომ ევროპის ქვეყნებმა იმიგრანტების მიმართ ახალი პოლიტიკა უნდა შეიმუშავონ. ევროპაში მულტიკულტურალიზმის წინააღმდეგ რეაქციას თავისი ისტორია აქვს და დღემდე ყველაზე კულმინაციურ მომენტად საფრანგეთში მუსლიმური თავსაბურავის – ბურქას აკრძალვა ითვლება.

სიტუაციის გამწვავება 2004 წელს, ვინმე თეო ვან გოგის მკვლელობით დაიწყო. თეო ჰოლანდიელი დოკუმენტალისტი იყო, რომელმაც მუსლიმ ქალებზე დოკუმენტური ფილმი გადაიღო. ჰოლანდიაში დაბადებულ მაროკოელ ბიჭს რეჟისორის მკვლელობისთვის სამუდამო პატიმრობა მიუსაჯეს. ინციდენტმა მთელი ევროპის გაღიზიანება გამოიწვია – ჰოლანდია ხომ მულტიკულტურალისტური პოლიტიკის საუკეთესო მაგალითად ითვლებოდა.

ვან გოგის მკვლელობა ევროპის კოლექტიურ მეხსიერებაში დარჩა, როგორც რადიკალიზირებული ისლამისტი იმიგრანტების პასუხი მულტიკულტურულ და სეკულარულ დასავლეთს. ჰოლანდიის მთავრობა ყველა ზომას ატარებდა იმისთვის, რომ კულტურული ნიშნით ადამიანების დისკრიმინაცია არ დაეშვა. ეს პოლიტიკა გამოიხატებოდა სხვადასხვა ეთნიკური და რელიგიური ჯგუფების კულტურული თვითგამოხატვის ნახალისებაში და საბოლოო ჯამში, მცირე ეთნიკური დასახლებების შექმნაში.

ისლამის და მუსლიმების მიმართ უარყოფითი დამოკიდებულების გაჩენა მაღალი რანგის პოლიტიკოსების ბრალი, ალბათ, არ არის. თავად სარკოზი, მერკელი და კამერონი აქამდე ასეთ თემებს თავიანთ დღის წესრიგში ნაკლებად შესამჩნევ ადგილს უთმობდნენ (თუმცა ნიკოლა სარკოზი პრეზიდენტად არჩევამდეც გამოირჩეოდა გარკვეული კონსერვატორული რიტორიკით). საფრანგეთში

ტების მოზღვავენას უნდა მივანეროთ გერმანიაში ანგელა მერკელის პოზიცია, რომელიც ერთგვარი რეაქციაა ულტრამემარჯვენე პარტიების გააქტიურებაზე. გასულ წელს, გერმანიის ცენტრალური ბანკის დირექტორთა საბჭოს ყოფილმა წევრმა ტილო სარაციმან ან უკვე სკანდალურად ცნობილი წიგნი „გერმანია საკუთარ თავს უარყოფს“ გამოსცა. წიგნში საჯაროდ არის დაგ-



საჯარო პროტესტი ბურქის ტარების აკრძალვასთან დაკავშირებით, პარიზი, 11 აპრილი 2011

ფრანგული სეკულარიზმის (ლაიციზმის) და ნაციონალიზმის იდეების გააქტიურება ჟან-მარი ლე პენის პოპულარულ მემარჯვენე მოძრაობას უკავშირდება. მისმა ქალიშვილმა მარინ ლე პენმა, როგორც უახლესი სახალხო გამოკითხვები გვამცნობენ, შესაძლოა 2012 წლის საპრეზიდენტო არჩევნების პირველ ტურში ნიკოლა სარკოზიც კი დაამარცხოს. გარკვეულწილად, სახალხო სენტიმენ-

თილი გერმანიის „ძიძა სახელმწიფოს“ („Welfare State“) მულტიკულტურალისტული პოლიტიკა (იმიგრანტების სოციალური და სამართლებრივი მხარდაჭერა). სარაცინი გერმანელებს სთავაზობს შეამცირონ იმიგრანტებისთვის განკუთვნილი სოციალური დახმარებები, რადგან ეს უკანასკნელნი, მისივე სიტყვებით, ნაკლებად განათლებულები და ჭკვიანები არიან. სარაცინი ბუნდესბანკიდან

გარიცხეს და მოგვიანებით გერმანიის სოციალურ-დემოკრატიული პარტიიდან გარიცხვითაც დაემუქრნენ. ამავე დროს, ყველა აღიარებს, რომ სახალხო მხარდაჭერა ლე პენის და სარაციინის მსგავსი ადამიანებისკენ უფროა გადახრილი, ვიდრე მეინსტრიმ პოლიტიკოსებისკენ.

ბრიტანეთში ანტიდისკრიმინაციული პოლიტიკის გაუქმებას ბრიტანეთის ნაციონალური პარტია (BMP) ლობირებს, თუმცა მისი რეიტინგი საგრძნობლად ჩამორჩება ფრანგული მეგობარი ორგანიზაციის – ლე პენის „ნაციონალური ფრონტის“ რეიტინგს. ამის მიუხედავად, ბრიტანეთის საპარლამენტო არჩევნებში კონსერვატორების გამარჯვების ერთ-ერთ მიზეზად შესაძლოა, სწორედ კონსერვატორების შედარებით მკაცრ ანტი-იმიგრაციული პოლიტიკა მივიჩნიოთ.

ბრიტანეთში ბოლო დროს პოპულარუ-

მულტიკულტურალიზმის ჩავარდნების შესახებ, ულტრამემარჯვენე და მეინსტრიმ კონსერვატორი პოლიტიკოსებისგან განსხვავებული აზრი აქვთ ლიბერალურ და სოციალისტურ პარტიებს. მაგალითად, გერმანიის მწვანეთა პარტიის თავმჯდომარის მოადგილე, ნარმოშობით თურქი ჯემ ოზდემირი მიიჩნევს, რომ პრობლემა არა იმდენად მულტიკულტურალიზმში, არამედ განათლების სისტემის გაუმართაობაშია. „რატომ რჩებიან მუშათა კლასის გერმანელების სხვადასხვა თაობები ერთ კლასში? სად არის საზოგადოების ვერტიკალური მობილობა? „გერმანული ოცნება“, როგორც ასეთი, არ არსებობს“, – აცხადებს ოზდემირი ამერიკულ „ნიუსვიკთან“ მიცემულ ინტერვიუში. იგი ამატებს, რომ სარაციინის მოსაზრებები ისლამის აგრესიული ბუნების შესახებ სიმართლეს არ

ბს, რომ მულტიკულტურალიზმის პოლიტიკა ჩავარდა. ორივეს აზრით, ჩავარდნა იმით გამოიხატება, რომ ევროპაში ანტიმუსლიმურმა სენტიმენტებმა უახლეს ისტორიაში ყველაზე მაღალ დონეს მიაღწია.

აქედან გამოსავალი სახალხო პოლიტიკის დაბრუნებაში და ადამიანის უფლებების („კულტურული ჯგუფების“ უფლებების საპირისპიროდ) რიტორიკის გააქტიურებაში უნდა ვეძებოთ. ევროინტეგრაციის მომხრე ლიბერალები, სამწუხაროდ, არ ცნობდნენ სახალხო პოლიტიკის ძალას და ცდილობდნენ ზემოდან წამოსული დირექტივებით „დაეგვამათ“ იმიგრაციის და კულტურათა შორის ურთიერთობის პოლიტიკა. ამასთანავე, ისინი არ ითვალისწინებდნენ შესაძლო ნაციონალისტური უკუურეაქციის საშიშროებას და ამით საფრთხეს უქმნიდნენ ტოლერანტობის და პლურალიზმის იდეებს.

ლიბერალები კონსერვატორებს უნდა დაეთანხმონ, რომ დასავლური კულტურისთვის ყველაზე მეტად მნიშვნელოვანი ადამიანების უფლებები და სეკულარიზმია. ამასთანავე, მათ ხაზი უნდა გაუსვან იმას, რომ გამოსავალი არა იმიგრანტებისთვის სოციალური დახმარებების შეწყვეტა, არამედ მათთვის სოციალური დახმარებების ინდივიდუალურ საფუძველზე გაცემაა. უკიდურეს შემთხვევაში, თუ ნაციონალისტური სენტიმენტები ევროპის ქვეყნებში მემარჯვენე იდეებს (სოციალური დახმარებების მოსპობას) წარმატებით შეერწყება, შესაძლოა „ბებერ კონტინენტზეც“ ისეთივე მემარჯვენე პოპულისტური მოვლენა მივიღოთ, როგორც ამერიკული ჩაის მსმელების მოძრაობაა (ეკონომიკურად ლიბერტარიანული და სოციალურად ნაციონალისტური).

ევროპა ჯერჯერობით არ ჩქარობს და მუსლიმი იმიგრანტების საკითხს განსაკუთრებული სიფრთხილით ეკიდება. მართალია, გასულ წელს საფრანგეთის ხელისუფლებამ ბურქის აკრძალვის შესახებ კანონი მიიღო, მაგრამ ის ჯერაც არ განხორციელებულა. ყველაფერს მომავალი წლების არჩევნები და ამომრჩევლების აქტიურობა გვიჩვენებს. ■

■ საბოლოო ჯამში, ლიბერალებს და კონსერვატორებს ამ საკითხზე ერთი რამ აერთიანებთ: ორივე მხარე აღიარებს, რომ მულტიკულტურალიზმის პოლიტიკა ჩავარდა.

ლი გახდნენ ულტრაკონსერვატორული შეხედულების ჟურნალისტებიც, მაგალითად, რიჩარდ ლიტლჯონი, რომელიც მაყურებლების გულს იმიგრანტების და მათ მიერ მიღებული სახელმწიფო დახმარებების შესახებ „სიმართლის“ გამოაშკარავებით იგებს. თავად დევიდ კამერონმაც კი ორი თვის წინ, თავის გამოსვლაში მულტიკულტურალიზმის შესახებ, აღნიშნა, რომ აუცილებელია ერთმანეთისგან გავარჩიოთ მუსლიმი მორწმუნე და ჯიჰადისტი ექსტრემისტი, შესაბამისად, უნდა შეუწყდეთ დაფინანსება ისეთ რელიგიურ ორგანიზაციებს, რომლებიც პატივს არ სცემენ დემოკრატას, ქალთა უფლებებს და სეკულარული კანონის უზენაესობას. მან აღნიშნა, რომ „სახელმწიფო მულტიკულტურალიზმის დოქტრინამ“ საზოგადოებები, დაახლოების ნაცვლად, ერთმანეთთან დააშორა.

შეესაბამება, რადგან ირანელი, ერაყელი და ავღანელი იმიგრანტები გერმანიაში საკმაო წარმატებას აღწევენ, პრობლემები, ძირითადად, თურქებს ექმნებათ, რადგან ამ ქვეყნიდან მხოლოდ ნაკლებად განათლებული, „შავი მუშახელის“ იმიგრაცია ხდებოდა.

საფრანგეთში ბურქას აკძალვას კატეგორიულად ეწინააღმდეგებიან სოციალისტები. რიგ შემთხვევაში, თავად სარკოზის „ზომიერი“ თანაგუნდელებიც კი თავს არიდებენ ანტიმუსლიმური სენტიმენტების გაღვივებას და ამჯობინებენ, რომ ბურქის აკრძალვის შესახებ დებატებში არ ჩაერთონ. ბრიტანეთშიც მემარცხნეები აქტიურად ილაშქრებენ BMP-ის და ლიტლჯონის მსგავსი ხალხის წინააღმდეგ.

საბოლოო ჯამში, ლიბერალებს და კონსერვატორებს ამ საკითხზე ერთი რამ აერთიანებთ: ორივე მხარე აღიარე-

ქანღობა ქანიშვიძეზე, მახთიძედილობა და ბიუჯეტური სესი



ლაშა ბულაძე, მწერალი

ამ რამდენიმე დღის წინ სტუდენტებს შეეხვედით ერთ-ერთ (არცთუ ისე) უმაღლეს სასწავლებელში. წესით, ლიტერატურაზე უნდა გვესაუბრა, მაგრამ როგორც მოსალოდნელი იყო, ისევ ზაზა ბურჭულაძის ქუთაისურ რეპლიკაზე მომინია პასუხების გაცემა; მერე, როგორც წესია, ბრალდებებიც ვიგერიე – ქართველი მწერლები მხოლოდ იმაზელა ფიქრობთ, ხალხი როგორ გააღიზიანოთ და ბრაზიან გოგონათა საყვედურებიც ვისმინე: თანამედროვე მწერლები სულ სექსზე წერთ, ყველანი დეისაძეები ხართო. ვფიქრობ, ზედმეტია იმის თქმა, რომ ბრაზიანებს არც ბურჭულაძისა წაეკითხათ რამე და არც რომელიმე მისი კოლეგის. ამას უკვე შეჩვეული ვარ – საუბარი უმეტესად იმ კლიშეებზე გინევს, რომელთაც მეტად იოლად და მყარად აყალიბებს მედია. ფართო აუდიტორია საქართველოში მწერალს იმის გამო კი არ სცემს პატივს, რომ კარგი წიგნი დაწერა (წიგნებს, მოგეხსენებათ, მცირედნი თუ კითხულობენ ჩვენს ქვეყანაში), არამედ იმის მიხედვით, თუ როგორ იქცევა და როგორ წარმატებულად ასახიერებს ეს უკანასკნელი მწერლის სტერეოტიპისთვის შესაბამის თავმდაბლობას... აკა მორჩილაძეს უწერია ერთგან, ქართველები ქცევის ხალხი ვართო, და მართალიცაა – ჩვენში ყოველთვის მნიშვნელოვანია როგორ და არა რა. ასეა, ან სულ რომ შედეგები წეროს ზაზა ბურჭულაძემ, ამიერიდან მას ყოველთვის შეახსენებენ ქუთაისურ ამბავს („რატომ თქვით – ბოზებს სიკვდილი, ქურდებს სიცოცხლეო?“) და ეს შტერული ხუმრობა

ამიერიდან მისი ბიოგრაფიის, მისი შემოქმედებითი თუ არაშემოქმედებითი ცხოვრების განუყრელი ნაწილი გახდება; არაფერზე არ მოუწევს იმდენი ლაპარაკი, რამდენიც ამ რეპლიკაზე. გვარ-სახელის გამოცვლაც კი არ უშველის – მხოლოდ პლასტიკური ქირურგია თუ გაათავისუფლებს სპონტანურად წამოსროლილი ფრაზის წყევლისგან. შედარებისთვის: ტელესაქართველოს ან ყოველთვის ბოზებსა და ქურდებს გაახსენებს ზაზა ბურჭულაძის სახე, ხოლო გურამ დოჩანაშვილისა მწერლის „სისაყვარლეობას“, წესიერებასა და პატრიარქს; პირველი თუ მარადიულად არა, დიდი ხნით დარჩება „მანიაკ-მატრაკვეცად“, მეორე კი სამუდამოდ – „საყვარელ მწერლად“, მიუხედავად იმისა, რომ ზაზა ბურჭულაძე დღევანდელ გურამ დოჩანაშვილზე ბევრად უკეთესი მწერალია. დოჩანაშვილის ოდინდელი „ვატერ(პო)ლოო, ანუ აღდგენითი სამუშაოები“ ჩემი საყვარელი წიგნია („სამოსელი პირველისგან“ განსხვავებით, რომლის მნიშვნელობაც, ვფიქრობ, გადაჭარბებულია), მაგრამ მის გვიანდელ „ლოდ ნასაყვარლას“ და „ჰოლივუდელ გვიანას თუ ომარას“, ჩემი აზრით, ასი თავით სჯობია ბურჭულაძის „მინერალური ჯაზი“, ან, თუ გნებავთ, „ადიბასიც“. მაგრამ მორჩა, „ვინლაა აქ გადამმონებელი?“ – ბურჭულაძე ოთხი მილიონი ქართველისათვის (და არა სამი ათასი მკითხველისთვის!) ამიერიდან ერთი წინადადების მწერალია, მისი წიგნები აბსტრაქციაა, პროფესია კი მხოლოდ ტელერესპონდენტის სახელის ქვეშ მისაწერი ტერმინი...



განა მხოლოდ ამ ერთ მწერალზე ვწერ, – როგორც ჩანს, რაც უნდა შევთხზა, ჯამში, მაინც „თამარ მეფის შეურაცხმყოფელ ლაშა ბულაძედ“ დავრჩები. ეს კი, რბილად რომ ვთქვათ, ძალიან სამწუხაროა. საქართველოში საშინლად რთული ყოფილა გარედან ანებებული კლიშეებისგან გაათავისუფლება. ამ მხრივ, მეტად ჯიუტი ვიქნები ვართ – სტერეოტიპების ერთგულეობა გვიყვარს. იცით, ძირითადად, რა შეკითხვას უსვამენ დათო ტურაშვილს, როცა ის მკითხველებს ხვდება? რა ბედი ეწია მის სცენარს, რომელიც მან დავით აღმაშენებელზე დაწერა... და ეს უკვე მეშვიდე წელი გრძელდება.

სწორედ ამ თემებზე დაფიქრდი სტუდენტებთან შეხვედრის დროს – თაობები იცვლება, შეკითხვები კი იგივე რჩება! თაობები იცვლება, მაგრამ „აქტიურად განსახილველი თემები“ ისევ ძალაშია! ეს რაღაც კომპარია, მოჯადოებული წრეა. წინ ახალი ბრაზიანი გოგო გიზის, მაგრამ ზუსტად იმ შეკითხვებს სვამს, რა შეკითხვებსაც ათი წლისწინანდელი ბრაზიანი სტუდენტი გისვამდა: რატომ წერენ თანამედროვე მწერლები თავის წიგნებში

ერთად მეც ვრეგრესირებ, ათი წელია (თუ უფრო მეტი არა) წარღვანამდელი ჭეშმარიტების დამტკიცებას ვცდილობ და ეს კი, ბოდიშს ვიხდი, მაგრამ ნამდვილად არ უწყობს ხელს ჩემს ინტელექტუალურ განვითარებას... ნუთუ არ შეიძლება, რომ ერთი საფეხურით მაინც ავინიოთ? სულ მცირე, ერთი ახალი შეკითხვა მაინც მოიტანოს ახალმა თაობამ (რა მოხდება, რომ უცენზურო სიტყვებზე მაინც აღარ დასვას შეკითხვა... ჰა, დავით აღმაშენებელზე ტუ-

რაშვილსაც არ ეზარება ლაპარაკი), ან, თუ გნებავთ, შეკითხვა ნურც იქნება, უბრალოდ, ასე დაიწყოს წინადადება: „აი, თქვენი წიგნი რომ წაეკითხე, იქ...“ მეტი არა, მეტი არც მჭირდება...

ზოგჯერ, ვფიქრობ, დისკზე ხომ არ ჩაენერო ჩემი და ჩემი კოლეგების ყველა შესაძლო (თუ ტრადიციული) პასუხი და ეს ჩანანური ვაგზავნო ხოლმე დისკუსიებზე: უცენზურო სიტყვები თემიდან გამომდინარე ხვდება ტექსტში... თამარ მეფისთვის შეურაცხყოფა არ მიმიყენ-



უზრდელო სიტყვებს? რატომ წერთ სკანდალურ თემებზე? რატომ იხუმრეთ ასე ქუთაისში? რატომ დაწერეთ თამარ მეფეზე? რატომ არ კითხულობენ ახალგაზრდები? როდის გადაიღებენ ფილმს დავით აღმაშენებელზე?

ჩემს თავზე გაებრაზდი, როცა გავაცნობიერე, რომ ახლაც, ამ რამდენიმე დღის წინაც იმავეს დამტკიცებას ვცდილობდი, რაზეც ათი წლის წინაც ენთუზიაზმით ვლაპარაკობდი: რომ კითხვა, ზოგადად, კარგია; რომ სანამ აზრს გამოვთქვამთ რაიმეზე, მაგალითად, მოთხრობაზე, მინიმუმ, წაკითხული მაინც უნდა გვქონდეს ეს ტექსტი... ხოდა, იცით, რას მივხვდი: ამ შეკითხვებთან

■ რატომ წერენ თამამედროვე მწერლები თავის წიგნებში უზრდელო სიტყვებს? რატომ წერთ სკანდალურ თემებზე? რატომ იხუმრეთ ასე ქუთაისში? რატომ დაწერეთ თამარ მეფეზე? რატომ არ კითხულობენ ახალგაზრდები? როდის გადაიღებენ ფილმს დავით აღმაშენებელზე?

ბია... „დავით აღმაშენებლის“ გადაღება ჩაიშალა... ქუთაისში მხოლოდ ათმა კაცმა ვერ გაიგო ჩემი ხუმრობა... წიგნის კითხვა კარგია... მშობელს თუ არ უყვარს კითხვა, არც მის შვილს ეყვარება... უკეთესია, განათლებული იყო, ვიდრე გაუნათლებელი... და სხვ.

ამ ტექსტს კი სპეციალურად შეეურჩიე ისეთი სათაური, რომელიც ბევრ მკითხველს მოიზიდავდა. ბოდიშს გიხდით, მაგრამ სხვანაირად ვერაფრით დავაინტერესებდი ფართო აუდიტორიას მწერლების მსუბუქად ინტელექტუალური ჩივილებით. მზად ვარ, დავ, ამ სვეტის სათაურის განხილვას მივუძღვნა შემდეგი ათწლეულები... **■**

ზინაჩეზა სისაჩიდეში



ქორეოგრაფ კაროლინ კარლსონის შეუმჩნეველი ანარეკლები თბილისში.

დავით ბუზრიკიძე



სცენა სპექტაკლიდან „ლი“ და „მანდალა“

თუ პინა ბაუშის შემდეგ რომელიმე ქორეოგრაფი ქალბატონის შემოქმედებაზე შეიძლება ვისაუბროთ, ერთ-ერთი პირველი სახელოვანი კაროლინ კარლსონია – თანამედროვეობის ერთ-ერთი გამორჩეული ამერიკელი ხელოვანი, რომლის დევიზია „ფიქრი სხეულით“ და რომელმაც ვენეციაში, ცეკვის ბიენალეზე „ოქროს ლომი“, ხოლო მოსკოვში, „ბენუა დე ლა დანსის“ პრესტიჟული ქორეოგრაფიული პრიზი დაიმსახურა.

სკანდინავიური წარმოშობის ქორეოგრაფი თავის დროზე იუტას შტატში კლასიკურ ცეკვასა და ქორეოგრაფიას სწავლობდა. პარიზის ოპერის დირექტორმა როლფ ლიბერმანმა დიდი ძალისხმევით შეიმდეგა დაარწმუნა ევროპაში გადასულიყო და 1974 წლიდან კარლსონი „ოპერა დე პარის“ საბალეტო დასს ხელმძღვანელობს. 70-80-იანი წლების ევროპული მოდერნ-დანსი მან არა მარტო ქორეოგრაფიული და ჯაზური იმპროვიზაციით გაამდიდრა, არამედ განახლე-

ბის შთამაგონებელი იმპულსიც შესძინა. 90-იან წლებში ქორეოგრაფმა პარიზი დატოვა და თანამედროვე ცეკვის სიახლეების ასათვისებლად იაპონიასა და ჩინეთში გაემგზავრა. უკვე 21-ე საუკუნეში საფრანგეთში დაბრუნდა და პა-დე-კალეს დეპარტამენტში, რუბეს ცეკვის თეატრს ჩაუდგა სათავეში.

რუსთაველის თეატრში გამართული სპექტაკლით „პატარა ისტორიები“, ქართველ მაყურებელს პირველად მიეცა საშუალება, მისი შემოქმედება ენახა. „ლი“ (2007) და „მანდალა“ (2010) – ასე ეწოდება ორ შესანიშნავ, ღრმა და საინტერესო კამერულ ისტორიას. პირველი, დაახლოებით, ნახევარ საათს გრძელდება და მასში კინაცუ კოსაკატანი და იუტა ნატაკა მონაწილეობენ; მუსიკის ავტორია ფილიპ კარპინსკი. „მანდალა“ კი, დაახლოებით, 40-ნუთიანი წარმოდგენაა, რომელიც საფრანგეთში 2010 წლის ერთ-ერთ საუკეთესო „მცირემეტრაჟიან“ ქორეოგრაფიულ სპექტაკლად აღიარეს. სოლოს

კაროლინ კარლსონის ასისტენტი და მოსწავლე სარა ორსელი ცეკვავს, ხოლო მუსიკის ავტორია მაიკლ გორდონი.

კარლსონის ქორეოგრაფიის მნიშვნელობაზე თეატრში მისულმა მაყურებელმა ბევრი არაფერი იცოდა. ამას რუსთაველის თეატრის ნახევრად ცარიელი პარტერიც მოწმობდა, რომელსაც დამცინავ რითმად გასდევდა სატელევიზიო-სარეკლამო კამპანიის არარსებობა. მოცეკვავთა სასახელოდ უნდა ითქვას, რომ მათი ენერჯია დარბაზის სიცარიელეს ენერჯიულად უპირისპირდებოდა და ავსებდა. ქალური და მამაკაცური საწყისი, სინაზე და ენერჯია, „ინისა“ და „იანის“ დაპირისპირება საომარი ორთაბრძოლების ნატივ ხელოვნებას უფრო მოგაგონებდათ. წითელი, აღმოსავლური ხმალი კი სპექტაკლში ერთდროულად მისტიკურ და საბრძოლო განწყობას ქმნიდა.

„მანდალაში“ სარა ორსელის კარგი ფეხგასმა და არცთუ ნატიფი ხელგაშლა სცენური სივრცის ათვისების პარალელურად ხდებოდა. სამწუხაროდ, მოცეკვავის მიერ მზარდ და გაშმაგებულ ტემპში შემოვლილი ორი კონცენტრული წრე – დიდი და პატარა, კარგი ქორეოგრაფიის ხილულ, მაგრამ შეუმჩნეველ ანარეკლებად გაიფანტა. პირველ რიგში იმიტომ, რომ ორსელი გაცილებით ხისტი მოცეკვავე-შეგირდია. მისი სხეულის პროპორციები თუ პლასტიკური მონაცემები 68 წლის მასწავლებლის, კაროლინ კარლსონის უნატიფეს და ფანტასტიკური გამომსახველობის ხელებს აშკარად ჩამოუვარდება.

რა სამწუხაროა, რომ ჩვენ მაყურებელს არასოდეს უნახავს თავად კარლსონი სცენაზე. თუნდაც მისი „ლედ ბლუ“ – თანამედროვე ქორეოგრაფიის შედეგრი.

დაბადებები საქართველოში, ხუთხუთები "ამიხანში"

დავით ბუხრიკიძე

ქართული კინო რომ მხოლოდ შუა ქალაქში ჭამა-სმასა და სეზონურ ბათუმურ სექსს არ გულისხმობს, კინოსტუდია „სანგუკოსა“ და „კონტროლსტუდიის“ ახალი ფილმიტაც შევიტყვეთ. დებოუტანტი რეჟისორის, თამარ შავგულიძის მიერ კინოპროექტ „5“-ის ფარგლებში გადაღებული ფილმის „დაბადებულები საქართველოში“ პრეს-პრემიერა კარგი მიზეზია არაკომერციული ქართული კინოს შესახებ სასაუბროდ.

პროექტი „5“, რომლის ბიუჯეტი საკმაოდ სოლიდურ 2 400 000 ლარს შეადგენს, ხუთ სრულმეტრაჟიან ფილმს გულისხმობს. სწორედ პირველი ფილმი „დაბადებულები საქართველოში“, რომლის ჩვენება ყურნალისტებისა და კინოკრიტიკოსებისთვის კინოთეატრ „ამირანიში“ გაიმართა.

პირველივე, ტკივილამდე ნაცნობი დოკუმენტური კადრები გასაგებ განწყობას ქმნის საიმისოდ, რომ დაგავინყდეთ შემთხვევით მომარაგებული პოპ-კორნიც და ზოგადად, ფასტ-ფუდის კინემატოგრაფის სურნელიც. ომგადატანილი ქვეყნის კინომაყურებელს ვერ შევლის ვერც სალაღობო-გასართობი ფილმები და ვერც ე.წ. სირაქლემის კომპლექსი. ფილმში 2008 წლის ომი პირველი წუთების შემდეგ თითქოს არც ჩანს და არც იგრძნობა, მაგარამ უხილავი, თანამდევ ბარომეტრია პერსონაჟების სულიერი მდგომარეობის გასაზომად.

ვინ არიან ისინი? 25-30 წლის სიტყვა-ძუნნი ქართველი ახალგაზრდები, რომლებიც ომის სიმძიმის მიუხედავად, თითქოს საგანგებოდ არ ახსენებენ სიტყვა „სამშობლოს“ და რომელთა სახეებზე ალბეჭდილი დრამატიზმი საზგასმულად თავშეკვეთულია... ყველაზე ემოციური და შინაგანად დამუხტული თამარი (თამარ ზზიავა), მისი მეუღლე, რიგითი უმუშევარი და რომანტიკულ-ინფანტილური ნიკა (ვანიკო თარხნიშვილი), უცხო ენების ლექტორი, მარტოსული და შინაგანად ყველაზე დაცლილი თინა (ნუცა კუხიანიძე) და მოწესრიგებული გიორგი (გიორგი გიორგანაშვილი), რომელიც თურმე ომის პირველსავე დღეებში ჩამოვიდა ამერიკიდან საქართველოში.

კრიზისის მიუხედავად, ოთხივე მეგობარი ცდილობს კარგი ურთიერთობა შეინარჩუნოს. და რაც მათ წარსულში შტამპადექვეულ სიტყვებად – „საქართველოში დაბადებულებად“ იწოდებოდა, ფინალში ტრაგიკულ შემთხვევითობაში გამოთიანდება: ნიკა გზის დაგებისას ნაღმზე ფეთქდება; მანამდე კონფლიქტური თამარი მას ურიგდება და ვიგებთ რომ ორსულადაა; მეგობრის სიკვდილით გაოგნებული გიორგი მანქანით პირდაპირ მიადგება საკონტროლო-გამშვებ პუნქტს, სადაც ავტომატით შეიარაღებული რუსები დგანან...

ფილმის არასრული 80 წუთი ღირსებასთან ერთად, ბევრ ნაკლსაც იტევს: გაუ-

მართავია ზოგიერთი დიალოგი (სცენარი თავად რეჟისორმა, თამარ შავგულიძემ დაწერა); სიცარიელის შევსების მიზნით „დადგმულია“ მრავალმნიშვნელოვანი პაუზები და რატომღაც ოთხივე პერსონაჟი ბევრს ეწევა. და მაინც, ძალიან ზუსტი და გადაძვევითა განწყობა, რომელიც ფილმში იკითხება და რომელიც განსაზღვრავს მის ზუსტ და მელანქოლიურ ტონალობას. ვიზუალური კულტურა მაღალი დონისაა და გარკვეულ ეპიზოდებში შეიძლება ალენ რენეს „მიურიელიც“ გაიხსენოთ.

ოპერატორ გიორგი შველიძის სტატიკურად „სავსე“ კამერას არ სჭირდება არანაირი ფოკუსები და ეფექტები. გოცინცაძის მუსიკა, როგორც ყოველთვის, მაღალი კლასისაა (თუმცა ჭარბად გამოყენებულიც). დახვეწილია მხატვარ სალომე სხირტლაძის ნამუშევარი და არ გალიზიანებთ უპრეტენზიო, უბრალო მონტაჟი. რეჟისორის ღირსებად შეიძლება ჩავთვალოთ თხრობის მუსიკალური რიტმისა და კადრის კომპოზიციის გრძნობა.

მიუხედავად იმისა, რომ „დაბადებულებს საქართველოში“ აშკარად რთული პოლიტიკური ბექგრაუნდი აქვს (განსაკუთრებით რუსების რეაქცია პროგნოზირებადი), რენი ჰარლინის გასაგებად პროპაგანდისტული ფილმისგან განსხვავებით, მას კარგი შანსი აქვს არტ-ჰაუზის ტრადიციებით მდიდარ ფესტივლებზე მოხვედს. **LD**



კადრები ფილმიდან „დაბადებულები საქართველოში“



სუად მასი



მერსედეს სოსა

Gracias A La Vida



ვახო ხვიჩია

დღეს „ლიბერალის“ მუსიკალური ეთერი ორ ქალბატონს დაეთმო. პირველი არგენტინელია, როგორც იტყვიან, ანდების მთების შვილი, ინდიელთა ტომის – აიმარების შთამომავალი, ხალხურ სიმღერებს ასრულებდა და სულ ახლახან გარდაიცვალა. მეორე კი ჩრდილოეთ აფრიკაში დაიბადა, ალჟირის სახალხო დემოკრატიულ რესპუბლიკაში. ნაღდი

ბერბერია, ახალგაზრდაა და ყველაფერი წინ აქვს. მოკლედ, ერთმანეთთან არაფერი აკავშირებთ. თუმცა, საერთოს აღმოსაჩენად, მათი ამბავი მოკლედ მოვყვებით და ორი გემრიელი სიმღერაც „გაუშვათ“ სრული სიამოვნებისათვის.

მერსედეს სოსა არგენტინამ სამოციანი წლების დასაწყისში გაიცნო, როცა 15 წლის გოგონამ არგენტინის ერთ-ერთ

რადიოსადგურზე გამართულ მუსიკალურ კონკურსში გაიმარჯვა. მისი პირველი ალბომი მალევე გამოიცა და ფოლკლორში სოციალური მიმდინარეობის – „nueva canción“ (ახალი სიმღერა) ჩამოყალიბების მიზეზიც გახდა. სამოციანი წლების ლათინურ ამერიკაში ხალხური ინსტრუმენტებით შესრულებული ბალადები, მართლაც სიახლეს წარმოადგენდა. თუ-



მცა, მუსიკოსის წარმატების საიდუმლო მისი სიმღერების ტექსტებში უფრო იყო. გაუთავებელი ხუნტებით თუ დიქტატურებით, სისხლიანი რეპრესიებით, სოციალური უსამართლობით განამებული ხალხისათვის მამინაც არავის ცხელოდა, მათი უფლებები და ღირსება დაუნდობლად ილახებოდა. მერსედეს სოსა კი, ფაქტობრივად, პირველი არტისტი აღმოჩნდა, რომელიც დაჩაგრულებს გამოესარჩლა, აჯანყება გაბედა და მომავლის დაკარგული იმედი დააბრუნა.

კონცერტებზე ტრადიციული სამოსი – შავი ან წითელი პონჩო ეცვა ხოლმე, თვალებს დახუჭავდა და ულამაზეს კონტრალტოს ამოუშვებდა, ნამდვილი ინდიელივით შამანურ ტრანსში აგდებდა მსმენელს. მღეროდა ამხანაგ ჩე გევარაზე, პინოჩეტის მიერ უმონყალოდ ნანამებ ვიქტორ ხარაზე, მექსიკელ რევოლუციონერ

პანჩო ვილიაზე, სიმონ ბოლივარზე, ვიოლეტა პარაზე და რაც მთავარია, უბრალო ხალხის ყოფით ისტორიებზე. ამის გამო, ის მთელ ლათინურ ამერიკას უზომოდ უყვარდა.

1976 წელს სამხედრო გადატრიალების შედეგად, ქვეყნის პრეზიდენტი იზაბელ პერონი ჩამოაგდეს. ამის მოთავე ცნობილი გენერალი ხორხე ვიდელა იყო, რომლის სიკვდილის ესკადრონებმა 5 წლის მანძილზე 30 ათასამდე ადამიანი დახვრიტეს ან უბრალოდ, გააქრეს. „სხვაგვარად მოაზროვნე“ ხალხს ლამბამობით სახლებში უფარდებოდნენ და ოჯახიანად აპატიმრებდნენ, ზოგს აწამებდნენ, ზოგსაც ვერტმფრენებიდან ყრიდნენ, ქალებსა და ბავშვებს ცოცხლად მარხავდნენ.

არგენტინას იმ წლებში ნამდვილად არ ემღერებოდა, თუმცა მერსედეს სოსა კონცერტებს მაინც მართავდა, მამაცი ქალი იყო და სიცოცხლის რისკის ფასად სცენიდან ებრძოდა ძალადობას. 1979 წელს პატარა ქალაქ მარ-დე-პლატაში გამართულ კონცერტზე, სპეცსამსახურებმა სცენაზევე, სიმღერის დროს დააპატიმრეს. ისიც სხვებივით გააქრეს, რამდენიმე კვირა არავინ იცოდა, რა ბედი ეწია. მუდამ შემოფოთებულმა საერთაშორისო თანამეგობრობამ მაშინ ივარგა და მუსიკოსი დაიხსნეს ვიდელას ჯურღმულებიდან. თუმცა, ხუნტამ თითი დაუქნია „არასწორი“ რეპერტუარისათვის და სიმღერა სამუდამოდ აუკრძალეს. მერსედეს სოსა იძულებული გახდა, სამშობლოდან წასულიყო. ჯერ ესპანეთს შეაფარა თავი, შემდეგ კი დისიდენტი მომღერალი პარიზმა მიიღო, თავისი ჩვეული სტუმართმოყვარეობით.

ლათინური ამერიკის ქვეყნებში არავინ ეცილება არგენტინელებს ტანგოს ცეკვაში, ისინი ამაყად ფლობენ ჩე გევარას, კორტასარის, ბორხესის თუ თვით დიეგოს „არგენტინელობის“ ექსკლუზიურ უფლებას. მერსედეს სოსა კი გამონაკლისია, რადგან მისი მუსიკა თანაბრად მშობლიურია როგორც რიგითი არგენტინელისათვის, ისე ურუგვაელისა თუ ჩილელისათვის, პერუელისა თუ პარაგვაელისათვის. ამიტომაც შეარქვეს „ლათინური ამერიკის ხმა“. ხმა კი მართლაც საოცარი ჰქონდა. ამის გასაგებად, აქვე ერთ ცნობილ სიმღერასაც მია-youtube-ებდა კაცი: Mer-

cedes Sosa – Gracias A La Vida (მადლობა ცხოვრებას).

ახლა ოკეანე გადავკვეთოთ და არგენტინიდან ალ-მაზიჰში გადავინაცვლოთ. „ალ-მაზიჰს“ ახლანდელ ალჟირში, მაროკოსა თუ მავრიტანიაში იმ მინებს უწოდებენ, სადაც უხსოვარი დროიდან ჩრდილოეთ აფრიკის ძირძველი მოსახლეობა – ბერბერები ცხოვრობენ. VII საუკუნის ბოლოდან რეგიონი არაბებმა დაიპყრეს და ისლამიზაციის შედეგად, ბერბერული კულტურა განადგურების საფრთხის წინაშე დადგა. მაგალითად, ალჟირში ბერბერები დღესაც იბრძვიან კულტურული ავტონომიისათვის, ეროვნული თვითგამორკვევისა და მშობლიური ენის შენარჩუნებისათვის. ბრძოლის ერთ-ერთ ყველაზე მშვიდობიან ფორმას კი ბერბერული მუსიკა წარმოადგენს, რომელიც ქვეყნის არაბულ ნაწილს მაგრად უშლის ნერვებს. ასე, რომ ბერბერული სიმღერა – „ჰარამია“ (ცოდვა), მომღერალი ქალი – უარესი „ჰარამი“, ბერბერულ ენაზე მომღერალი გოგო კი საერთოდ „ქუფრა“ (ურჯულოება), რაც შარიათის კანონებით სიკვდილით ისჯება.

ჩვენი დღევანდელი გმირიც ერთი „ურჯულო“ მომღერალი გოგონაა. სუად მასი (Souad Massi) ალჟირში მეტად მუსიკალურ ოჯახში გაიზარდა, მამა ტრადიციული ბერბერული მუსიკის მოყვარული, დედა ჯეიმს ბრაუნის ფანი, ზიძა კი საერთოდ ავანგარდულ ჯაზზე შემოიღო ტიპი ჰყავდა. ასეთ მუსიკალურ ქვებში იზარებოდა ბავშვობიდან და როცა წამოიზარდა, საკუთარი როკ-ჯგუფიც შექმნა. 90-იანი წლების ალჟირში კი როკენროლი თვითმკვლელობის ტოლფასი იყო. სუადი ჩაქოლვას რამდენჯერმე გადაურჩა, რის გამოც ქვეყნიდან გაქცევა მოუხდა. რა თქმა უნდა, პარიზმა შეიფარა, მალევე შეიყვარა და მისი ნიჭი „გადაარჩინა“. სუად მასიც საფრანგეთიდან უმღერის თავის ხალხს, ბერბერებისათვის კი მისი მუსიკა გაცილებით მეტია, ვიდრე უბრალოდ მელოდია.

ჩავდგათ ცოდვაში ფეხი და ერთ სიმღერას მოვუსმინოთ მალრიბელი „ურჯულო“ შესრულებით: Souad Massi _ Ghir Enta (მხოლოდ შენ მიყვარხარ) ალბომიდან „Deb“. 📍

20 ახალი არსი YOUTUBE-ზე



ვიდეოჰოსტინგის საიტი YouTube მალე მომხმარებელს 20 ახალ არხს შესთავაზებს, რომელიც ვიდეოებს თემების მიხედვით დააჯგუფებს. ცალკე იქნება მასალები ხელოვნებაზე, სპორტზე, მუსიკასა და სხვა პოპულარულ თემებზე. YouTube ამ არხებზე მომხმარებელს მხოლოდ ექსკლუზიურ კონტენტს შესთავაზებს. ვიდეოებს პროფესიონალები გადაიღებენ და მათი ნახვა ფასიანი იქნება.

ამ დრომდე სერვისის მენეჯმენტი აქცენტს მხოლოდ არაპროფესიონალურ სამომხმარებლო ვიდეოზე აკეთებდა და საავტორო უფლებების მფლობელებთან კონტრაქტებს, პრაქტიკულად, არ აფორმებდა. ახლა YouTube თავის პარტნიორებს პროფესიონალური კონტენტის მწარმოებლებს შორის ეძებს. მენეჯმენტი მოლაპარაკებებს ჰოლივუდის სააგენტოებთან, მათ შორის, Creative Artists Agency-სთან, William Morris Endeavor-თან და International Creative Management-თან აწარმოებს.

Google-თან და Facebook-თან ერთად, ვებგვერდი YouTube ყველაზე პოპულარული რესურსების სამეულში შედის. 2006 წლიდან რესურსი ინტერნეტ-გიგანტის Google-ის საკუთრებაა. Google სერვისის ფინანსურ მაჩვენებლებს არ აქვეყნებს, თუმცა კომპანია Citigroup-ის მონაცემებით, YouTube-ს შემოსავალმა გასულ წელს 1 მილიარდი დოლარი შეადგინა.

YouTube-ს განახლებისთვის კომპანია Google, დაახლოებით, 100 მი-

ლიონი დოლარის დახარჯვას აპირებს. მნიშვნელოვანი ცვლილებები პორტალზე უკვე მიმდინარე წლის ბოლოსაა მოსალოდნელი.

IPAD 2 > IPAD 1

iPad 2 წინამორბედზე გაცილებით მეტი წარმატებით იყიდება. DigiTimes-ის ცნობით, მარტში Apple-მა 2,5 მილიონი iPad 2 გაყიდა. პირველი თაობის iPad-ის შემთხვევაში, ეს მაჩვენებელი მხოლოდ მილიონი იყო.

DigiTimes-ის პროგნოზით, მიმდინარე წლის ივნისამდე Apple, დაახლოებით, 12 მილიონ iPad 2-ს გაყიდის. 2010 წელს კომპანიამ სულ 15 მილიონი პლანშეტი გაყიდა.



Apple-მა მეორე თაობის iPad 2 მარტს წარადგინა. მოწყობილობის გაყიდვები აშშ-ში 11 მარტს, 25 მარტს კი დამატებით 25 ქვეყანაში დაიწყო. გაყიდვების ოფიციალური სტატისტიკა Apple-ს ჯერ არ გამოუქვეყნებია.

ყველაზე ძვირადღირებული ბრანდები

ბრიტანულმა კომპანია Brand Finance-მა მსოფლიოში ყველაზე ძვირადღირებული ბრენდების სია გამოაქვეყნა.

სიის ლიდერი Google-ია. ინტერნეტ-გიგანტის ღირებულება 44,3 მილიარდი დოლარია. რეიტინგში მეორე ადგილს, 42,8 მილიარდი დოლარით, Microsoft იკავებს. Apple მე-19 პოზიციიდან 29,5 მილიარდ დოლარიანი ღირებულებით მე-8 ადგილზე დაინაწურდა.

კომპანია Coca-Cola, რომელიც ამ




დრომდე 500 ნამყვან ბრენდს შორის მესამე ადგილს სტაბილურად იკავებდა, პირველად აღმოჩნდა ათეულს მიღმა. ბრენდის ღირებულების ყველაზე დიდი - 10-მილიარდიანი შემცირება Nokia-მ განიცადა. მობილური ტელეფონებისა და სატელეკომუნიკაციო მოწყობილობების მწარმოებლის წარუმატებლობის მთავარი მიზეზი Apple-თან კონკურენცია და სმარტფონების ბაზარზე შექმნილი სირთულეებია.

Brand Finance-ის რეიტინგის ათეულში ასევე მოხვდა ბრიტანული Vodafone, რომელიც ყველაზე ძვირადღირებული სატელეკომუნიკაციო ბრენდია მსოფლიოში, მისი ღირებულება 30 მილიარდ დოლარადაა შეფასებული.

Twitter ღირებულების იცვლის და Facebook-ს ემსგავსება

Twitter-ის სასტარტო გვერდი ღირებულების იცვლის: ტრადიციულ ცისფერს ლურჯი ჩაენაცვლება, ახალი მომხმარებლების რეგისტრაციის ფანჯარა მარჯვნივ განთავსდება და დარეგისტრირების მსურველს მხოლოდ სამი გრაფის შევსება მოუწევს. ეკრანის ცენტრში გადაინაცვლებს მომხმარებლების ძიება ინტერესების მიხედვით.

ამ ცვლილებებით, Twitter სულ უფრო დაემსგავსება სოციალურ ქსელს Facebook-ს. რამდენიმე დღის წინ ცნობილი გახდა ისიც, რომ Twitter კომპანიებს სპეციალური, განსხვავებული გვერდების შექმნას შესთავაზებს, რომლებიც Facebook-ის კორპორატიული გვერდების მსგავსი იქნება. მათი დახმარებით კომპანიები საკუთარი სერვისების და პროდუქტების რეკლამირებას, კონკურსების



ჩატარებასა და სხვა ღონისძიებების შესახებ ინფორმაციის გავრცელებას შეძლებენ.

ექსპერტები ამბობენ, რომ დიზაინის შეცვლით Twitter მომხმარებელზე უფრო მეტად ორიენტირებული გახდება. ვებგვერდმა დიზაინი და ინტერფეისი უკანასკნელად გასული წლის შემოდგომაზე შეცვალა. კომპანიის მონაცემებით, ყოველდღიური ჩანაწერების გამოქვეყნების რაოდენობა გასულ წელთან შედარებით 41%-ითაა გაზრდილი. ამჟამად მომხმარებლები დღეში საშუალოდ 155 მილიონ „ტვიტს“ აქვეყნებენ.

ფასი 33,8 მილიარდ დოლარს მიუახლოვდა. შედეგად, ტაივანურმა მწარმოებელმა ფინურ Nokia-ს და კანადურ RIM-ს გაუსწრო და მესამე პოზიცია დაიკავა. პირველ ორ ადგილს სმარტფონების მწარმოებლებს შორის Apple და Samsung იკავებენ. ექსპერტები HTC-ს წარმატებას Android-ის პლატფორმის მოწყობილობებზე არსებულ მაღალ მოთხოვნას უკავშირებენ.


Samsung Galaxy S II აპრილში გამოვა

გავრცელებული ინფორმაცია, რომ Samsung Galaxy S II-ის გაშვება ზაფხულამდე გადაიდო, Samsung-მა არ დაადასტურა. Twitter-ის ბლოგზე სამხრეთკორეულმა მწარმოებელმა განაცხადა, რომ სმარტფონი გეგმის შესაბამისად, აპრილში გამოვა. პირველი ქვეყანა, სადაც ტელეფონის გაყიდვა დაიწყება, სამხრეთ კორეა იქნება.

როგორც წესი, Samsung ახალი პროდუქტების რეალიზაციას ევროპიდან


სტივ ჯობსმა კიდევ ერთ ნიგნი დაინერგა

Apple-ის დირექტორი სტივ ჯობსი მასზე კიდევ ერთი ნიგნის გამოცემას დათანხმდა. ბიოგრაფიული შინაარსის ნაწარმოები სახელწოდებით, „iSteve:



The Book of Jobs“ 2012 წელს გამოვა.

ჯობსის ბიოგრაფიაზე 2009 წლიდან მუშაობს ავტორი უოლტერ ისააკსონი. ის უკვე ესაუბრა თავად ჯობსს, მისი ოჯახის წევრებსა და კოლეგებს. გავრცელებული ინფორმაციით, ნაწარმოებში მოხვდა ექსკლუზიური მასალებიც. ისააკსონი ალბერტ აინშტაინის, ბენჯამენ ფრანკლინისა და ჰენრი კისინჯერის შესახებ ნიგნების ავტორია. იგი სხვადასხვა დროს CNN-სა და Time-ში მუშაობდა.

„iSteve: The Book of Jobs“ პირველი ბიოგრაფიული ნიგნია, რომელიც თავად სტივ ჯობსის პირადი თანხმობით გამოიცემა. მისი ბიოგრაფიები აქამდეც იბეჭდებოდა, თუმცა არაოფიციალურად. ამჯერად კი Apple-ს დირექტორმა ავტორს არამარტო ინტერვიუები მისცა, არამედ ნიგნის კორექტირებაც განახორციელა. 

მომზადდა ნინო ნატროშვილმა.

HTC-მ მოგება გაასამაგდა

ტაივანურმა კომპანია HTC-მ მიმდინარე წლის პირველ კვარტალში 3,6 მილიარდი დოლარის შემოსავალი მიიღო. ეს მაჩვენებელი თითქმის ორჯერ აღემატება შარშანდელი წლის ანალოგიური პერიოდის 1,3 მილიარდ დოლარს. HTC-ის კვარტალური მოგება კი თითქმის გასამაგდა: თუკი შარშან კომპანიამ 172,8 მილიონი დოლარის მოგება მიიღო, წელს ეს მაჩვენებელი 512,6 მილიონამდე გაიზარდა.

კომპანიაში გაყიდული სმარტფონების რაოდენობას არ ასახელებენ, თუმცა იანვარში მენეჯმენტი აცხადებდა, რომ, დაახლოებით, 8,5 მილიონი მოწყობილობის რეალიზაცია იგეგმებოდა.

ამას გარდა, HTC-ს საბაზრო



ინყებს, თუმცა ამ შემთხვევაში კომპანიამ ტაქტიკის შეცვლა გადაწყვიტა. ექსპერტები ვარაუდობენ, რომ Samsung-ს iPhone 4-ის პოპულარობისთვის კონკურენციის განევა სურს და ამ სტრატეგიის განხორციელებას, პირველ რიგში, ადგილობრივი ბაზრიდან იწყებს.

Samsung Galaxy S II პოპულარული მოდელის Galaxy S-ის მემკვიდრეა. მოწყობილობა კომპანიამ მიმდინარე წლის თებერვალში, გამოფენა Mobile World Congress 2011-ზე წარადგინა.

ხოზ ისოდეთ, ხობოხ მიყვარხხით ყველანი!



კახა თოლორდავა

– მოდი, მოდი, ჩემო სიყვარულო! მოდი, ჩემო ლამაზო! თამამად, თამამად გაიარე! თავი მაღლა გეჭიროს ჩემო სილამაზევე, ნახე, რა ლამაზი ხარ, ნახე, რა მშვენიერი ხარ! ბედნიერად გველოს! შენ, რატომ მოიწყინე, ვაჟკაცო, ლამაზო კაცო? ბედნიერი იყავი, შემოგვევლოს ჩემი თავი! არა, არა, გენაცვალე, ფული არ მინდა! მაგაზე თავი არ შეინუხო. ვაჰ, ვაჰ, ნახე როგორი ლამაზები მოდიან! ბედნიერები იყავით, ხალხნო, ბედნიერები! ნურაფრის გეშინიათ, ყველაფერი კარგად იქნება, ყველაფერი მშვენიერად იქნება; ოღონდ გიყვარდეთ, ოღონდ მშვიდად ისუნთქეთ. აი, ასე, ჩაისუნთქე, საყვარელო და ამოისუნთქე; ამოისუნთქე სიყვარული! როგორ ხარ, შენ შემოგვევლოს ჩემი თავი? რაღაც კარგა ხანია, აქეთკენ არ ჩამოგივლია! ხომ მშვიდობაა? ხომ ყველანი კარგად ხართ? დალოცვილები იყავით! ფული არ გამაგონო! ვაი, ვაი, რომ იცოდეთ, როგორ მიყვარხართ ყველანი! გულს უხარია თქვენი დანახვა ჩემო საყვარლებო! გული მღერის, თქვენ რომ გხედავთ ასეთ ლამაზებს, გალიმებულებს, დახვეწილებს! ჰა, მოდი, კაცო, გამოიარე, რა შეშინებული მიყურებ, კი არ შეგჭამ! თუმცა არა, სიყვარულით შეგჭამ, ჩემო უსაყვარლესო! იფ, იფ, ნახე, ნახე, რა ლამაზი ხარ, ქალბატონო! ყოველ ჩამოვლაზე უკეთესი და უკეთესი ხდები, გენაცვალე. ყოველ შენს დანახვაზე სიხარულით ვივსები ხოლმე! რას შვრები, როგორ ხარ, ძია კაცო? ჰა, წელში გასწორდი, ცხოვრებამ არ შეგაშინოს! ცხოვრებამ სუსტები შეაშინოს, შენ კი ვერაფერი გაგიბედოს, ჩემო საყვარელო ბატონო! გაიარეთ, გაიარეთ უსაყვარლესებო, მოდით, მოდით, მე აქ ვარ, ნურაფრის შეგეშინდებთ, ლამაზებო! ვაჰ, ამას ვის ვხედავ? ამას ვის ხედავს ჩემი თვალები! რა ბედნიერი დღე გამითენდა, კაცო! ჰა, როგორ ხარ მშვენიერო? უჰ, შხეხედეთ ერთი, რა ლამაზი კაცია; ან როგორ აცვია, ან როგორ ახურავს, ან თავი როგორ უჭირავს! რამდენჯერ უნდა გითხრა, ფული არ მინდა-მეთქი, უმშვენიერესო? მე რა მიჭირს, გენაცვალე?! მე ხომ თქვენით მიდგას სული?! დაგინახავთ და შიგნით ყველაფერი სიმღერას და ცეკვა-თამაშს იწყებს! ნახვამდის, ნახვამდის, გენაცვალე, მშვიდობით გველოს, მშვიდობით გეცხოვროს, მშვიდობით...! თუმცა რა მშვიდობით! ხომ ჩამოივლი კიდე ამ დღეებში, მშ-



ვენიერო? აბა, რას იზამ! აუცილებლად ჩამოივლი და მეც აქ დაგხვდები გალიმებული, შენი დანახვით გაბედნიერებული! ჰა, ხალხნო, რა ჩამოგიშვიათ ცხვირები?! რა მონყენილები დადიხართ აქეთ-იქით? ნუ გეშინიათ, მე ხომ თქვენთან ვარ?! ფრთხილად, ფრთხილად გადადი, ძიაკაცო, ფრთხილად, გენაცვალე, მანქანები დადიან მაინც და... თუმცა შენს დანახვაზე ხომ იცი, რომ მონინებით შეჩერდებიან და გაგატარებენ, ბატონო! ჰა, ესეც მე ვარ? გაიხარე, ჯიგარო, გაიხარე! გაიარე, ბატონო, გაიარა! აბა, წამოვიდა, წამოვიდა! გაგიმარჯოს და გამარჯვებით გატაროს ღმერთმა ასი წელი უსაყვარლესო! უჰ, ცას ახედეთ ხალხნო, ნახეთ, რა მზეა, ნახეთ, რა ამინდი დაგვიდგა! მზე შეისუნთქეთ ღრმად, საყვარლებო! თუმცა თქვენ ეს რაში გჭირდებთ, ისედაც მზე ანათებს თქვენში! როგორ ხარ, როგორ ხარ? მომენატრე, ხომ იცი! არა, არა, არა, ფული არ მინდა! ფული რად მინდა, კაცო? ხომ ვამბობ, თქვენ რომ გიყურებთ, უკვე მდიდარი ვარ-მეთქი? წამოვიდა, წამოვიდა! მაგრა, მაგრა ვარ გენაცვალე, მიდი, გაიარე, გაიარე! წამოვიდა! ფრთხილად გადმობრძანდით, ქალბატონო, ჩემო სიყვარულო, ჩემო სილამაზევე, აი, ასე! აი, ასე! ეს პატარა სილამაზე ვინღაა? ღმერთო, რა ლამაზია ეს გოგო, რა მშვენიერია! ღმერთმა გაგიზარდოს! ღმერთმა ბედნიერად ატაროს ცხოვრებაში...

- დედი, ეს ქალი ვინაა?
 - რა ვიცი, შვილო, გიჟია ვილაც! წამო, წამო!
- ფალიაშვილის და არაყიშვილის კუთხეში ერთი ქალი დგას ხოლმე. ყველას გიჟი ჰგონია.



თელავი, ყვარელი, ლაგოდეხი
გორი, ქარელი, საშუსრი
ზესტაფონი, ქუთაისი, სამტრედია
ურეკი, ქობულეთი, ბათუმი
ფოთი, სენაკი, ზუგდიდი

FM 105.5

FM 103.0

FM 104.5

FM 101.0

FM 101.9



WWW.LIBERALI.GE

